

Luk

Luk girek en Tiofilas san na igane yau a

¹ O tamol tubun en Tiofilas, tamol wei mi melmel a maŋ luluŋama lo nuŋon dilasa yan niŋedi wo digire la ya.

² Melmel nek an, tamolpein a sed malad lo dil an durupaiamag malon a. Tamolpein en gubak mi ru en kagin dupani uyan se ya, agod ru dugo durupaiama na yan, ru nek an mi migire idu ya.

³ Naiseg mi melmel an fidian, fun lo dilasag ipalu yan ŋupupi ŋile ya. An niŋen o ŋaisag ilo sou lo mel en uyanan a, ŋai gamu mel en fidian tet mi ka ŋigire pano wa.

⁴ An lo dop melmel a dipitenano yan sad fudi mok on ulon siŋaokan a, agod mel amaiak fidian rumok an dam ulon a.

Jon ilasa wak niŋen eŋel ta Sakaraia irupeia

⁵ Saen Herod in Judea provins sad kiŋ imado dugo, pris ta dam imado se ya, yanŋan Sakaraia. In pris biatitek luluŋad lo a yanŋan Abaija dubol dan san tamol ta. In Aron san gugoi lo ilasa ya, iwon Elisabet dam in Aron san dar lo ilasa ya.

⁶ Tamol an iwon da Anut malan lo itaot a, ago dugo in Tubun ak san kubiaen agod ru kagin an fidian duri dupani se ya, agod talpein ta inaned kagin an niŋen o ru ta ibol san tia ya.

⁷ Ak man in nanuk amad tia ya. Man dugo, Elisabet in pein niganig, taida mi, uraru an mel saiak digane la ya.

⁸ Biatitek a lo, saen tamol dumado se yan tempel lo urat disini dugo, Sakaraia dida urat digane se ya. Nal ta lo in Anut naon na pris urat igane se ya.

⁹ Aria, pris sad kagin lo, inanen urat kisaek adi dipiliani a. An lo in Anut san tempel lo iladup, ante alta san yai fo yaikas mumalum iwen sirjaokan dan igane wo, kob dupani a.

¹⁰ Aria, yaikas an igane san saen ilasa dugo, tempel lo iladug ago igane se ya, ago dugo tempel patun fo tamolpein a ubou dile wo dutumani an gadin digane se ya.

¹¹ Saen nek an lo Tubun en san enel Sakaraia naon na ilasag, yaikas mumalun iwen dak san alta giranen won ak lo itur a.

¹² Saen Sakaraia enel an ile man, irut saian geig go irer a.

¹³ Ak man enel an irupeig ibol, "Sakaraia, on urer umoi. Anut onsa gudanek ilon la ya. On iwo Elisabet nanuk tamol ak ta igansi wa, ago dop yan an Jon ubol a.

¹⁴ In on ilo bulbal ipano dop on ilo uyanan geig a. Agod tamolpein wei kasik in ilasa yan ninen o yousai digane wa.

¹⁵ Man dugo, in Tubun en malan lo tamol tubun ak imado wa. In wain, ayu naon sensen ak dam ta iluk na wa. Agod saen tinan igansi man, in Awan Urgan inane tinin inane futep pempem ago imado wa.

¹⁶ In Isrel lulanad lo tamolpein wei kasik in jiliaip, dida fon dumul pe insad Tubun ak Anut san na diau a.

¹⁷ In Tubun ak naon na imug pe dal ikubune wa. Elaija san ur lo, agod Elaija san dabal lo dam

ago igane wa. In idiraip nanuk tamad dida ilod ibilisap, nug niñen o dumat a, agod tamol silei ak ilod ibilisap, tamolpein itaot ak sad kankan milaen ak diñane wa. An lo dop inñan urat an lo inñ tamolpein ikubuniaip, Tubun ak ipalu wo malad diganep dumado wa.”

¹⁸ Ago tag Sakaraia eñel an isumiani, “Ñai iwog da mel saiak migane ya. Dugo wonñ pe ru ubol an nuñon ñalonñ ak i?”

¹⁹ Agog eñel an ru naon irupeig ibol, “Ñai Gebriel. Ñai Anut naon na ñatur da. Anut sen ñai idinag go, ru uyanan en ñurupaio wo ñupalu ya.

²⁰ Ak man onñ ñaisag ru en ilo lo ta rumok na yak niñen onñ awa itaup mado wa. Ago mado yaup ru an nuñon ilasa gup, awa ipuk pe, ñiñe wa. Ñaineg ru inñanen saen fo mi nuñon ilasa wa.”

²¹ Ago dugo tamolpein a kuai te Sakaraia ditiñanig dumado dan, ilo sou wei kasik digane dugo dubol, “Ata mel mok igane dugo saen milaen kasik imado di?”

²² Murnag tempel lo kuai te ilasa man, tamolpein ru irupidai san tia ya. Ago tag inñ dulonñ ak, Sakaraia tempel lo malan ñutun ile yan lo, inñiñenñ san tia yak niñen o, banin nam toutou igane se ya.

²³ Aria, inñ urat isini san saen itout go inñsiganen ab lo imul yau a.

²⁴ Murnag iwon Elisabet luan anda ya. An niñen o kalam 5 ab lo imianuk imado se ya.

²⁵ Ago dugo ibol, “Tubun en mel en igane panag a. Gamu inñ ilon ipanag a, agod ñaisag miai tamolpein naod na ipasi yau a.”

Jesus ilasa san niñen o eñel ta Maria irupeia

²⁶ Elisabet luan andag kalam 6 yau dugo, Anut enjel Gebriel idinig, Galili provins lo taun ta yaŋan Nasaret, atna yau.

²⁷ In pein baras itaot ak ta san na yau a. Pein an yaŋan Maria. King Dawid malan kubulan ta yaŋan Josef dubol dan nien dupani a.

²⁸ Gebriel inŋsan na yaug ibol, “Ilo uyan dop mado. Anut ipitiano dak, in ilon ipano dak, in on da amado da.”

²⁹ Maria ru an ilon go ilon weiwei dugo ilon lo ibol, “Ilo uyan ru naok ago yan fun dugo mok ak i?”

³⁰ Ago tag enjel irupeig ibol, “Maria, on urer umoi. Anut on o ilon uyan da.

³¹ On lua ama dap, nanuk tamol ak gansip yaŋan Jesus ubol a.

³² In tamol tubun ak imado dop, Anut lak na geig an Nanun dubol a. Agop, Anut iganep in kin ilasap, tubun bagen Dawid imado yak ago mi imado wa.

³³ In Isrel tamolpein pempem mi itirnaip imado wa. Inŋsan kagin panek wadan an itout san tia ya.”

³⁴ Ago tag Maria enjel isumianig ibol, “Nai tamol da gamugo mator da, an lo mel an dugo won ilasa wak i?”

³⁵ Enjel an ru naon irupei, “Awan Urgun on lo idup, Anut lak na yan san dabai on ituano wa. An ninen o nanuk a mitep gansi wan gun a, agod tamolpein in Anut Nanun dubol a.

³⁶ Ulon. On nibi Elisabet pein saiak bo man, in dam luan anda ya. Imug in niganig dubol na ya. Gug gamu in luan andad kalam 6 ibisei la ya.

37 Man dugo, Anut in lo man mel fidian pasauman a, ta muruan man tia ya.”

38 Ago tag Maria ru naon irupei, “Njai Tubun en san urat pein mi a. Ago yak ninen o ubol dan ago naji lo ka ilasa wa.” Agog enel an Maria ibiseig yau a.

Maria Elisabet ile wo yau a

39 Saen an lo, Maria biouñ ikubuneg, Judea Provins lo panu ta tan bubun titinae ak ate ririan yau a.

40 Yaug, Sakaraia san ab ilon lo iladug, Elisabet ilo uyan ru irupei a.

41 Saen Elisabet Maria san ilo uyan ru ilon man, inanen nanuk tinan lo isokalik a, ago dugo Urgun ilon inanefteg,

42 awan tubun mi ibol, “On pein fidian luluñad lo Anut san bar naneg mado da. Nanuk a on gansi wan in dam Anut san bar inanefteg imado da!

43 Naineg Tamol Tubun ak tinan ilon ipanag go, naji iliag o ipalu ya. Ata wo bar an ipanag ak i?

44 Ulon, saen on naji rupaiag man tinan lo nanuk youn anda isokalik a.

45 On bar ama da mado da, man dugo, mel a Tubun en irupaio yan nunon ilasa wan ilo lo rumok go awan wabi a.”

Maria san bar

46 Agog Maria ibol:

“Njai nutug Anut yan yan yabisa da,

47 agod naineg ur Anut enti patug ipasi wan lo youn isa da.

48 Man dugo, naji pein kawan, yan yan tia ya. Gug in naji o ilon isou a.

Gamu en, agod nal murnai san fidian, tamolpein fidian n̄ai niñeg o ago dubol a, 'Pein en bar iñaneg imado da.'

49 Man dugo, Enti a dabai fidian anda yan, mel tubun geig ak n̄ai o igane ya.

Rumok, iñ yanjan gun a.

50 Iñanen ilo muñanek, tamolpein ensauta a iñ o direr dan ituanai da, tamolpein e gamu dumado den ituanai da, agod malad kubulan a murnap dilasa wan dam mi a.

51 Iñ tuon nam kulob dabdabai ak idiri dugo teil a, Tamol sed bubed lo tutubu dubol dugo yanjad diabisa dan irubai diau a.

52 Kiñ dabdabai an ibiai dudu dugo, tamolpein a yanjad tia yan ibiaisa ya.

53 A dumatigen dan melmel uyan uyan ak nam ifutuwaig iñ luad ipuk a.

Ago dugo a filiad anda yan idinaig sen dilasag banid kawan diau a.

54 Iñanen urat tamol Isrel ibinawai a, iñanen ilo muñanek ikubiai pidinai an ilon ta iñaoñ na ya.

55 Tia, ilo muñanek an iñ Abraham iñanen malan kubulan dadi pempem ikubiaip dile dop na wa, nek ibol tubud baged wagam irupidai ak ago mi a."

56 Aria, Maria Elisabet da kalam utol dumado gug, fon imul go sen naon na yau a.

Elisabet Jon igansi a

57 Elisabet nanuk igansi san nal idaisudag, nanuk tamol ak igansi a.

⁵⁸ Tubun en Elisabet ilon imunani an muroun muroun dulon go in dam youdi isa se ya.

⁵⁹ Nanuk igansig nal 8 yau dugo, nanuk tinin sunolon dutute wo, taman waian diganep Sakaraia dubol o dupalu ya.

⁶⁰ Ak man tinan imoig ru igo ibol, “Tia, yanjan Jon tabol a.”

⁶¹ Agog in durupeig dubol, “Ak man on murou murou lulunad lo yanjan ta ago man tia ya.”

⁶² Agog in banid nam Sakaraia toutou dupanig, nanuk yanjan ipate wo dusumiani a.

⁶³ Ago tag Sakaraia banin nam toutou igane dugo tafel (slet) dupanig, fo nanuk yanjan igire: “In yanjan Jon.” Agog in fidian durut saian a.

⁶⁴ Gamu nam Sakaraia awan ipuk go fun iganeg ininjan dugo, Anut yanjan yabisa ya.

⁶⁵ Agog ab susumeik an aban ago dileg, durut saian a. Ru an Judea ilon lo panu panu tamolpein fidian dulon go, kubol en ninjan o dininjan se ya.

⁶⁶ Tamolpein a fidian ru a dulon an ilod weiweig nug dusumiani, “Ak dugo, nanuk an san madok murnap dugo wak i?” In kuai tem dile yak Anut anen tuon dabai nanuk an da ya.

Sakaraia san bar

⁶⁷ Awan Urgan Jon taman Sakaraia ilon inanefteg, in profet ru en ibol a,

⁶⁸ “Id Tubun en per tupani wa, in mi Isrel san Anut. In ipalug inisan tamolpein yil go idad injal a.

⁶⁹ In tamol dabai ak ta, id patud ipasi san igane ilasa ya.

Tamol en man, inisan urat tamol Dawid san dar lo ilasa ya.

- 70 Wagam na mok inſan profet gun adi awad lo ru en ibol:
- 71 Inj idsad ager banid lo ipasad injiliad a.
Agod tamol a id lo siai digane dan tuod lo dam ipasad injiliad a.
- 72 Inj idsad tubud baged ilo muſjanek ikubiai pidi-
nai a.
Ago dugo inſan kontrak gun an niſen o ilon isou a.
- 73 Inj idsad tubud baged Abraham ru promis en irupeig ibol:
- 74 Id ager tuod lo ipasad pe
id ilo urer tiap, inſan urat tigane wa.
- 75 Id saen fidian tan e lo tumado den lo,
inj naon na kagin gun ak lo, agod kagin itaot ak lo dam ago tigane wa.
- 76 O űai nanug, oű Anut lak na geig ak san profet dubol a.
Man dugo, oű umug pe Tubun en san dal kubune pani wa.
- 77 Injanen tamolpein patu pasek ka diſjane wan, oű maſjau en pidinai a,
Anut injaned aupasek isuas pidinai dan lo patud ipasi san duloű fufei a.
- 78 Idsad Anut injanen ilo muſjanek lo ago igane ya.
Inſan ilo muſjanek lo, inj Nanun ad isuda dak igo woű kumaen panu nap idsad na ipalu wa.
- 79 Agop injanen lilaman tamolpein a tidom tubun lo dumado dan, agod materű san mirau lo dumado dan dam, tinid isapudade wa.
Agop maror san dal ikubiai panad pe fo tator a.”

⁸⁰ Nanuk an italbusig inanen n̄tun lo dabai inaneg imado se ya. Aria, in̄ aben kawan ak lo imado yaug, in̄san saen fog Isrel tamolpein malad lo kuai te ilasa ya.

2

Maria Jesus igansi a

Mat 1:18-25

¹ Saen an lo Rom gabman gurman Kaisa Ogastas kubiaen̄ ta igane ya. Tamolpein a tan fidian lo Rom gabman paen na dumado dan, yaṇadi buk lo digire wo ibol.

² (Yaṇa kubunek en malmalan a, saen Kwirinias in̄ Siria san gurman imado yan lo ilasa ya.)

³ Agog tamolpein fidian in̄siganed fun panu lo yaṇad dukubune wo diau a.

⁴ An nin̄en o Josef dam Galili distrik lo panu ta yaṇan Nasaret ibiseig, Judea na panu ta yaṇan Betlehem dubol dan te yau a. Aben an Kin̄ Dawid san panu fun. Josef in̄ Dawid malan kubulan, amaiak nin̄en o in̄ ante yau a.

⁵ Josef in̄ Maria n̄ien dupani ak nin̄en o in̄aneg ida diau a. Saen an lo Maria in̄ luan anda la ya.

⁶ Betlehem na mi dumado dugo, Maria nanuk igansi san saen idu ya.

⁷ Agog nanuk matu tamol ak igansig, yamel nam ibuluwig, makau ab lo makau sad anaṇ nuaen̄ san kunup* lo iganeg yen a. Man dugo, lou ab lo dusumiai ak man aben fidian awan isa la ya.

En̄el sipsip titianek tamol adi sad na ilasa ya

* **2:7:** Daeg tubun ak

⁸ Tidom lo panu gigin te sipsip sad titianek tamol kuai te sipsip kagin dupidinai dugo,

⁹ Anut san enjel ta sad na ilasa ya. Anut san lil-aman aban isapudade yan dileg direr dugo dusu-ruwor saian geig a.

¹⁰ Ak gug enjel an irupidaig ibol, “Arer amoi. Nai ru uyan ak n̄rupaian̄ o n̄upalu ya. Tamolpein fidian mitep ilodi uyanan geig a.

¹¹ Tidom nek en lo Dawid san panu lo an̄sam patu pasek tamol ilasa ya. In̄ man K̄ristus, an̄anem Tubun a.

¹² In̄ ale san kob igo ya, au gup nanuk an yamel nam dubuluwig, makau sad anan̄ nuaen̄ kunup lo yen dop ale wa.”

¹³ Ago ibol man, gamu nam Anut san yu doup enjel adi malan wei mi kuai disig, enjel malan te yan ida Anut per dupani se ya. Ago dugo igo dubol,

¹⁴ “Aben lak na geig ak lo, Anut girager anda yan̄an mabisa da.

Ago dugo tan na, tamolpein ensauta a Anut ilon ipidinai dan, in̄anen maror ipidinai a.”

Sipsip titianek Jesus dile wo diau a

¹⁵ Saen enjel fidian mi dumul go kumaen panu na diau man, sipsip sad titianek tamol an sed nug durupe, “Betlehem na taup, mel e ninen o Tubun en irupaiad en tile wa.”

¹⁶ Agog ririan diaug, Josef in̄ Maria da dil dugo, nanuk an dam makau sad anan̄ nuaen̄ kunup lo yen dugo dile ya.

¹⁷ In̄ nanuk dile la gug, ru a nanuk an ninen o enjel irupidai an dijaneg panu susumeik an lo tamolpein durupidai se ya.

18 Ago dugo fidian a ru an dulon man, durut saian go ilod weiwei se ya.

19 Gug Maria ru an fidian ilon lo igane ya, ago gug saen wei mi mel an fidian ilon isoug kankan igane se ya.

20 Agog sipsip titianek tamol an dumul go sipsip sad na diau se yan, Anut yañan diabisa dugo per dupani a. Man dugo, nek enjel irupidai ak ago, mel a fidian ilasa yan, agod ru a fidian dulon an dam, itaot ilasa dugo dile ya.

Jesus yañan digane ya

21 Nanuk ilasag nal 8 yau dugo, nanuk tinin sunulon dututeg, yañan Jesus dubol. Maria gamugo luan anda dugo yañak an enjel ipalug Maria irupei ak fom dupate ya.

Simion in Ana da Jesus tempel lo dile ya

22 Moses san kubiaen ago ibol, pein enti nanuk igansip nal 40 yau dop in fon ikok ilasa da wa. Aria, Maria malan iganeg nal 40 yau itout go, Josef Maria da Jesus diñaneg Jerusalem na diau a. Ante in Jesus diñanep Tubun en dupani wo diau a.

23 Man dugo, Tubun en san kubiaen lo ru igo digire ya, “Nanuk matu ak fidian man inaned tinad tamad diñal diaup Tubun en dupani wa, an lo dop saen fidian Tubun en wagen lo gun dutor a.”

24 Kubiaen an ibol, “muluk uraru, tia tap, anakanak nanun uraru muluk on ak Anut yai gane pani wa.” Aria, Josef in Maria da kubiaen an dirig yai niganag naok an digane ya.

25 Aria, tamol ta Jerusalem na imado yan yañan Simion. In tamol itaot, agod Anut awan paen na imado ya. Anut Isrel tamolpein ibinawai san saen

ilasa wo, malan iganeg imado se ya. Inj lo dam Urgun imado ya.

²⁶ Gubak mi Awan Urgun irupeig ilonj ak, inj gamugo imat dop Anut anen Kristus ile wa.

²⁷ Aria, gamu Awan Urgun iduduwig an lo tempel san ar lo iladu ya. Saen an lo Josef, Maria da Jesus diabig ru kagin a kubiaen irupidai an duri dupani wo dupalu ya.

²⁸ Agog Simion Jesus ileg sinjiren na yaug ilatig Anut per ipanig igo ibol,

²⁹ “Tubun en, onane promis ru gubak mi ubol paiag an gamu nujon gane ya.

Ago yak ninen o rupaig pe naj onane urat tamol tan en njibiseip, maror lo mi naj a.

³⁰ Man dugo, njaiseg malag nam onane patun pasek tamol njile ya.

³¹ Tamolpein fidian malad lo onj tamol en gane ilasa ya.

³² Inj sul onj ilasap imado dop gob adi ru inj ninen o dulong pe ilod ilalanj a,

agod inj lo onane Isrel tamolpein yanjak tubun ak dinjane wa.”

³³ Nanuk an tinan taman ru e Simion ibol en dulong go durut saian a.

³⁴ Agog Simion bar ipidinaig Maria irupeig ibol, “Anut gubak mi ilon igo yen a, nanuk en Isrel tamolpein lulunjad lo, wei mi dudu diau dop, aenta wei mi dam ibiaisa wa. Agod tamolpein wei mi nanuk an dile saian dop inj ninen o ru saian ak amad da wa.

³⁵ Inj tamolpein sad kankan imianuk an kuai te iganep fidian dile wa. Agod sabiri ta luon ak onane njutu isue wa.”

³⁶ Aria, profet pein ta, yañan Ana, inñ dam tempel lo imado ya. Inñ Fanuel nanun pein, Asa san gugoi lo ilasa ya. Inñ mel saiak geig a. Anañar 7 tamol ida dumado yau gug tamol imat a.

³⁷ Agog pein suos imado yaug san anañar 84. Inñ tempel san tumanek aben ta ibisei na da. Tidom ad Anut yañan yabisa dugo igudani da. Saen aenta anañ geg iganep gudanek mi igane da.

³⁸ Aria, Simion pein tamol an ru irupidai dugo, saen nek an lo Ana ipalug, inñ dam Anut yañan yabisag, nanuk an niñen o Jerusalem tamolpein ensauta a Anut ibinawai o malad diganeg dumado se yan irupidai a.

Josef Maria da Nasaret na dumul diau a

³⁹ Jesus tinan taman mel fidian Anut san kubi-aenñ ibol ago mi digane itout go fon dumul, Galili provins lo inñsiganed panu Nasaret na diau a.

⁴⁰ Agog nanuk italbusig tubun go, tinin dam dabai dugo kankan milaen ak inñ lo awan isa geig a. Ago dugo Anut ilon tubun mi ipani na ya.

Jesus inñ pinein foun tempel lo yau a

⁴¹ Jesus tinan taman inñ anañar fidian, saen Pasova san ad nanek ilasa dan lo, Jerusalem na tumanek tubun an lo diau na ya.

⁴² Aria, Jesus san anañar 12 dugo diñaneg Jerusalem na diaug inñaned kagin yen ago mi duri a.

⁴³ Murnag Pasova ad nanek itout go fon dumul inñsiganed na diau se ya. Jesus inñ Jerusalem na imado yan, inñanen tinan taman ta duloñ na ya.

⁴⁴ Inñ ilod lo Jesus tamolpein aenta luluñad lo dadi diau dak dubol. An niñen o adian kisaek

dutor se ya. Agog gurai idu yan, turad muroud luluᅇad lo Jesus abanᅇan diabi a.

⁴⁵ Gug kitek dile man tia tag Jerusalem na abanᅇan diabi wo dumul a.

⁴⁶ Nal utol abanᅇan diabi ak gug, inᅇ ta dile na ya. Ago gug tempel lo diladug dile ya. Inᅇ Juda sad girek maᅇau luluᅇad lo imasig, ru a dubol na yan ilonᅇ dugo, isumianai se ya.

⁴⁷ Ago dugo fidian inᅇsan nᅇnᅇn, maᅇau, agod ru naon a irupidai an dulonᅇ go, durut saian geig a.

⁴⁸ Tinan taman abanᅇ ago dile man dam durut saian go tinan irupeig ibol, “Bai, onᅇ ata wo maᅇ igo giniama yak i? Nᅇai onᅇ tama da iloma muruan kasik dugo, onᅇ abanᅇa mabi se ya.”

⁴⁹ Ago tag Jesus ibol go isumianai, “Anᅇ ata wo nᅇai abanᅇag abi se yak i? Nᅇai tamag san ab lo nᅇumado dak, anᅇ anᅇ ta alonᅇ na yak i?”

⁵⁰ Ak man ru e irupidai den fun mok ta dulonᅇ na ya.

⁵¹ Agog Jesus tinan taman dida dumul Nasaret na diaug, pempem awad paen na mi imado se ya. Ak man tinan melmel fidian a ilasa na yan, ilon lo iganeg yen go kankan igane se ya.

⁵² Agog Jesus inᅇanen tinin, agod inᅇanen kankan ilonᅇ san dam italbusig tubun a. Anut, agod tamolpein dam inᅇ dipitiani na ya.

3

Jon Suguek san inᅇ dal ikubune ya

Mat 3:1-12; Mak 1:1-8; Jon 1:19-28

¹ Taibirias Kaisa ananᅇar 15 Rom gabman kagin ipani dugo, Pontias Pailat Judea kagin ipani se ya. Ago dugo Herod Galili san tamol tubun geig, inᅇ

tein Filip dam nek ago mi Iturea in Trakonaitis ida kagin ipidinai dugo, Laisenias provins Abilene kagin ipani se ya.

² Ago dugo Anas, Kaiafas da man pris gurman malan te ya. Saen an lo Anut anen ru Sakaraia nanun Jon, aben kawan tamol tia yak lo imado dugo san na yaug ilasa ya.

³ Agog Jon you Jordan giranen na aben fidian san tamolpein Anut san ru irupidai dugo itor se ya. Insan ru malan te man igo ibol, “Tamolpein ananem aupasek patum apanip, ilom abileksap, apalup suguek anane wa. Ago tap Anut ananem aupasek isuas panan a. Suguek man ananem ilom abilisa yan san kob.”

⁴ Nek imug profet Aisaia san buk lo girek ibol ago mi gamu ilasa ya. Girek ago ibol, “Tan kawan ak ate wagin ta ilasag ibol, ‘Tubun en inanen dal akubunep itaot yen a.

⁵ Tan ilokan an fidian atutumip awan isa wa. Did tutubun an, agod bubun fidian agilep tan na idu wa.

Dal ikael ak aganep itaot a.

Dal gubog ak atutumip uyan da wa.

⁶ Ago dop tamolpein fidian in patu pasek tamol a Anut idinip ipalu wan dile wa.’ ”

⁷ Agog tamolpein wei kasik Jon san na suguek dinane wo dupalu dugo Jon naod ifuteg ipidai, “An mot nanun moroun! Enti Anut san tinæ saian mitep ilasa wan ninen o ru kagin ipanan dugo asol dak i?

⁸ An ilom ibilisa dak iri panim, kagin an san nunon mok agane ilasa wa. An sinanem ilom lo igo ta abol na wa, ‘Abraham man man tamama ya, an

man o idaisuda ya.' Man dugo, ηai en ηurupaian itaot da, Anut ilon ibol tap man, pat e dien den ka injal pe ibilisap Abraham nanun muroun mok on dilasa wa.

⁹ Pilagis ai dabin lo yen la ya. Ai fidian a nunod uyan uyan ta ifu na dan, Anut itarep yabi yaup inanai yau a."

¹⁰ Tamolpein ru an dulon tag dusumiani, "Man dugo migane wak i?"

¹¹ Agog ru naon irupidaig ibol, "Ta in kulos uraru tap, neinta kulos aman tia yan ipani wa. Nek ago mi, ta in anan anda tap, in dam ago mi igane wa."

¹² Agog takis ηilanjat tamol dam suguek diηane wo dupalug Jon dusumiani, "Girek manau, man dam dugo migane wak i?"

¹³ Agog Jon irupidaig ibol, "An tamolpein arawai dop sad moni subunan kawan ak da ta anane na wa. Gabman sen ibol ago mi itaot anane wa."

¹⁴ Ago dugo yu tamol aenta dam dusumiani, "Man dam, en dugo migane wak i?"

Agog ru naon irupidaig ibol, "An tamolpein afu dan lo banid na moni ta anane na wa. An ru sewak lo dam insad moni ta anane na wa. Ananem urat naon dupanan dan mi an o idaisuda wak ninen ilom maror anda amado wa."

¹⁵ Tamolpein fidian mala nouk lo Kristus diti-tiani se ya, an ninen o bubed ilon lo Jon in Kristus mok ago dubol dugo ilod weiwei se ya.

¹⁶ Ago tag Jon irupidai, "ηai you lo mi an ηusuguan da. Ak man tamol a ηai patug fo ipalu dan insan dabai ηaisag dabai irinani geig a. ηai man tamol kawan a, amaiak ninen o insan sendal san

kam n̄pasi san o yan̄ag tia ya. Gug tamol en man Awan Urgun lo isuguan̄ a, agod Urgun an san yai nam ifulan̄an̄ a.

¹⁷ In̄ banin lo kon gilek lo idirai san bioun̄ yabig imado da. Aben ante urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anan̄ ab lo itumani wa. Ak man metmet adi man yai lo yabi yau a. Agod tamol ta yai an igane imat san tia ya.”

¹⁸ Dal wei kasik lo Jon tamolpein bubed yabisa san ru ibol dop lo Anut anen ru uyan ak ipidinai a.

¹⁹ Gug Jon gabman gurman Herod san naok naok saian an ifulale yaug, tein san pein in̄ane an lo isuda tag, Herod tin̄aen saian go Jon subanek lo igane ya.

²⁰ Ago igane an lo in̄siganen muruan a imug igane se yan muruan taidam ibate ya.

Jon Jesus isugui a

Mat 3:13-17; Mak 1:9-11

²¹ Aria, Jon subanek lo gamugo digane dugo mel en ilasa ya. Nal ta tamolpein fidian suguek din̄ane dugo Jesus dam ipalug suguek in̄ane ya. Suguek in̄aneg itout go Anut igudani se ya. Saen nek an lo kumaen panu san dalawan ipasig yen dugo,

²² Anut san Ur muluk on̄ idug, in̄ kabun̄an̄ fufo imasi a. Agog kumaen panu lo wagin̄ ta idug, igo ibol “On̄ n̄aineg Nanug, n̄aineg bubeg mok, on̄ nin̄e wo n̄ai ilog tubun mi uyanan̄ da.”

Jesus anen tubun bagen

Mat 1:1-17

²³ Jesus san anan̄ar 30 dugo, urat fun igane ya. Tamolpein ilod lo in̄ Josef nanun ago dubol se ya.

Aria, yanak e irig ipalu den in Josef san tubun bagen a.

²⁴⁻³⁸ Eli, Matat, Livai, Melki, Janai, Josef, Matatias, Amos, Nahum, Esli, Nagai, Maat, Matatias, Semein, Josek, Joda, Joanan, Resa, Serababel, Sialtiel, Neri, Melki, Adi, Kosam, Elmadam, Er, Josua, Eliesa, Jorim, Matat, Livai, Simion, Juda, Josef, Jonam, Eliakim, Melea, Mena, Matata, Natan, Dawid, Jese, Obed, Boas, Sala, Nason, Aminadab, Admin, Arni, Esron, Peres, Juda, Jakob, Aisak, Abraham, Tera, Nahor, Serug, Reu, Peleg, Eber, Sela, Kainan, Arfaksad, Sem, Noa, Lamek, Metusela, Enok, Jared, Mahalelel, Kainan, Enos, Set. Set man Adam nanun, agod Adam in Anut nanun.

4

Satan Jesus ikubiani a

Mat 4:4-11; Mak 1:12-13

¹ Jesus Urgun buben in anefuteg, you Jordan ibisei a. Agog Urgun iduduwig, tan kawan ak ate yau a.

² Nal 40 anan tia imado dugo Satan Jesus naon ikubiani se ya. Saen an lo in anan ta yani na ya, an ninen o saen an itout man imatigen saian.

³ Satan igo irupeig ibol, "On Anut Nanun tap, ubol dop pat en bret on ibilisa wa."

⁴ Jesus ru naon irupeig, "Girek e buk lo yen den igo ibol, tamol bret lo mi ta kumaen imado na da."

⁵ Agog afon Satan Jesus in aneg did lak na yak kabunan fufo igunig itur dugo tan en san aban fidian ikubiai pani kisaek on a.

⁶ Agog irupeig ibol, "Inaned dabai a ule dan, agod mel a girager anda yak fidian ule dan dam niasag.

Ak niñen o tamol enti nupani wo ilog ibol tap, ka nupani wa.

⁷ An niñen o oñ turu soluwip, ubou ag ule tap, ñai dabai nupanop, mel fidian ule dan oñ kagin pani wa.”

⁸ Ak man Jesus ru naon irupeig ibol, “Girek ta buk lo igo ibol, ‘Oñ Tubun en oñane Anut mi ubou an ule wa. Inñsen mi niñen o bigabeg urat gane wa.’ ”

⁹ Agog fon Satan inñaneg Jerusalem na diaug, lak na tempel san nudun fufo igunig itur go irupeï, “Oñ Anut nanun tap, sokalik pe, tan na udu.

¹⁰ Man dugo, girek ta buk lo igo ibol, ‘Inñ inñanen eñel irupidai dop kagin dupano wa.

¹¹ Banid nam disawo wa, kabelan pat oñ ñie ifini banau.’ ”

¹² Ago tag Jesus ibol, “Girek ta buk lo dam igo ibol, oñ mel ta gane tap lo Tubun en oñane Anut an bitinaek lo ta gane na wa.”

¹³ Satan Jesus kubianek funfun lo igane tia tag ibiseig yau. Nal ta dop fon ile wa.

Nasaret na Jesus dile saian a

Mat 4:12-17; 13:53-58; Mak 1:14-15; 6:1-6

¹⁴ Agog Jesus Urgun san dabai lo fon imul go Galili na yau. Agog yañan panu panu fidian lo yau se ya.

¹⁵ Inñ panu panu sad ubou ab lo ipitenñanai dugo tamolpein fidian yañan diabisa se ya.

¹⁶⁻¹⁷ Agog Jesus Nasaret na yau a. Wagam nanuk lo aben ante italbusi a. Inñsiganen kagin iri panig, Juda sad ubou leil nal Sabat dubol dan lo yang Nasaret adi sad ubou ab lo iladu ya. Agog Anut

san ru isuti wo imasa yan, profet Aisaia san buk dupani a. Buk roun ifulaleg, ru en ileg isuti:

18 “Tubun en san Ur ηai lo imado da.

Man dugo, ηai tamolpein kawan filiad tia yan, ru uyanan ak ηurupidaip dulon o ipilianag a.

In ηai idinag go ηupalu man, tamolpein ru igo ηurupidai a:

a Satan isubanai an ηai ka ηupasaip kuai te dilasa wa,

a malad itapul idu yan fon aban ka dile wa,

a tamolpein sen ak banid lo muruan dile dan, ηai injsad muruan ηigane itout a.

19 Agod ηai malak malak igo ηurupidaip dulon ak, anajar nek en Tubun ak inanen ilo panek ikubiai pidinai o da.”

20 Agog Jesus buk ifutanig, biabi ηilanal tamol ipani gug imasi a. Tamolpein fidian ubou ab lo dumado dan malad ti ibol go Jesus dile se ya.

21 Agog fun iganeg irupidai, “Ru nek e kududom ilon en gamu geig nunon ilasa ya.”

22 Agog in fidian dupitiani se ya, injsan ru dulon go in ηiηen lo tamol ikawil an ak ago dubol go, durut saian dugo nug dusumiani se ya, “Dugo, an Josef nanun i?”

23 Agog Jesus irupidai, “ηai mel en ninen o ilo uraru amag tia ya, an ru fanan en ηai arupaiaig o da, ‘Dokta, onse ikubinio gup! Kulob girager funfun a on Kaperniam na gane yan san ru malon a, gamu kulob naon kisaek onsigane fun panu lo dam gane wa.’ ”

24 Agog fon ru igo irupidai, “ηai rumok ηurupaian da, profet man injsiganen fun panu lo tamolpein in dumoi da.

25 Mel en rumok a, profet Elaija san nal lo Isrel pein wei mi suos dumado ya. Saen an lo man daded tubun a. Anajar utol kalam 6 ui tia ya. Ago dugo kadag tubun aben fidian yabig yen se ya.

26 Ak man Anut Elaija idinig Isrel pein suos ta san na yau man tia ya. Tia, inj idinig gob adi sad taun Saidon lubanek lo, panu Sarefat san pein suos ta san na yau a.

27 Agod profet Elaija san saen lo dam Isrel tamolpein wei kasik lepra amad da ya. Gug kisaek ta igane uyan man tia ya. Tia, gob adi a tan Siria lo dumado dan luluᅇad lo tamol kisaek yaᅇan Neman, Elaija nek an mi ikubuneg uyan a.”

28 Tamolpein fidian ubou ab an lo ru en duloᅇ go tiᅇaᅇ tubun mi saian a.

29 Ago tag dumasag, Jesus diᅇaneg, aen damon fo dibilip idu wo tan bubun fo disuda diau a.

30 Gug banid lo ikisaluk ilasag, tumanek malan an titiᅇaᅇ mi imul go ilon ibol ak lo yau a.

Jesus tamol ta tinin lo ur saian ikudi a

Mak 1:21-28

31 Jesus Galili Provins lo panu Kaperniam na yau a. Atna Sabat nal lo yang tamolpein inᅇsad ubou ab lo maᅇau ipiteᅇanai se ya.

32 Inᅇanen ru duloᅇ man, tamol tubun yaᅇan anda yak oᅇ ipiteᅇanai se yan niᅇen o durut saian a.

33 Aria, ubou ab an lo tamol ta ur saian anda yak awan tubun mi iwagiᅇ go ibol,

34 “Oᅇ Jesus Nasaret tamol, maᅇ dugo giniama wo palu yak i? Nag oᅇ maᅇ daoᅇ panama wo palu boi a? Nai oᅇ ᅇaloᅇ a. Oᅇ Anut san tamol gun a!”

³⁵ Ak man Jesus ur saian an ipeig ibol, “Awa itaup, tamol an biseip lasa.” Agog ur saian tamol an tamolpein malad lo ibili idug, tamol an ibiseig ilasa ya. Gug ur saian tamol an tinin malan ta isue na ya.

³⁶ Agog tamolpein fidian durut saian go, inşed diñiñeñ dugo dubol, “Enso ru ta dabai anda ibol dugo ur saian saian awan dulon dugo dilasa diau di?”

³⁷ An lo Jesus san yanñan ifurak go panu panu yau.

Jesus Pita raon ikubune ya

Mat 8:14-17; Mak 1:29-34

³⁸ Jesus ubou ab an ibiseig, Saimon san ab lo yau a. Saimon raon subam ifinig, tinin wananan tubun kasik ak niñen o, Jesus ibinawi wo dusumi-ani a.

³⁹ Ago tag giranñen na yaug, iyep go ru dabai nam subam an ikudi a. Gamu nam subam an ibiseig, pein an imasa kisaek oñ go anañ ikubune pidinai a.

⁴⁰ Gurai idu yan, tamolpein inşad panu lo subam amad da yak diñal go, Jesus san na dupalu se ya. Agog in banin tinid fo iganeg, fidian uyadi isusa ya.

⁴¹ Ur saian saian dam tamolpein wei kasik dibi-sawai dugo duwagiñ, “Oñ Anut Nanun.” Ago tag Jesus nao futek ru nam ipidai dugo awad lo diñiñeñ san ipadau a, man dugo, in Kristus dulon a.

Jesus panu panu lo ru ibol se ya

Mak 1:35-39

⁴² Tidom lom mok Jesus panu an ibiseig, aben ta yoitout ak lo yau a. Ak man tamolpein Jesus

ninjen o aban̄ dile se ya. Saen in̄ dile man, kabelan ibisawaip yau banau dupurani wo digane se ya.

⁴³ Ak man in̄ irupidai, “N̄ai ru uyanan e Anut san kagin panek ninjen o yan, panu aenta lo dam n̄fulale wa. Urat nek an ninjen Anut idinag go n̄palu ya.”

⁴⁴ Agog Judea ilon lo panu panu yaug in̄aned ubou ab lo Anut ru ifulale na ya.

5

Jesus megeloum in̄al o fun iganeg igiai a

Mat 4:18-22; Mak 1:16-20

¹ Nal ta Jesus Genesaret san you saltek aen te itur dugo tamolpein wei kasik Anut san ru dulon o dususag, nug tinin fo dutur se ya.

² Agog in̄ malan yau nag, wog urarum lon̄ ate dien dugo yil a. Wog muroudi man lon̄ na dob dufulanai se ya.

³ Agog Jesus idug, wog ta lo isuda ya. An Saimon san wog. Agog Jesus Saimon irupei, “Wog kitek usoup tilasa.” Jesus wog fo imasig imado dugo tamolpein Anut san ru ipiten̄anai se ya.

⁴ Ipiten̄anaig itout man Saimon irupei, “Wog n̄anep lasa waup, bet ak lo gup tura murou dadi dob arae.”

⁵ Ago tag Saimon ru naon irupei, “Tubun en, tidom milaen mañ urat wagai mok migane se ya, ak gug iy ta kisaek miñane man tia ya. Ak man gamu on̄ ubol ak ninjen o awa mabip dob ka mirae wa.”

⁶⁻⁷ Agog dob diraeg, iy wei kasik mok dob lo dusuda ya. Agog dob itout o igane tag, turad muroud wog neinta lo yan dibinawai o banid nam

toutou diganeg dupalu ya. Agog wog urarum iy didiri awad isag disarir o duton.

⁸ Saimon Pita aban ago ile tag Jesus naon na turun isaluwig ibol, “O Tubun en, nai tamol saiag. Onj nai bisawag pe wau.”

⁹ Iy wei mok diñane an Pita turan dida dileg, durut saian ak ninen o Pita ru an ibol a.

¹⁰ Saimon turan muroun, Sebedi nanun urarum, Jems in Jon da dam durut saian a.

Agog Jesus Saimon irupeï, “Urer umoi. Onj gamu agod nal murnai san fidian onj tamolpein dideg diau dan ago mok unjal a.”

¹¹ Agog wog urarum durau isudag melmel fidian diabi idug yen dugo Jesus njen aban duri diau na ya.

Jesus tamol lepra aman da yak ikubune ya

Mat 8:2-4; Mak 1:40-45

¹² Jesus panu tubun ak ta lo imado dugo, tamol ta tinin lepra yafutani an ipalu ya. Inj Jesus ileg njen fo turun isaluwi idug, imosiaig ibol, “O Tubun en, onj ilo ibol tap, nai binawag pe fon tinig uyan ilasa da wa.”

¹³ Jesus ru an ilon go banin iwateg isupuri dugo irupeï, “Ubol agom nai ilog ago yen da, onj uya lasa.” Agog tamol an tinin uyan ilasa kisaek onj a.

¹⁴ Ago dugo Jesus ru dabai nam irupeig ibol, “Kulob ilasa yen ninen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan nanep Anut yai gane pani. An lo dop tamolpein dulon ak onjane subam itout a.”

¹⁵ Jesus kulob igane yan san ru panu panu yaug, tamol wei kasik inñsan ru dulon o dususa se ya.

Subam amad da yak ikubuniaia o dam dupalu se ya.

¹⁶ Ak man Jesus saen wei mi ibisawaig, aben yoitout ak ate yaug igudani se ya.

*Jesus tamol ta njen banin tubabun ak ikubune ya
Mat 9:1-8; Mak 2:1-12*

¹⁷ Jesus nal ta tamolpein ipitenanai dugo, Farisi in kubiaen san girek manau Judea provins lo, Galili Provins lo panu kititik an fidian, agod Jerusalem na yan dam dida dumado ya. Anut san dabai Jesus san kubunek urat igane yan lo yen a.

¹⁸ Agog tamol ta njen banin fidian tubabun ak kapal anda Jesus san na disinig dupalu ya. Ab lo diladu wo digane ak man tamolpein wei kasik, an lo man diladu san ta isuda na ya.

¹⁹ Ago tag ab aten lak na yak fo disida ya. Agog ab aten an diabigigeg dugo kapal an duyuweg, Jesus tamolpein lulunad lo imado dugo naon na idu ya.

²⁰ Jesus insad ilo rumok ile tag tamol an irupeia, “O turag, naj onane aupasek fidian npasi yau la ya.”

²¹ Ago tag kubiaen san girek manau, in Farisi dadi kankan dinaneg ilod lo mi igo dusumiaen, “Tamol en so tamol ta yak i? Ru a ibol dan man Anut kukokan igane da. Tamol ta muruan pasek san dabai anda man tia ya, Anut mi in dabai anda ya.”

²² Gug Jesus insad ilo girek fidian ilon pasi ak ninen o ru naon igo ibol irupidai, “Anj ata wo kankan ago agane dak i?”

23 Ata mel pasauman ak i? Aria, ηai igo ηabol, ‘Oηane aupasek ηupasi yau wo?’ Tia, ‘Masap kapal wabisap utor o?’

24 Gug kulob e ηigane en lo ηai, Tamol Nanun, tan en lo Anut wagen lo aupasek ka ηupasi yau amaiak alon o ...” saen ago ibol man, tamol a ηien banin itubabun an irupei, “Oη masa utur pe oηane kapal ηanep oηsigane na wau.”

25 Agog tamol an naod na imasa itur go, inηan kapal isinig, Anut yaηan yabisa dugo, siganen ab lo yau a.

26 Tamolpein fidian durut saian geig go Anut yaηan diabisa ya. Ilod irut dugo tinid inηanefuteg igo dubol, “Gamu maη kulob senamo geig mok mile ya.”

Jesus Livai iwagi a

Mat 9:9-13; Mak 2:13-17

27 Ago gug Jesus ab an ibiseig yaug, takis ηilajal tamol, yaηan Livai, urat ab lo imado dugo ile ya. Agog Jesus irupei, “Nieg aban uri.”

28 Ago tag Livai mel fidian yabidug dien dugo, Jesus ηien aban iri a.

29 Livai Jesus ninen o soubul tubun ak inηan ab lo igane ya. Doup luluηad lo takis ηilajal tamol wei kasik agod tamol aenta dam dususag, dida anan diani se ya.

30 An ninen o Farisi, inη Farisi sad kubiaη san girek maηau dida Jesus san megeloum naod na dunurηur go dusumianai, “En ata wo anηsam girek maηau takis ηilajal, agod aupasek tamolpein dida sisem anan diani dak i?”

³¹ Ago tag Jesus ru naon irupidaig ibol, “Tamolpein a uyadi ak dokta san na ta diau na wa, tia, tamolpein subam anda yak mi diau a.

³² Man dugo, ηai tamolpein a itaot adi dubol dak ηigiaip dupalu san niηen o ta ηupalu na ya, tia, aupasek tamol adi mi ηigiaia o ηupalu ya.”

Kagin imug ak, foun ak da

Mat 9:14-17; Mak 2:18-22

³³ Tamolpein aenta Jesus igo dubol durupeia, “Jon san urat pinein nal kadi ananη geg diganep, gudanek mi digane da. Farisi sad megeloum dam ago digane da. Gug onsa megeloum man diani duluk on da.”

³⁴ Ago tag Jesus ru faηan en irupidai, “Ak dugo, tamol ta pein inane dop, turan muroun aenta dupalup, dida dumado dop ananη o waliη igane wak i? Tia geig a. In youd isap, dida ilo uyan lo mi dumado wa.

³⁵ Gug murnap saen idu gup, tamol an dupasi wa. Nal an lo, in ananη waliη digane wa.”

³⁶ Agog Jesus ru faηan taidam irupidaig ibol, “Tamol ta in ηamel kilaken foun ak ta irasirep ate kulos wagam ak san mutunuk ta iwei na da. Tamol ago igane tap, in ηamel kilaken foun an daon ipani wa. Taida mi, ηamel kilaken foun an in kulos wagam an ida naod kisaek tia ya.

³⁷ Agod tamol ta in wain foun ak inaneηep, bilelek suηulon wagam ak lo ta iwali na da. In ago igane tap, wain foun an bilelek suηulon wagam an ika-fut yaup ipuk pe, ikulmaek, tan na idup, bilelek suηulon dam daon ipani wa.

³⁸ Wain foun ak tap, bilelek sunulon foun ak lo iwali wa.

³⁹ Agod tamol wain wagam ak iluk dan wain foun ak imoi da. Ago dop ibol a, ‘Wagam en mi uyan a.’ ”

6

Jesus man ubou nal yanjan Sabat dubol dan san muroun

Mat 12:1-8; Mak 2:23-28

¹ Ubou nal ta lo Jesus kon san abi ilon lo itor se ya. Ago dugo inſan megeloum dimatigen, an ninen o in kon nuſon aenta dufunig banid nam dufufari yau dugo nuſon diani se ya.

² Ak man Farisi aenta dubol, “Enta wo an urat a Sabat nal lo tigane san ninen o idsad kubiaen ipadau amaiak agane dak i?”

³ Ago man Jesus ru naon irupidaig igo ibol, “Nag mel e Dawid igane yen ta asuti na ak i? In inanen turan muroun dida kadag san saen lo anan o dumat go,

⁴ Dawid Anut san ab lo iladug, bret a Anut naon na didirig dien an isinig, inanen yu tamol adi dida diani a. Bret an tamolpein fidian lo geg a, nek Anut san pris mi diani wa.”

⁵ Agog irupidai, “Tamol Nanun man inſen Sabat nal an muroun.”

Jesus Sabat nal lo tamol banin saian ak ikubune ya

Mat 12:9-14; Mak 3:1-6

⁶ Juda sad nal gun Sabat nal taidam lo Jesus ubou ab ta lo iladug, tamolpein Anut san ru ipitejanai se ya. Tamol ta banin saian ak dam saen an lo imado ya. Banin won ak ikurnak a.

⁷ Kubiaen san girek manau in Farisi dida malad ti ibol dugo, Jesus leil dupani se ya. Jesus Sabat nal lo tamol ta ikubune dop dile wo malad digane da, man dugo, dal aban dilep lo Jesus ru dupani wo ilod ibol se ya.

⁸ Gug Jesus insad ilodi an ilon tag, tamol banin saian an irupe, “On masap, titinae mi utur.” Ago tag imasag yang titinae mi malad lo itur se ya.

⁹ Agog Jesus girek manau in Farisi dida isumianai, “Idsad kubiaen dugo ibol i? Id ubou nal lo kagin uyan ak tigane wo? Tia, kagin saian ak tigane wak i? Tamol ta tibunawi wo? Tia, ta daon tupani wak i?”

¹⁰ Agog Jesus tamol an fidian yil ilubanai ak gug ru naon tia tag, tamol an irupe, “Bani wate.” Tamol an ago iganeg, banin gamu nam uyan ilasa ya.

¹¹ Ak man in tinjed tubun mi saian go, enso muruan ta Jesus dupani san ninen nug lo dinjen se ya.

Jesus aposel 12 ipilianai a

Mat 10:1-4; Mak 3:13-19

¹² Murnag nal ta lo Jesus igudani wo did fo yau a. Tidom milaen igudani dugo yang salso idu.

¹³ Tidom lom inanen megeloum igiaig dupalu ya, agog 12 ipilianaig yanad aposel* ibol a.

* **6:13:** Yanak an fun: Anut awan nenep wau.

¹⁴ Inj yañadi igo iri a: Saimon yañan neinta Pita ibol, inj tein Andru, Jems inj Jon da, Filip inj Batolomiu da,

¹⁵ Matyu inj Tomas da, Jems, Alfias nanun, Saimon, yañan neinta “Rom sad ager tamol” dubol da,

¹⁶ Judas, Jems nanun, agod Judas Iskeriot. Mitep tamol an Jesus ager banid lo igane wa.

Jesus inj tamolpein wei mi ikubuniaig uyadi a

Mat 4:23-25; Mak 3:7-12

¹⁷ Murnag Jesus inñsan megeloum dida dudug, tan aten fo dutur se ya. Tamolpein wei mi dususag Jesus fun na dutur dulubani a. Agog tamolpein malan tubun, Judea provins lo, Jerusalem na, gob sad taun uraru Taia inj Saidon da sad loñ na yan dam dususag dutumani a.

¹⁸ Jesus san ru duloñ dop, subam ad da yak dam ikubuniai o dupalu ya. Tamolpein ur saian ad da yan ikubuniai se ya.

¹⁹ Dabai inñsan na ipalug tamolpein ikubuniaig uyadi an lo, tamolpein wei kasik tinin dusupurip uyad dilasa wo sinjiren na dupalu se ya.

Bar inj muruan da

Mat 5:1-12

²⁰ Jesus inñanen megeloum lo leil igane dugo ibol, “Anj a mel amam tiag amado dan, bar añaneg amado da.

Man dugo, Anut san kagin panek man añanem mok a.

²¹ Anj a gamu amatigen dan, bar añaneg amado da.

Man dugo, murnap añ luam ipuk a.

Anj a gamu tinañ abi dan, bar añaneg amado da.

Man dugo, murnap añ asel a.

22 Saen Tamol Nanun niŋen o diliaŋ saian dop,
 dukudaŋ dop, kukok am digane dop, aŋanem
 yaŋam saian ago dubol dan niŋen o diabi-
 anaŋ dan,
 aŋ bar aŋaneg amado da.”

23 “Saen an lo yousai lo asokalik dop ilo uyan
 am da amado, man dugo, aŋanem naon a Anut
 ikubune lag kumaen panu na yen dan man tubun
 geig a. Nek muruan naon kisaek mi iŋaned tubud
 baged profet adi a imug dumado yan dupidinai se
 ya.”

24 “Gug aŋ filiam am da yan kagin agane wa.
 Man dugo, tan en lo mi madok uyan ak aŋane
 ya, murnai san tia ya.

25 Aŋ gamu luam ipuk dan kagin agane wa.
 Man dugo, aŋ murnap amatigen geig a.

Aŋ gamu asel dan kagin agane wa.
 Man dugo, murnap aŋ ilom ipapao dop tinaŋ
 aru agane wa.

26 Aŋ a tamolpein yaŋam diabisa dan kagin agane
 wa.
 Man dugo, iŋ tubud baged wagam profet se-
 wak adi niŋedi wo ago mok digane na ya.”

Ager ilod tupidinai san kagin

Mat 5:38-48; 7:12

27 “Aŋ a ŋaisag ru alon dan ŋai igo ŋurupaiaŋ da.
 Aŋanem ager niŋedi wo amat a. Ta iliaŋ saian tap,
 aŋ iŋ ale uyan dop kagin uyan ak mi iŋ o agane wa.

28 Ta imisilanaŋ tap, bar uyan ak mi apani wa.
 Ta naom ifute tap, iŋ niŋen o Anut agudani wa.

29 Ta kudaŋam igufute tap, abilisap aenta dam
 ka igufute wa. Ta aŋsam madid san kulos milaen
 ak iŋane tap, alefuni dop siot dam ka iŋane wa.

³⁰ Ta anŝam mel ta wo igod tap, apani. Go ta anŝam mel injane tap, mel an ipanaŋ imul o ta agudani na wa.

³¹ Kagin uyan ak aŋ lo digane wo amat dan, ago mi inŋ lo agane wa.”

³² “Ak dugo, tamolpein a oŋ niŋe wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, aupasek tamol adi dam kagin nek ago mi digane na ya.

³³ Tia dugo, tamolpein a oŋ dibinawo dak mi binawai tap, an lo dugo woŋ naon ule wak i? Tamol saiadi ak dam ago digane da.

³⁴ Tia dugo, oŋ tamolpein a mel naon dupano wak aloŋ dan mi mel pidinai tap, an lo dugo woŋ naon ule wak i? Tamol saiadi ak dam nug mel dupani dop, naon dam ago mi diŋane da.

³⁵ Gidad. Aŋanem ager ilom ipidinaip, kagin uyan ak mi inŋ lo agane wa. Ta mel apani tap, naon ipanaŋ o ta abol na wa. Ago agane tap, murnap naon tubun ak aŋane dop, Anut lak na yan nanun mok amado wa. Man dugo, Anut sen tamolpein a ilo uyan ru ta dupani na dan, agod a inŝed mi wo ilo sou digane dan dam, ilon ipidinai da.

³⁶ Ago yak niŋen o nek ibol Bai Anut aŋ ilon imuŋanaŋ dak ago mi, aŋ dam tamolpein aenta ilom imuŋanaŋ a.”

Aenta abitiniai san kagin

Mat 7:1-6

³⁷ “Oŋ tamolpein aenta bitinaek lo ta giniai na wa, an lo dop Anut dam oŋ bitinaek lo ta iginio na wa. Oŋ muruan niŋen o tamolpein aenta biaŋ dudu umoi, an lo dop Anut dam ta ibio udu na wa.

Tia, inşad aupasek ilo inşon a, an lo dop Anut dam onşane aupasek ilon inşon a.

³⁸ Tamolpein mel pidinai tap, Anut dam nek ago mi ipano wa. Tubun mi pidinai tap, Anut dam tubun mi ipanop, awan isa wa. Tou sapta a pidinai dan, tou naon kisaek mi şane wa.”

³⁹ Agog Jesus ru faşan en ibol, “Tamol ta malan tia yak, mala tia neinta ka dal ikubiai pani wak i? Tia geig. Urarum gubog lo diau dudu wa.

⁴⁰ Talpein a maşau inşane dan, inşan girek maşau ta irinşani na da. Ak man saen maşau inşane itout dop maşau inş lo awan isa man, inşan girek maşau igo ilasap imado wa.”

⁴¹ “Dugo woş go metmet samun ta tei malan lo ule gug onşigane mala lo ai lapan yen an ta kubiani na yak i?

⁴² En dugo woş tei rupeip ubol, ‘Gane dop metmet samun an mala lo yak şpasi yau,’ dugo onşigane mala lo ai an nal fidian mi ago yen di? Onş bale uraru ama, imug mi sigane mala lo ai lapan an pasi gup, lo abanş ka ule uyanan dop, lo tei malan lo metmet samun an pasi yau a.”

Ai inşanen nuşon da sad ru faşan

Mat 7:16-18; 12:33-35

⁴³ “Ai uyan ak inş nuşon ta ifu saian na da. Nek ago mi ai saian ak dam nuşon ta ifu uyan na da.

⁴⁴ Ai fidian nuşod lo mi talonş da. An ai uyan dugo an ai saian ak tabol da. Tamolpein ai gurab nuşon yuk dudurun anda yak fo ta dişane na da. Wain nuşon dam ai saian dudurun anda yak fo ta dişane na da.

⁴⁵ Tamol uyan ak in mel uyan uyan ak tinin ilon lo itumanai an lo kagin uyan uyan ak mi inal dop an idirai dilasa wa. Ak man tamol saian ak in mel saiak saiak tinin ilon lo itumanai an lo kagin saian saian ak mi inal dop an idirai dilasa wa. Man dugo, kagin saian ak boi, uyan ak boi, tamol ilon inane fute yan inane pawan lo ibol ilasa wa.”

Ab bek kankan milaen ak anda, agod ab bek kankan an tia ya

Mat 7:24-27

⁴⁶ “Anj ata wo najai ninjeg o ‘O Tubun en, O Tubun en’ abol dugug najai awag ta abi na di?

⁴⁷ Tamol enti naisag na ipalug awag ilon go awag kagin ipani dan in fun igo:

⁴⁸ in nek ibol manau tamol ab yabi wo dugo bag san gib kuror mi yabig, pat nam bag fun isue sakar ak igo won a. Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a.

⁴⁹ Ak man talpein ru e nabol den ilon gug awag kagin ta ipani na dan, in man nek ibol ninjeo tamol igo ya, inanen ab yabi wo dugo gib ta yabi nag, lul fufo mi yabi ak igo won a. Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitinjek man saian geig a.”

7

Rom san yu gurman Jesus ilon lo rumok a

Mat 8:5-13

¹ Jesus ru en tamolpein irupidai itout go, imasag, Kaperniam na yau a.

² Atna Rom san yu gurman ta san urat pinein subam saiak ta inaneg imat o sumeik a. Urat pinein an ninen o tubun mi imat da.

³ Agog Rom san yu gurman Jesus imado dan ilon tag, in Juda matu gurman aenta idinaig diau a. Jesus durupeip ipalup, inanen urat pinein ikubunep uyan o ibol.

⁴ Ago tag in Jesus san na diaug, maeg nam dumosiaig durupeip, “On mel en gane pani san in idaisuda ya.

⁵ Man dugo, in idsad Juda dar ninedi wo imat da, agod mansama ubou ab dam isuse panama ya.”

⁶ Ago tag Jesus awad yabig dida diau a.

Diaug ab fun na sumeik dugo Rom yu gurman an turan idinaig, dupalug, in awan aban Jesus durupeip, “O Tubun en, turen ifuno umoi. Naisag ab lo ladu san naj ta idaisuda na ya.

⁷ Agod onsa na npalu san o dam yanag tia ya. Ru mi ubol dop lo naisag urat pinein uyan isusa da wa.

⁸ Man dugo, nek onse on naj dam tamol aenta waged lo urat nigane da, agod naisag yu tamol adi paeg na dumado da. Saen naj yu tamol ta ‘wau’ nabol tap, in yau a. Tia, tamol ta ‘palu’ nabol dop, in ipalu wa. Tia, naisag biabi nilanal nrupeip ‘en gane’ nabol dop, in igane wa.”

⁹ Jesus ru an ilon man, irut saian geig a. Agog idansag tamolpein a njen aban diri se yan irupidai, “Rumok geig nrupaian da, tamol ilo rumok naok igo yak ta Isrel ilon lo njile man tia ya.”

¹⁰ Agog yu gurman inanen turan dumul go ab lo diau man, urat pinein an uyan isusag imado dugo dile ya.

Jesus pinein imat ak ta ifufunig kumaen imasa ya

¹¹ Murnag Jesus panu ta yanjan Nein dubol dan te yau a. Inſan megeloum, agod tamolpein wei mi mok dam dadi diau a.

¹² Panu an san dalawan sumeik dupani dugo, tubabun ta disinig dupalu se ya. Tamol imat an in pein suos ta nanun, nek ago kisaek o lian a. Panu an san tamolpein wei mi dam pein suos an dida dupalu se ya.

¹³ Saen Tubun en pein an ile man, ilon tubun mi imunani tag irupei, “Tata umoi.”

¹⁴ Ago dugo Jesus yang, kapal tubabun anda yan yabi man, tamol kapal disini an dupartuanig dutur. Agog Jesus tubabun an irupei, “Pinein en, űai űurupaio da, oű masa!”

¹⁵ Agog tamol imat an fon kumaen imasag fun iganeg ininűen se ya. Jesus pinein an injaneg tinan ipani a.

¹⁶ Agog tamolpein fidian tubun mi durut go, Anut yanjan diabisag, dubol, “Profet tubun ak ta id lulunad lo ilasa ya.” In dubol, “Anut inanen tamolpein yil o ipalu ya.”

¹⁷ Kulob e Jesus igane yen san ru Judea ilon lo ifurak go, aben an sad panu panu lo yang fidian dulon a.

Jon Suguek san Jesus ninen o ilon weiwei a

Mat 11:2-19

¹⁸ Jon san megeloum kulob fidian Jesus igane se yan dile tag, Jon san na diaug durupeig ilon a.

¹⁹ Ago man Jon megeloum nunod urarum igiaig irupidai, “Aup, Tubun en igo asumiani wa. Tamol a ipalu san ninen o man malama migane dan, oű

tamol nek amaiak i? Tia, mañ tamol sen ta ipalu san ninjen o mala nouk mumado wak i?”

²⁰ Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san ninjen o mañ mala nouk mumado dan, oñ tamol nek amaiak i? Tia, mañ tamol sen ak ipalu san ninjen o mala nouk mumado wak i?”

²¹ Saen nek an lo, Jesus subam adi wei mi ikubuniaia dugo, a ur saian ad da yak ur saian ikudai diau dugo, a malad itapul ak idiraig fon abañ dile se ya. Ago dugo ru sinek tamol adi kulob an fidian dile se ya.

²² Agog Jesus ru naon irupidai, “Amul aup mel dugo ale dugo, ru alon na yan dam Jon arupeip ilon a: malad itau ak afon abañ dile dugo, njed saian ak afon turenj diabi dugo, a tinid lepra amad da yan tinid siñaokan dilasa ya. Kududod itau ak afon ru dulonj dugo, a dumat ak kumaen dumasag dumado dugo, agod tamolpein mel amad tia yak bilalun uyanan ak nfulale pidinai dugo dulonj da.

²³ Agod talpein a ñai o ilon ta saian na yan, in Anut san bar inane wa.”

²⁴ Jon san megeloum dumul diau dugug, Jesus Jon ninjen o tamolpein irupidai o fun iganeg igo ibol, “Saen an aben kawan talpein tia yak ate au an, an ata mel mok ale wo au ak i? Nag an tim ifurep war iwi yau imul dop ale wo au boi ak i?”

²⁵ Tia tap, ata wo au ak i? Nag an tamol ta tinin kulos naon lak na geig ak idiri amaiak ale wo au ak i? Tia, tamol a biounj naok ago yak didiri duman, in kinj sad ab lo mi dumado da.

²⁶ Ak niñen o ata mel mok ale wo au ak i? Nag profet ale wo boi i? Awo, ñai nek amaiak niñen o ñurupaianj da, profet en man rumok inj profet a, ak gug inj urat subañan taidam da imado da,

²⁷ tamol nek emaiak niñen o girek e Anut san ru lo digire idug yen den, igo ibol,

‘Ule, ñaisag ru sinek tamol ñidinip, oñ nao na imug pe yau a.

An lo oñsa dal ikubune wa.’

²⁸ Ñai rumok ñurupaianj da, tamol a pein tiñaed lo dilasa yan luluñad lo tamol ta kisaek Jon Suguek san iriñani man tia ya. Ago bo man, tamol ta Anut san kagin panek aben ilon lo yañan tiag, aenta fidian paed na imado dan, inj Jon Suguek san iriñani geig a.”

²⁹ (Saen tamolpein kawan ak fidian, agod takis ñilañal tamol dam, ru a Jesus ibol an duloñ man, Anut san dal an mi dal rumok ak niñen o awok dupani a. Man dugo, tamolpein nek an Jon san suguek diñane ya.

³⁰ Gug Farisi inj kubiaenj san girek mañau dadi, dal uyan a Anut ikubiai pidinai an diabiani a. An niñen o suguek an ta diñane na ya.)

³¹ Agog Jesus fon ibol, “Saen en san tamolpein inj naok dugo wonj ak i?

³² Inj nek ibol nanuk kititik dadenj aben na dumasiğ dumado dugo nanuk aenta igo dubol digiai da,

‘Mañ añ atari wo dum muwi se ya,
ak man añ ta atari na ya.

Agod matenj saen an san bar mabi se ya,
gug añ ilom saian dugo atata man amoi a.’

³³ Man dugo, Jon ipalug anañ tubun ak ta yani na dugo, you sakar ak dam ta iluk na ya, an niñen o ago dubol, 'iñ ur saiak aman da ya.'

³⁴ Ago dugo Tamol Nanun dam ipalug anañ tubun ak yani dugo you sakar ak dam iluk da, an niñen o ago dubol, 'Ale wo, tamol en tunalek tamol, agod lukluk san tamol. Ago dugo iñ mi takis ñilañal, agod aupasek adi dam sad turadi!'

³⁵ Ak man, kankan a milaen mok amaiak, iñanen kagin naok naok an lo mi tamolpein malad lo man itaot geig an ikubiai pidinai a."

Jesus Farisi tamol ta san ab lo yau a

³⁶ Farisi ta yañan Saimon dubol dan Jesus ida anañ diani wo iwagi tag iñsan ab lo yaug, anañ diani wo dumasi a.

³⁷ Panu an san aupasek pein ta Jesus Farisi dida dumado dan ilon tag gureñ, butol ta pat siñaokan ak nam digane yak, isinig san na ipalu ya.

³⁸ Pein an ab lo iladug, Jesus patun fo itur go itata dugo, malan turon Jesus ñien fo idu se yan, gurman roun nam ñien isasi se ya. Ñien dam musuk ipanig, gureñ fo ikulmaek a.

³⁹ Agog Farisi tamol an ile dugo, ilon lo mi ibol, "Tamol en profet ak tap man pein en fun ilon a. Pein en aupasek tinan."

⁴⁰ Ago dugo Jesus Farisi an irupeig ibol, "Saimon, ñai ru ta ñurupaio wo da."

Ago tag Saimon awan yabig ibol, "Girek manau, ubol pe."

⁴¹ Agog Jesus ibol, "Tamol uraru moni tamol ta san na gubun digane ya. Ta san gubun tinin lo yen dan man 100 kina. Ago dugo ta san gubun 10 kina.

⁴² Murnag moni tamol an inşad gubun dupani wo irupidai a, gug uraru an sad gubun dusupasi san ta idaisuda na ya. An ninen o ilon imunanaig sad gubun an ikubuneg itout a. Oñ dugo ilo isou di? Tamol dugon, moni tamol an ninen o, nen tubun mi imat ak i?”

⁴³ Saimon ru naon irupei, “Ñai ñabol, enti a inşan muruan nen tubun an, nek ama ya.”

Agog Jesus irupei, “Oñane kubianek an itaot a.”

⁴⁴ Agog Jesus idanşag, naon pein an ipanig Saimon irupei, “Dugo, oñ kulob e pein en igane yen ule yak i? Ñai oñsa ab lo ñiladu gug oñ you ta panag go lo ñieg ñifulani man tia ya. Gug in malan turon nam ñieg ifulani dugo, gurman roun nam isasi panag a.

⁴⁵ Oñ musuk ta panag man tia ya, ak gug pein en saen ñai ñiladu yan fun iganeg ipalug ñieg musuk ipani se ya.

⁴⁶ Oñ ñai gurmag fo guren ta kulmaek na ya. Gug pein en ñai ñieg fo guren mumalun uyanan ak ikulmaek idu ya.

⁴⁷ Ago yan ninen o ñai ñurupaio da. Pein en san aupasek wei mi bo man, ñai aupasek an fidian ñusuas pani la ya, man dugo, ñai ñineg o tubun mi imat da. Ak man tamol ta inşan aupasek wei an tia ñusuas pani tap, inşan ilo uyan man ñai o dam tusan mi a.”

⁴⁸ Agog Jesus pein en irupei, “Oñane aupasek fidian ñusuas pano ya.”

⁴⁹ Tamol aenta anañ diani wo dumasi an inşed nug durupeig dubol, “En dugo, tamol en in mi ibol go, sen ilon nam aupasek ka ipare idu wak i?”

⁵⁰ Gug Jesus pein an irupei, “Onjane ilo rumok patu ipasi a. Onj maror lo mi wau.”

8

Pein malan ta Jesus njien aban duri se ya

¹ Murnag Jesus panu panu lo, agod taun tubun ak lo Anut san kagin panek san ru ibol ilasa dugo itor se ya. Injsan megeloum 12 an dam dida turen diabi se ya.

² Ago dugo pein aenta, inug subam ad da yak, ur saian tinid lo ipasi an dam njien fo dida diau se ya. Lulunjad lo Magdala pein ta yanjan Maria. (Inug tinin lo Jesus ur saian 7 ikudai a.)

³ Ta man Joana, Kusa iwon. Kusa man King Herod san ab titianek tamol. Ta man Susana. In pein aenta wei mi dam Jesus, injsan megeloum dida injsiganed melmel lo dibinawai dugo dutor se ya.

Anan kubulan san ru fanjan

Mat 13:1-9; Mak 4:1-9

⁴ Panu panu tamolpein Jesus san na dupalug, dutumani dugo Jesus ru fanjan en irupidai,

⁵ “Saen ta lo tamol ta ai patun isinig abi lo ipae o yau a. Inj yaug sinanen abi lo man ai patun banin igane anuag tan fufo iratitaleg idu se ya. Saen iratitale man, ai patun aenta dal fufo dudug tamolpein dupalug dupartitale dugo, anakanak dam dupalug diani itout a.

⁶ Agog ai patun aenta tan sagargar anda yak fufo idu ya. Saen ai patun an balud isa yak man, ririan dubun a, man dugo, tan an you an tia ya.

⁷ Ai patun aenta ud saiak luluᅇad lo dudu ya, agog sisem disa diau dugo ud saian an ai uyan ak yafutanai an lo dumat a.

⁸ Gug ai patun aenta tan uyan ak lo dudu yan disa uyan go tet mi nuᅇod ifu uyan a, sad sutek 100 igo ya.”

Agog Jesus ru an ibol itout man, iwagiᅇ go igo ibol, “Tamol oᅇ kududo ama da tap, ru an uloᅇ uyanan a.”

Jesus ru faᅇan lo mi iᅇiᅇeᅇ san fun

Mat 13:10-17; Mak 4:10-12

⁹ Saen Jesus san megeloum ru en fun niᅇen o dusumiani man,

¹⁰ igo ibol irupidai, “Anut iᅇsan kagin panek aben san melmel imianuk an san maᅇau ipanaᅇ a. Ak man tamolpein aenta ru faᅇan fun tia yak mi duloᅇ da. An lo man,

‘Iᅇ leil digane bo man, ilod ta itarpasi na da.

Agod kududod nam duloᅇ bo man, fun mok ta diᅇane na da.’ ”

Jesus ru faᅇan an fun ifulale ya

Mat 13:18-23; Mak 4:13-20

¹¹ “Ru faᅇan en san fun igo ya: anaᅇ kubulan man Anut san ru.

¹² Anaᅇ kubulan dal te idu yan man nek ibol tamol ru duloᅇ gug Satan ru bubed lo ipasi dak igo woᅇ a. Ago dop ᅇai o ilod lo ta rumok na dop lo Anut patud ipasi san tia ya.

¹³ Anaᅇ kubulan tan sagargar anda yak fo idu yan man nek ibol tamol ru duloᅇ dugo yousai lo ru an diᅇaneg ilod lo rumok a. Ak man tamol amaiak nek ibol ai dabid dabai an tia yak igo woᅇ, saen

katukan mi ilod lo rumok a. Man dugo, kubianek ipalu san saen lo inaned ilo rumok dibisei kisaek on a.

¹⁴ Anan kubulan ud saian ak ilon lo dudu yan man nek ibol tamolpein ru rumok an dulon pe ilod lo rumok kisaek on dak igo ya. Ak man in tan en san madok ninen o ilo sou gidigheid mi digane da, agod in melmel wei mi amad da wo dumat da, an lo insad kagin uraru an Anut san ru in lo yan ituani da. Amaiak ninen o nunod ta ifu na da.

¹⁵ Agod anan kubulan tan uyan ak lo idu yan man nek ibol tamol ru dulon dugo, in tamol mok san kagin lo ru an diabi dabaig, kagin dupani yaug, gidad saen muruan dile bo man sad kagin an nunon ifu da.”

Lam san ru fanan

Mak 4:21-25

¹⁶ “Tamol ta in lam isulanip, bod boi, tia, sareg boi paen na ta igane na da. Tia, in pempem lak na isunanip, tamolpein a diladu dan ka dile wa.

¹⁷ Nek ago mi en ata mel imianuk yen dan mur-nap kuai isi wa. Agod mel a tamolpein naod na dimianig yen dan, kuai te ilasap id fidian tile wa.

¹⁸ Ago yak ninen o ru e an alon den kagin apani wa. Ata wo? Talpein enti in mel ta da yan, Anut subunan taidam ipani wa. Ak man, enti in tinin lo mel ta tia ya, ak gug gidad in mel anda yak ibol da, ago bo man Anut insan melmel an fidian banin lo ipasi yaup itout a.”

Jesus tinan in tein da Jesus dile wo diau a

Mat 12:46-50; Mak 3:31-35

19 Jesus tein muroun in tinad da dile wo diau a. Ak man tamolpein wei kasik go dile san tia ya.

20 Ago dugo tamol ta ipalug Jesus irupe, “On tina in tei murou dida dilio wo dupalu yak ab patun fo dutur da.”

21 Agog Jesus awan yabig ibol, “Tamolpein a Anut san ru dulon go kagin dupani dan, in naj tinag di naj teig a.”

Jesus tim tamun da ipidaig dutokubol a

Mat 8:23-27; Mak 4:35-41

22 Nal ta Jesus insan megeloum dida you saltek ak lo wog fo disida wo dugo irupidai, “Id gamu you aen ate tau a.” Agog wog dusoug diau a.

23 Agog diyawai dugo dal na Jesus malan iyof go yen a. Agog tim tubun nunon ifureg, wog ilon lo you idug, isarir idu wo sumeik dugo,

24 megeloum Jesus san na diaug dufufunig durupe, “Tubun en, id tadeg tau o sumeik da.”

Agog Jesus imasag, tim tamun da ipidai, “Atok-abol.” Agog gamu nam malin ibalsi a.

25 Ago dugo Jesus megeloum ipidai, “Ananem ilo rumok dugo i?”

In direr dugo durut saian man sed nug durupe, “Enso tamol ta, tim tamun da awan dulon go dutokubol ak i?”

Jesus tamol ur saian anda yak ikubune ya

Mat 8:28-34; Mak 5:1-20

26 Murnag diyawai go you awan aen ate Gerasin sad tan lo diau a.

27 Jesus wog ibiseig idu yan, tamol ta panu an san ipalu ya, in ur saian anda ya. Saen milaen mok tamol an kulos ta idiri na ya. Agog panu na dam ta

imado se na ya. Tia, in tamol disiriai ak sad mutou fom imado se ya.

²⁸ Saen in Jesus ile yan awan tubun mi isasaig Jesus nien fun na yau idug ibol, “Jesus, Anut lak na yak nanun, on mel ta nai lo i? Nai on o namosiai da, madai tubun ak panag umoi!”

²⁹ Jesus gubak mi ur saiak tinin lo ilasa wo ru dabai nam irupei a, an ninen o ur saiak an ago ibol a. (Saen wei kasik ur saian an yabig tinin itirni se ya. An lo sein nam, agod kam dabai geig nam nien banin dusubanig imado dugo, titianek tamol dam tawan dutur se ya. Ak man saen fidian sein kam dam iburti idug isol go ur saiak ilon ibol dak lo tan yoitout ate yau na ya.)

³⁰ Aria, Jesus tamol an isumiani, “On yanja enti?”

Agog irupei, “Nai yanag Wei Kasik” Man dugo, gubak mi ur saiak wei mi tinin ilon lo diladug dumado se ya.

³¹ Agog ur saian adi saen wei mi Jesus dugudanig dubol, “On diramap gib kuror fun tia ak lo madu wo ago rupaiama umoi.”

³² Aria, ante man bor malan tubun ak wei mi bubun an giranen na dupan di dutor se ya. Ago dugo ur saian adi an bor tinid lo diladu wo Jesus dugudani se ya. Ago man Jesus awok ibol go diau a.

³³ Agog ur saian adi tamol an dibiseig, bor tinid lo diladu ya. Agog bor malan tubun an fidian mi ilod imasa saian go dumaspalu dudug, damab aen te dusokalik man, you awad lo yang dumat a.

³⁴ Bor an sad titianek tamol aban ago dile tag disol go diaug panu tubun ak lo, panu kitiktik lo tamolpein an fidian durupidai se ya.

³⁵ Tamolpein ru dulon go, in dam aban dile wo diau a. Dupalug, Jesus njen fun na tamol imug ur saian anda yan imasig, kulos idirig imado dugo dile ya. In itokubol go, kankan fidian uyan ak lo mi imado dugo dileg, durut saian a.

³⁶ Aenta malad nam aban dile yan, tamolpein naod na Jesus tamol an dugo won ikubune yan dubol se ya.

³⁷ Agog Gerasin tamolpein tubun mi direr tag Jesus imul yau wo dusumiani a. Ago tag Jesus wog lo isudag imul yau o da.

³⁸ Tamol a tinin lo ur saian ikudai an, Jesus ida diau o dabai igane yak man Jesus geg iganeg ibol,

³⁹ “Umul waup, onsigane panu na, Anut ikubunio an njen o ru ubol dop dulon a.” Agog tamol an imul yang, panu ilon lo Jesus in ikubune yak san ru ibol dugo dulon se ya.

Kubakan ta imat ak in pein ta subam anda yak da

Mat 9:18-26; Mak 5:21-43

⁴⁰ Saen Jesus imul man, tamolpein malan tubun you aen ate malan digane yan duyunani a.

⁴¹ Ago dugo tamol ta yan an Jairas ipalu ya. In ubou ab san gurman ta. In nanun pein kisaek o lian, san ananar 12 an imat o sumeik ak njen o, in Jesus njen fun na yau idug, ida in san ab lo diau wo isumiani a.

⁴² Jesus yau dugo tamolpein dupalug dubuluwi nunon.

⁴³ Lulunad lo pein ta ananar 12 siganen dar tinin ilon lo yak ilasa se ya. In san moni samukan fidian dokta tinid lo ibisei gug ta kisaek pein en ikubuneg uyan man tia geig a.

44 Doup lulunjad lo mi Jesus patun fo ipalug san kulos bitinjen te isupuri a. Agog gamu nam dar an igos a.

45 Ago tag Jesus isumianaig ibol, “Enti naj isupurag ak i?”

Fidian tia dubol go Pita ibol, “Tubun en, tamolpein wei kasik dubuluwo dugo tinid nam on dupuno da!”

46 Ak man Jesus ibol, “Talpein ta isupurag a, man dugo, najneg dabai aenta ibisawag dugo naj tinig lo nukubiani a.”

47 Pein an kuai tem ilon go, imunamuk pe imado san tia ya. Agog tubun mi isuruwor dugo, ipalug Jesus njen fun na isaluwi idug, tamolpein malad lo fun dugog Jesus isupurig, in san subam an itout an ibol a.

48 Agog Jesus irupe, “O nanug pein, onsigane ilo rumok naj lo yan ikubunio ya. Maror lo wau.”

49 Jesus ago ibol dugo, tamol ta Jairas san ab lo yak ipalug, Jairas igo irupe, “On nanu pein imat la ya. Gidad on girek manau muruan taidam ta pani na wa. Ak njen o ulefuni dop yau a.”

50 Jesus ago ilon tag Jairas irupe, “Urut umoi. Ilo lo rumok dop, nanu pein fon kumaen ilasa da wa.”

51 Saen ab lo ilasa yan Jesus tamolpein aenta ab lo diladu man imoi. In Pita, Jon, Jems agod nanuk tinar taman mi dida diladu ya.

52 Tamolpein fidian ab lo yan nanuk njen o ilod saian dugo tinar aru digane se ya. Agog Jesus irupidai, “Atata amoi. Nanuk en ta imat pasi na ya. In njen yabi da.”

53 Ago ibol dugo disel go awan kukokan digane se ya. Man dugo, in dulon, nanuk an imat mok a.

⁵⁴ Gug Jesus nanuk banin te yabig ibol, “O nanug, masa!”

⁵⁵ Agog nanuk anen kumaen san ur imul ipalug fon kumaen imasa kisaek oŋ a. Agog Jesus ibol dugo anaŋ dupani a.

⁵⁶ Nanuk tinan taman kulob ago dileg, durut saian geig a. Ak man Jesus kudod yabig ibol, “Kulob ale yan tamolpein aenta naod na ta mok abol na wa.”

9

Jesus megeloum 12 idinaig bilalunŋ diau a

Mat 10:1-15; Mak 6:7-13

¹ Jesus inŋsan megeloum 12 an itumanaig, ur saian dukudai dop subam dukubiniai san dabai ipidinai a.

² Agog idinaig diaup, Anut san kagin panek niŋen o dubol ilasa dop subam adi dukubiniai o ibol a.

³ Ago dugo Jesus irupidai, “Anŋ turenŋ an lo, makud, badam, ŋioŋ san biouŋ, anaŋ, agod moni ta mok asini na wa. Siot subunŋan dam ta asini na wa.

⁴ Ab dugon lo digiaŋ tap, nek ante mi amado nap panu an abisei a.

⁵ Panu ta lo tamolpein anŋ o ta dumat na tap, panu an abisei wo dop, ŋiem san gufgaf apilti pidinai a. Agop lo dulonŋ ak, inŋ Anut san kagin panek dumoi a.”

⁶ Agog megeloum diaug, panu panu bilalunŋ uyan ak dubol ilasa dugo, subam adi dam dukubiniai se ya.

Herod isumiaen, Jesus in enti mok?

Mat 14:1-2; Mak 6:14-16

⁷ Herod Galili provins san gurman tubun an melmel fidian ilasa na yan ilon go ilon weiwei geig a. Man dugo, tamolpein aenta dubol, “Jon suguek san in fon kumaen imasa da ya.”

⁸ Aenta dubol, “Elaija boi, tia, profet wagam san ta fon kumaen imasa boi.”

⁹ Ago gug Herod ibol, “Nai Jon buron njetarti a. Ak gug tamol e melmel emaiak iganeg ru an njalon den, in enti?” Ago dugo in Jesus ile wo yaes tubun mi ifuni se ya.

Jesus tamolpein 5,000 ifutuwai a

2Kin 4:42-44; Mat 14:13-21; Mak 6:30-44; Jon 6:1-13

¹⁰ Inanen megeloum dumul dupalug Jesus naon na melmel fidian digane yan dubol idu ya. Agog megeloum an injal go pasak nam panu ta yanjan Betsaida dubol dan ate diau a.

¹¹ Ak man tamolpein malan tubun mi Jesus dugo yau wo igane dan dulon tag, nien aban duri se ya. Ago tag igiaig dupalug, Anut san kagin panek ru ifulale pidinai dugo, aenta subam ad da yan ikubunia se ya.

¹² Gurai idu dugo megeloum 12 Jesus san na diaug, durupe, “On tamolpein dinaip, panu susumeik an lo, gidigheid diaup, sed ninedi wo anan o, nion aben o aban dile wa. Man dugo, aben en yoitout a.”

¹³ Ak man Jesus ru naon irupidai, “Ansem ka afutuwai a.”

Ago tag durupei, “Mañ anañ tia ya. En iy uraru, agod bret kafen mi dien da. Dugo, mañ maup, doup tubun en niñedi wo anañ taida madad o?”

¹⁴ (Doup tubun dumado yan tamol kitek faiv tausen igo won a.)

Agog Jesus megeloum irupidai, “Tamolpein arupidaip, nuñod fifti malan kisaek kisaek lo mi dumado wa.”

¹⁵ Agog megeloum adi Jesus ibol ago diganeg, tamolpein durupidai dugo dumasi a.

¹⁶ Agog Jesus iy uraru, bret kafen an inaneg, malan lak na isudag, Anut ilo uyan ipani gug bret yafuteg, megeloum ipidinaig duwae se ya.

¹⁷ Tamolpein fidian bret iy da dianig, luad ipuk go megeloum anañ wadan dutumanig sareg 12 digane anuai a.

Pita, Jesus in Kristus an kuai te ibol a

Mat 16:13-20; Mak 8:27-30

¹⁸ Nal ta Jesus sen kisaek igudanig imado dugo, inanen megeloum dam susumeik dumado dugo isumianai, “Tamolpein ñai o enti dubol dak i?”

¹⁹ Agog ru naon durupeig dubol, “Aenta on suguek tamol Jon dubol da. Aenta dubol, on Elaija boi, tia, profet aenta wagam mi dumat na yan ta fon kumaen imasa ago dubol da.”

²⁰ Ago dugo megeloum isumianai, “Gug ansem mi ñai enti mok abol di?” Agog Pita ru naon igo irupei, “On Anut anen Kristus.”

Jesus murnap imat gup imasa da wak ninjen o ibol a

Mat 16:21-28; Mak 8:31–9:1

²¹ Agog Jesus megeloum kududod yabig, ru dabai nam irupidaig ibol, “Tamolpein gidigidad naod na ru an ta abol na wa.”

²² Ru awan ibateg ibol, “Tamol Nanun muruan tubun ak wei mi ile wa. Pris gurman adi, Isrel matu gurman dida, agod kubiaen san girek manau dam patud dupanip dile saian a. Agop dufuni imat a. Nal utol gib lo yen gup, fon kumaen imasa da wa.”

²³ Agog fidian irupidai, “Ta in ηai iganurag o tap, insiganen ilo ibol patun ipanip, dal fidian lo siganen aigim isinip, ηieg aban iri wa.

²⁴ Ta insinan tinin mi kagin ipani dan, ideg yau a. Gug ta ηai nineg o siganen madok tan en lo yan ibisei dan, patu pasek inane wa.

²⁵ Talpein ta tan en san madok lo malan imug dop, an lo tan en san filian fidian an san muroun ilasa wak gug, ηtun ideg yau, tia, daon inane tap, an dugo won, sen ninen o nunon uyan ak igane ilasa wak i? Man tia geig a.

²⁶ Tamol Nanun insan lilaman lo, Bai san lilaman lo, enel gun adi sad lilaman lo ipalu wa. Ta in ηaisag ru yanag da o miai ifuni tap, saen Tamol Nanun imul dop, in dam tamol an ninen o miai ifuni wa.

²⁷ ηai rumok ηurupaian da. Gamu an aenta e atur den gamugo amat dop, Anut san kagin panek ale wa.”

Jesus naon tinin ibilisa ya

Mat 17:1-8; Mak 9:2-8

²⁸ Jesus ru an ibol go nal 8 yau dugo Pita, Jon, Jems ago inal go did fo igudani wo dusuda ya.

²⁹ Jesus igudani dugo naon ibilisag, insan kulos dam ibilisag milkouk kasik.

³⁰⁻³¹ Ago dugo tamol uraru girager amad da dilasa ya. Tamol uraru an man Moses in Elaija da ya. Jesus mitep maten a Anut ilon yen dan lo Jerusalem na ile wan ninen o, Moses in Elaija da Jesus dida dinjen se ya.

³² Pita turan muroun dida malad muruan se ya, ak gug malad ipuk go dumado dugo Jesus girager anda dile ya. Agod tamol uraru dam dutur dugo dil a.

³³ Moses in Elaija da fun diganeg diau dugo, Pita kankan an tia igo ibol, “Tubun en, uyanan geig a. Man lalai utol mabi wa. Onane kisaek. Elaija an kisaek. Agod Moses an kisaek.”

³⁴ Ago ibol dugo timtaen ipalug, yafutanai dugo megeloum utol an direr saian mok a.

³⁵ Agog awan ta timtaen lo iwagin go ibol, “En naineg nanug, naineg Pilianek Tamol. Awan alon a.”

³⁶ Saen awan itau man Jesus sen kisaek itur dugo dile ya. Saen an megeloum aban ago dile yan tamolpein naod na ta dubol na ya. Tia, in sed ilod lo mi dutueg yen a.

Jesus pinein ta tinin lo ur saian ikudig yau a

Mat 17:14-20; Mak 9:14-29

³⁷ Murnag did dibiseig dudu dugo, tamolpein malan tubun ak ante dumado yan Jesus dile dugo san na dupalu ya.

³⁸ Doup an lulanad lo tamol ta iwagin go ibol, “Girek manau, naineg nanug e ule den ninen o ilo isou. Nai nanug en igo kisaek o lian a.

³⁹ Ur saian ta pempem yabi dop isasai da. Iganep bururau ifuni dop subulbal awan lo ilasa

da. Nek ago mi pempem madai ipani dugo, daon dam ipani da.

⁴⁰ Onsa megeloum ur saian an dukudi wo nsumianai gug in digane san tia ya.”

⁴¹ Jesus ru naon irupeig ibol, “O an saen en san tamolpein, an ilo rumok amam tia ya, agod an ilom gidigheid amado da. Nal sapta naj an da tumado wak i? Nal sapta muruan a apanag on dan nisini wak i? Nanuk an igo anane apalu.”

⁴² Nanuk ipalu dugo ur saian an nanuk itarfuni ibili idug, idududuruk dugo yen se ya. Gug Jesus ur saian an naon ifute ipeig pinein an ikubune ya. Agog pinein an inaneg taman ipani a.

⁴³ Tamolpein fidian Anut san dabai an dileg, durut saian a.

Jesus afon inanen matej njen o ibol a
Mat 17:22-23; Mak 9:30-32

Saen tamolpein an Jesus kulob fidian e igane yen njen o ilod weiwei man, Jesus in san megeloum igo irupidai,

⁴⁴ “Ru en aloj dop ilom isou uyanan. Tamol Nanun ager adi banid lo digane wa.”

⁴⁵ Ak man megeloum ru an fun ta dulong na ya. Anut ru an fun mok imiani a, agod dulong san tia ya. Taida mi, megeloum adi Jesus njen en isafulale pidinai o dusumiani san man direr a.

Enti in tubun a
Mat 18:1-5; Mak 9:33-40

⁴⁶ Megeloum insed mi nug dupeig dubol, “Id lulunad lo enti malan te yak i?”

⁴⁷ Jesus insad kankan ilon go nanuk nanun ta inaneg giranjen na igunig

⁴⁸ megeloum irupidai, “Talpein enti ηai yanag lo nanuk igo yan inane wo iyunani tap, ηai dam injiliag o iyunanag da. Agod talpein a ηai injiliag dan, Enti a ηai idinag go ηupalu yan dam inane da. Man dugo, talpein a an lulunam lo sen yabi idup murna geig an, in mi malan te ya.”

⁴⁹ Jon Jesus irupei, “Tubun en, man tamol ta on yan a lo ur saian ikudai dugo mile ya. Tamol an mansama tia ya, an ninen o imoi o murupei a.”

⁵⁰ Agog Jesus irupei, “Ago igane dop apadau amoi. Man dugo, ta ansam ager tia yan in idsad urat kisaek a.”

Sameria aenta Jesus dumoi a

⁵¹ Jesus Anut san panu lo yau san saen sumeik dugo, in naon Jerusalem na ipanig turen yabi se ya. In ru sinek tamol aenta idinaig dumug go

⁵² Sameria na panu ta lo dumado san aben dukubune dop ipalu wo diau a.

⁵³ Panu ta lo diladu yak gug, tamolpein panu an san dijiliai o dumoi. Man dugo, tamolpein dulon ak, Jesus Jerusalem na yau da.

⁵⁴ Saen Jems in Jon da aban ago dile tag Jesus durupei, “Tubun en, ubol tap, mabol dop keit lo yai idup, panu en imarip inani yau a.”

⁵⁵ Ak man Jesus idansag ru dabai nam ipidai a.

⁵⁶ Ago tag panu sen ta lo diau a.

Jesus nien aban diri san muruan

Mat 8:19-22

⁵⁷ Dal na diau dugo, tamol ta Jesus irupei, “On dugo wau dan ηai dam ante tau a.”

⁵⁸ Ago tag Jesus ru naon irupei, “Goun kasik in gib ad da ya. Anakanak in wur ad da ya. Gug

Tamol Nanun man, in kabuŋan igansip yaes ibal san aben tia ya.”

⁵⁹ Agog Jesus tamol sen ak ta irupeï, “Nieg aban uri.”

Gug tamol an ibol, “Tubun en, umoi dop ŋaup, tamag ŋisare gup.”

⁶⁰ Ago tag Jesus ru naon irupeig ibol, “Tamolpein a inŋsed ŋutudi lo dumat la yan bisawai dop, inŋsiganed tubabun an ka disiriaï idu wa. On waup, Anut san kagin panek niŋen tamolpein naod na ubol ilasa dop duloŋ a.”

⁶¹ Agog tamol taidam irupeï, “Tubun en, ŋai dam ŋie aban ŋiri wa. Ak man umoi dop, ŋaup, tinag tamag teig taog banid ŋabi gup.”

⁶² Ago tag Jesus tamol an irupeï, “Tamol ta urat igane dugo pempem patun na idanŋa idanla won dan, in Anut san kagin panek san urat igane san ta idaisuda na ya.”

10

Jesus urat tamol 72 ipilianaig diau a

¹ Murnag Jesus urat tamol 72, panu panu lo diau o nuŋod uraru uraru ipilianaig, dumug diau se ya.

² In gamugo turen diabi dugo, ru kagin igo ibol irupidai, “Anan nuŋon tubun mok ifu a. Gug urat tamol wei an tia ya. Ak niŋen o abi taman aguduani dop urat tamol taidam idinaip an da aup, anan nuŋon atumani wa.

³ Ago yak niŋen o au. Gamu ŋidinan den man nek ibol sipsip nanudi goun kasik ak luluŋad lo diau dak igo won a.

⁴ Moni, badam, sendal ta asini na wa. Saen dal ari dan lo, enti ta naom na ilasa dop an pasak ta agane na wa.”

⁵ “Ab ta ilon lo aladu wo dop, abol, ‘Maror am da amado.’

⁶ Tamol maror san ak imado tap, ananem maror in lo yen a. Tia tap, ananem maror imul pe muroum sam na ipalu wa.

⁷ Ab dugon lo aladu dan, nek ante mi amado wa. Anan you dupanan dop ani aluk a. Man ata wo, urat tamol man inaned naon dinane san idaisuda ya. Ab sensen lo ta au na wa.

⁸ “Agod panu ta ilo uyan lo mi dinilian tap, anan digane panan dan ani wa.

⁹ Insad subam adi akubuniaia dop, panu an san tamolpein dam arupidai, ‘Anut san kagin panek sumeik ipanan la ya.’

¹⁰ Gug panu ta ate alasap, in an lo uyan tia tap, panu titinaem mi alasap, abol,

¹¹ ‘Ananem panu san gufgaf njema fo isuda yen, gamu muroum sam na mipitili idu da. Aloŋ ak, Anut san kagin panek sumeik ipanan la yak man an amoi da.’

¹² Nai jurupaian da, murnap nal wadan lo dop, rumok, Sodom adi fon mi muruan tubun mi dile wa. Gug muruan a panu an san tamolpein murnap dile wan, Sodom sad muruan an irinani geig a.”

Jesus panu aenta sad tamolpein ilod lo ta rumok na yan ru lo ibiaia dudu ya

Mat 11:20-24

¹³ “O Korasin san tamolpein, muruan tubun geig ale wa; O Betsaida san tamolpein, an dam muruan

tubun geig ale wa. Man dugo, kulob girager a naj an lulunam lo ngane dan, wagam Tair in Saidon da lulunad lo ngane tap, taun an san tamolpein wagam mi ilod ibilisa wa. Ago dop mugun san kulos didirip, yai san utut fo dumasip dumado wa.

¹⁴ Ago man saen Anut san bitinaek san nal ipalu wan lo, anjam aupasek naon Anut ipanan an senamo geig a. Muruan an Tair in Saidon da sad muruan an irinani geig a.

¹⁵ Agod an Kaperniam tamolpein, sem yanjam abisap keit lo isuda wak i? Tia mok, Anut in sen injilian pe au adup tan ilon lo aben yanjan Ades dubol dan lo idiran pe amado wa.”

¹⁶ Agog Jesus insan urat tamol 72 fon irupidai, “Ta an awam ilon dan, naj dam awag ilon da. Go ta an imoi dan, naj dam imoi a. Go ta naj imoi dan, Enti a naj idinag go nupalu yan dam imoi a.” Agog diau a.

Anut inanen mel imianuk fidian tamol yanad tia yan ikubiai pidinai a

¹⁷ Murnag tamol 72 an Jesus san na dumul dupalug, uyad isusag dubol, “Tubun en. Nek ur saiak saiak on yanja mupate dan lo awama paen na dumado dugo awama diabi da!”

¹⁸ Agog Jesus ru naon irupidai, “Nai gubak mi Satan njile dugo, nek ibol lak na weil irafule yak igon won, keit ibiseig idu ya.

¹⁹ Alon, naj an dabai nupanan la ya. Ak ninen o an mot, lualiu da ka aparfufarai a. Anjanem ager Satan san dabai fidian an ka abi idu wa, agod mel ta malam issue san tia ya.

²⁰ Gug anj ur saian saian awam diabi dan ninjen o ta uyam isusa na wa. Tia. Anut anjanem yanjam kumaen panu na igireg yen dan mi ninjen o uyam isusa wa.”

*Jesus youn isag Anut per ipani a
Mat 11:25-27; 13:16-17*

²¹ Saen an lo Jesus Urgun lo ilon imasag yousai tubun geig ak lo Anut irupei, “O Bai, tan keit da sad Tubun a, naj ilo uyan ru njupano da. Man dugo, mel en fidian tamolpein a kankan ad milaen an, agod a dulonj dubol dan dam, minami pidinai a. Ak man onj mel an fidian tamol a yanjad tia yan kubiai pidinai a. O Bai, awo, ago gane san an onjane ilo, an ninjen o naj youg isa dugo ilo uyan njupano da.”

²² “Nai Tamag iginiag go mel fidian sad tamad njilasag njumado da. Tamol ta inj Anut Nanun ta ilonj na ya, nek Taman injen mi a. Agod tamol ta inj naj Tamag ta ilonj na ya, nek njaiseg mi, agod tamol nek amaiak Nanun injinan ilobol lo mi Taman ikubiai pani wa.”

²³ Agog Jesus idansag, megeloum pasak nam irupidaig ibol, “Mel gamu ale dan ninjen o ilom uyan.

²⁴ Man dugo, profet adi agod kinj adi wei kasik, mel e gamu anj ale den dile wo mok dumat se ya, ak man inj ta dile na ya. Agod ru e gamu anj alonj den dulonj o mok dumat se ya, ak man ta dulonj na ya.”

*Sameria tamol injanen ager ibinawi a
Luk 18:18-30*

25 Kubiaen san girek manau ta imasag Jesus ibitinae wo isumiani, “Girek manau, naj dugo njaganep kumaen njane wak i?”

26 Ago tag Jesus isumianig ibol, “Moses san kubi-aen lo dugo digire yak i? Ata ru suti ak i?”

27 In ru naon igo irupe, “On gidad Tubun en onane Anut ninen o umat a, on bube fidian lo, ntu fidian lo, onane ilo sou fidian lo, agod onane dabai fidian lo ago gane wa. Agod, nek onse niye wo umat dak ago mi tamolpein aenta dam ninedi wo umat a.”

28 Agog Jesus tamol an irupe, “Onane ru naon itaot a. Nek ago mi gane tap, kumaen pempem san nane wa.”

29 Ak man kubiaen san girek manau an, tamolpein aenta malad lo inanen nao lalek an uyanan ilasa wo ilon ibol a. Ago yan ninen o in Jesus igo isumiani, “Tamol ninen ubol an enti mok i?”

30 Ago tag Jesus ru naon igo irupeig ibol, “Tamol ta in Jerusalem ibiseig Jeriko na yau dugo dal na gumagam tamol adi diabi a. Agog bioun tinin fo yan dirasireg digam go, dufunig imat go tubabun yen dugo diau a.

31 Saen nek an lo pris ta dal an mi irig ipalu ya. Saen ipalu man tamol an imat go tubabun dal te yen dugo ile tag, dal gigin irig irinang yau a.

32 Livai san gugoi lo tamol taidam ipalug tamol an dal na yen dugo ile man, in dam dal senamo inane yau a.

33 Agog Sameria tamol ta dal an inane yau nag tamol an ile, ago man ilon tubun mi imuni a.

³⁴ Ago tag wain in guren da marasin on inane nam tinin baob ifulanig ifou. Agog tamol an insiganen donki fo igane isudag, inane lou ab ta lo diaug kaginan igane ya.

³⁵ Tidom lom mig kina uraru ab an san titianek tamol ipani dugo irupei, 'Kaginan gane. Murnap namul dop, melmel sapita in tinin lo bisei an naon nai on nupano wa.' "

³⁶ "On dugo ubol di? Tamol utol an luluad lo enti inanen turan o imat ak i?"

³⁷ Ago tag kubiaen san girek manau an ibol, "Tamol a ilon imuani ama ya."

Ago dugo Jesus irupeig ibol, "On dam waup, nek ago mi gane wa."

Jesus Marta in Maria da sad na yau a

³⁸ Jesus inanen megeloum dida diaug panu ta ate dilasa ya. Atna pein ta yan an Marta dubol dan Jesus iwagig insan ab lo diau a.

³⁹ Marta tein ta yan an Maria, in Tubun en nien fun na imasig imado dugo, insan ru ibol dugo ilon se ya.

⁴⁰ Ago dugo Marta mi sen kisaek anan biabi an iganeg yaug, ilon saian tag ipalug Jesus irupeig ibol, "Tubun en. Nai teig en ibisawag go seg mi urat en fidian nigane dan ninen dugo kankan gane dak i? Peip, ibunawag."

⁴¹ Ago man Tubun en ru naon irupei, "O Marta! On mel wei mi ninedi wo ilo weiwei dugo ilo muruan da.

⁴² Gug on mel kisaek malan te yak ninen o kankan ta gane na da. Maria mel an ipilianig inane ya. Talpein ta mel an banin lo ipasi san tia ya."

11

*Jesus megeloum gadiŋ digane wo ipiteŋanai a
Mat 6:9-13; 7:7-11*

¹ Saen ta Jesus aben ta lo igudianig itout an megeloum ta ipalug isumiani, “Tubun en, Jon inŋsan megeloum gudanek ipiteŋanai ak ago mi maŋ dam piteŋanama.”

² Ago tag Jesus irupidaig ibol, “Anŋ agudani wo tap, igo agod a:

‘Maŋanema Bai, oŋane yaŋa gun.

Oŋane kagin panek ipalu.

³ Nal anek anek san anaŋ panama.

⁴ Maŋanema aupasek ilo inŋaonŋ.

Man dugo, aupasek a aenta maŋ lo digane dan iloma inŋaonŋ da.

Bitinaek lo naoma ta urae na wa.’ ”

⁵ Agog Jesus gudanek ipiteŋanai yaug, ru mitilaen en irupidai, “Gamu tura ta san ab lo waup, tidom lak dalawan tutip, anaŋ ta ipano wo gudanip ubol.

⁶ ‘Turag ta gamu nam ŋaisag na ipalu yak man ŋai anaŋ amag tia ya.’

⁷ “Ago dop tura ab ilon lo ru naon irupaio, ‘Nion saen go maen dak niŋen o leiŋ panama umoi. Dalawan itau a, pein nanuk fidian dien la ya. Njai ŋumasap mel ta ŋupano san tia ya.’

⁸ Gug ŋai ŋurupaianŋ da, gidad, oŋsa tura bo man anaŋ ta ipano na wa. Gug oŋ gidad miai ifuno bo man maeg ganep sumiani oŋ tap, melmel fidian niŋen o ilo ibol dan ipano wa.”

⁹ “Ago yak ninen n̄ai n̄urupaian̄ da: Agudani dop, ipanañ a. Abañ abi dop, ale wa. Dalawan atuti dop, ipasi panañ a.

¹⁰ Fidian dugudani dan diñane wa. Ta abañ yabi dan ile wa. Ta dalawan ituti dan Anut ipasi pani wa.”

¹¹ “Dugo, añ nanuk tamadi, nanum ta iy o igod dop, aben lo mot apani di?

¹² Tia. Kurek patun o ibol dop lualiu apani di? An dam tia ya.

¹³ Añ bo saiami a, ak gug nanum melmel niñedi wo dugod tap, mel uyan ak apidinai da. Nek ago mi Bai Anut dam tamol enti Urgun in̄ane wo igod tap ipani wa.”

Tamolpein Jesus Belsebul san dabai lo urat igane dak ago dubol a

Mat 12:22-30; Mak 3:22-27

¹⁴ Nal ta Jesus tamol ta, ur saiak igane awan itau ak tinin lo ikudi a. Agog tamol an awan ipuk go in̄in̄eñ a. Ago man tamolpein wei mi ate dutur dan fidian durut saian a.

¹⁵ Ak man aenta dubol, “Ur sisaiak sad gurman yañan Belsebul tabol damaiak san dabai lo mi in̄ ur sisaiak ikudai diau da.”

¹⁶ Ago dugo aenta Jesus naon dukubiani wo kulob girager ta igane dop, dile wo dusumiani. An lo dop dulon̄ ak, Anut sen idinig ipalu ya.

¹⁷ Gug Jesus in̄sad ilod ilon̄ la yak ninen o irup-idai, “Panu ta nug ditarpalep malan uraru dilasap, in̄sed ilod lo mi nug dufuni tap, in̄ saen milaen ta dumado na wa. Gugoi ta ditarpalep sensen dutur o digane tap, in̄sad gugoi an yau idu wa.

18 Ago yak niñen o Satan inñen lo tarpalek igane dop, dugo wonñ pe inñsan kagin panek aben an dabai yen yau ak i? Njai an nabol dan man fun, njai Belsebul dabai ipanag ak lo ur sisaiak njukudai diau dak abol da.

19 Gug an rumok tap, anñsiganem megeloum adi, enti san dabai nam ur saiak dukudai diau dak i? Fun amaiak niñen o anñsiganem megeloum inñsed mi, saen Anut san bitinaek nal ilasa dop, kubianek tamol on dilasap bitinaek lo didiranñ a.

20 Ak man njai Anut banin nam ur sisaiak njukudai diau dak ago tap, anñ gidad alonñ uyanan a, Anut san kagin panek an sinñirem na ipalu la ya.”

21 “Tamol ta dabai ak ager san biouñ tinin fo idirip ate inñanen ab melmel da kagin ipidinai tap, inñanen melmel an fidian itaot mi dien a.

22 Gug tamol ta nen dabai ak ipalup, yu inñ lo iganep itout tap, inñsan ager san biouñ biouñ a ate inñanen tini ganeñ igane se yan fidian igam pe isini yau a, agop inñsan furan fidian dam inñanep iwae yau a.

23 “Talpein enti inñ njai ta iganurag na dan, inñ patun ipanag da. Agod talpein a njai da sisem ananñ mutumani san urat ta migane na dan, nñaisag urat iratitale da.”

Ur saiak dukudig yau an imul ipalu ya

Mat 12:43-45

24 “Saen ur saiak ta tamol tinin lo yak dukudip yau tap, aben igosan ak ate gidigheid ila iso wa. Ante aben ta yaes ibal san ile wo abanñ yabi wa, ak man aben an ta ile na wa. Ago dop ilon lo ibol, ‘Njai gidad nñamul pe ab gubak mi ate nñumado amaiak lo nñau a.’

²⁵ Inj imasap yau ak man, ab an kawan di ilon dam diriani dugo mel fidian dukubuneg itaot dien dan ile wa.

²⁶ Amaiak ninen o inj imul yaup, ur saiadi geig ak 7 taidam injal a. Ur an kulob sisaiak digane san man inj dirinani geig a. Inj sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a.”

²⁷ Jesus ru ago ibol dugo, pein ta tamolpein lulunjad lo imasag iwagin go ibol, “Pein a iginiosig su ipano yan bar injaneg imado da.”

²⁸ Gug Jesus awan yabig ibol, “Tia. Enti Anut san ru ilon dugo kagin ipani dan mi bar injaneg imado da.”

*Tamolpein kulob girager dile wo dusumiani a
Mat 12:38-42*

²⁹ Tamolpein wei mi dususa se ya, ago dugo Jesus irupidai, “Saen gamu en san tamolpein man saiadi geig. Inj kulob girager ta kob igo won dile wo dusumianag da. Ak man Anut kulob girager ta tamolpein an ta ipidinai na wa, nek kob kisaek an mi ka dile wa, kob an man profet Jona san a.

³⁰ Man dugo, nek ibol Ninive adi malad lo Jona kob on ilasag imado yak igo won, naiseg tamolpein saen en san injanen malan lo kob naon nek ago njilasap njumado wa.

³¹ Kwin a saut lo ilasa yan man, an gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an an ninemi wo ru ibol ilasa dop boum ipanan a. Man ata wo? Kwin an inj tan asau mok imado bo man, Solomon san kankan milaen amaiak ibol ilasa dop ilon o

ipalu ya. Ago yak gug tamol ta dam in ente imado da, tamol an man Solomon irinani geig a.

³² Ninive san tamolpein man an gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi an ninemi wo ru dubol ilasa dop boum dupana a. Man ata wo? Ninive adi Jona san ru ibol ilasa yan dulon go an lo ilod ibilisa ya; ak man tamol ta in Jona irinani geig an gamu imado da.

Tinid san lilaman

Mat 5:14-16; 6:22-23

³³ Tamol ta in lam ibanip ta imianip yen na da. Agod sareg paen na ta iganep yen na da. Tia, in kuai te isunanip iyuk yen da. Ago dop tamolpein a ab lo diladu dan lilaman dile wa.

³⁴ Onane mala man tini san lilaman. Saen onane mala uyan tap, tini fidian geig an ilalan da awan isa wa. Ak man saen on mala saian tap, tini fidian geig an tidom tubun da awan isa wa.

³⁵ Ago yak ninen o kagin agane. Kabelan lilaman a on lo yan tidom tubun on banau.

³⁶ Amaiak ninen o ananem tinim fidian an ilalan dugo gigin ta lo tidom tubun ta yen na tap, aria, lilaman a an lo yen dan awan isa wa, nek ibol lam ided dan on tini fidian ilalan da.”

Misilane ru siks

Mat 23:1-36; Mak 12:38-40

³⁷ Saen Jesus ininon go itout an Farisi ta iwagig in san ab lo anan diani wo diau a.

³⁸ Jesus Juda kagin irinanig, banin ta ifulani na dugo anan diani wo dumasi a. Farisi an Jesus ago ileg, irut saian.

³⁹ Ago tag Tubun en Farisi an irupei, “Anj Farisi man gab daeg da tinid patud fo yak mi afulanai da. Gug ilom lo man mala sek, agod kagin saiak saiak mi awan isa ya.

⁴⁰ Anj Farisi njineo tinami. Anut tinim igane dugo ilom dam igane ya. An lo ata wo ilom ta akubune na dak i?

⁴¹ Melmel a anjam gab daeg lo yan bigabeg adi apidinaip lo sed ibunawai tap, anj tinim fidian Anut malan lo ikokan imado wa.”

⁴² “O Farisi, muruan tubun geig ak ale wa! Man dugo, anjanem abi san ananj melmel kitiktik an fidian atumanip, malan 10 ilasa gup malan kisaek atarpalep Anut apani da. Gug anj Anut san kubi-aen malan te yak arinani da. Anj tamolpein kot lo ta atarpasai uyanan na dak, agod Anut ninen o dam ta amat na da. Kagin malan te yak agane wa, agod kubiaen san ru kagin kititik dam ta abisei na wa.”

⁴³ “O Farisi, muruan tubun geig ak ale wa! Man dugo, anj ubou ab lo tamolpein malad lo kapal malan te yak fo amado wo agane da. Agod anj tamolpein malak malak yanjam diabisa wo agane da.”

⁴⁴ “Anj kagin agane! Anj man ibol tubabun gib lo imianuk yen dugo tamolpein ta dulon na dugo fufo diau dumul dugo sed nun ipidinaidak igo wonj a, ago man inj anj sinirem na dupalu yan lo Anut malan lo nun anda dilasag dumado da.”

⁴⁵ Agog kubiaen san girek manau ta Jesus irupei, “Girek manau, onj ago ubol dan manj dam paiama da.”

⁴⁶ Agog Jesus ru naon irupei, “O kubiaen san girek manau, anj dam muruan tubun geig ak ale

wa! Man dugo, an tamolpein kubiaen fidian kagin dupani wo abol da. An lo tamolpein muruan tubun kasik apidinai da. Gug insad muruan lo an banim ilap kitek ta abinawai na da.”

⁴⁷ “Rumok an muruan tubun geig ak anjane wa! Anj profet adi dumat la yan sad mutou damag sinjakaan apani da, ak gug profet nek an anjanem tubum bagem dufu dumat a.

⁴⁸ Kagin e agane den lo ansem kot ipananj da, man dugo, kagin a gubak mi digane na yan ninjen o awok apidinai da. Inj profet adi dufu dumat se ya, agod an sad mutou akubune da.

⁴⁹ Amaiak ninjen o Inj a tinin ilon lo Anut anen kankan milaen ak yen dan, igo ibol go irupaianj, njai profet adi agod aposel adi njidinaip dupalu dop anjam na dilasa wa. Ago bo man anj aenta afu dumat a, aenkadi muruan funfun dupidinai se ya.

⁵⁰ Fun an ninjen o, profet fidian ager adi banid lo materj dile yan, kagin amaiak san ai wadan Anut ansem mi ipananj a. An man anjsiganem muruan mi a.

⁵¹ An lo Abel imat ak san saen log ipalug kin Joas san saen lo, Sakaraia inj Berekaia nanun tempel san galun gun ak, alta da titinjae mi tubum bagemi dufunig imat a, kagin an san ai wadan an tamolpein gamu dumado den sad na ilasap disini wa.”

⁵² “O kubiaen san girek manjau, muruan tubun geig ale wa! Anj tamolpein manjau dinjane san ki an banid lo apasi yau a. Anj tamolpein a manjau san ab lo diladu wo ilod ibol dan sad dal afutani da, agod ansem ta aladu na ya.”

⁵³ Jesus aben an ibisei dugo Farisi inj kubiaen san

girek maŋau dida tiŋaed tubun mi saian se ya. Ago man Jesus yau dugo Farisi adi sumiaek funfun lo dusue se ya, ago dugo aten dusue dop melmel wei mi niŋedi wo ininŋen dop duloŋ o digane se ya.

⁵⁴ Jesus ifurfi dop lo ru dupani wo malad digane se ya.

12

Kagin sewak ak niŋen o kagin agane wa

Mat 10:26-27; 16:6; Mak 8:15

¹ Tamolpein wei kasik dutumanig, aben tia dugo nug tinin fo dutur se ya. Ago dugo Jesus imug megeloum ru kagin igo irupidai, “Farisi sad kagin sewak an niŋen kagin agane wa. In bale uraru tinadi, awad ru ibol dugup nuŋon ta digane na da.

² Kagin fidian imianuk yen dan kuai isi wa. Kisaek ta imianuk yen san tia ya.

³ Ago yak niŋen o ru ta tidom tubun lo an aninŋen dan ad lo tamolpein duloŋ a. Ru dugon nug kududon lo kisikisik ab san galuŋ imianuk an lo abol dan, malak malak lo dam duloŋ a.

Anut mi niŋen o tarer a

Mat 10:28-31

⁴ “Turag muroug, ru ŋurupaiaŋ da. An tamolpein tinim dufuni imat an niŋen o arut amoi. Tinim mi ka dufuni imat a, ago gup nen dufuni san tia ya.

⁵ Nai tamol niŋen o arer san ŋurupaiaŋ da. Anut mi niŋen o arer a. In tamol tinin ifuni imat pe ŋutun dam ka ibal yai lo yau a. Awo, rumok ŋurupaiaŋ da, in mi niŋen o arer a!”

⁶ “Toea uraru nam kuseŋ 5 didad da. Gug Anut kuseŋ an kisaek ta ilon injaon san tia ya.

⁷ Ago yak niŋen o arer amoi. Man dugo, Anut an o ilon isou da. Anut malan lo talpein san naon lak na geig, an kuseŋ wei kasik sad daden naon iriŋani geig a. Rumok, nek ananem gurmam roun sapita yan isutig ilon da.”

Jesus yan an malak malak apate wo ta arer na wa

⁸ “Nai an nrupaian da. Talpein ta tamol naod na in nŋaisag ago ibol tap, nai dam Anut san enel naod na natur pe nabol ak in nŋaisag a.

⁹ Ak man talpein ta tamol naod na in nŋaisag tia yak ago ibol tap, nai dam Anut san enel naod na in nŋaisag tia yak ago nabol a.

¹⁰ Agod talpein ta in Tamol Nanun niŋen o ru saiak ibol dan, Anut aupasek an ka isuas yau a. Ak gug talpein ta in Awan Urgan niŋen o ru saiak ibol dan, Anut talpein an san muruan ta isuas yau na wa.”

¹¹ “Saen diŋilian pe Juda sad tumanek ab lo tamol tutubun naod na atur o, tia gabman gurman naod na atur dop, dugo won sem ibalgiranan pe aninŋen an niŋen ilom ta weiwei na wa.

¹² Saen nek an lo man Urgan in ru abol ilasa san an ikubiai panan a.”

Niŋeo tamol a filian anda yan san ru fanan

¹³ Tamol ta tamolpein luluŋad lo Jesus irupeig ibol, “Girek manau, nai teig matu an rupeip, bai san filian an yabitiŋ, anen anen atem misini wa.”

¹⁴ Ago tag Jesus ru naon irupeig ibol, “O turag, enti nai an filiam nitarpale wo ipilianag i?”

¹⁵ Agog Jesus irupidai, “Kagin agane. An tamol sen ak san filian niŋen o malam ta isi na wa, kagin naok ago yan fidian niŋen o sen alasa wa. Man

dugo, tamol san madok uyan man tan san filian lo ta yen na da.”

¹⁶ Ago tag Jesus ru mitilaen en irupidaig ibol, “Filian tamol ta in tan munan uyanan ak lo anan ipaeg isa uyan a.

¹⁷ Agog inſen kankan ago igane, ‘Ŋai darem* fidian lo anan ŋidiri san ta idaisuda na ya. Ak niŋen o dugo ŋigane wak i?’

¹⁸ Agog ibol, ‘Ŋai darem ŋusubaraip, foun tutubun ak ŋususe idu wa. Ante anan, melmel aenta ŋidiri wa.

¹⁹ Agop ŋai melmel uyan ak wei mi amag da wa. Ananar wei mi yen da, an yaes ŋabal san idaisuda ya. Ago yak niŋen o ŋani ŋaluk dop, seg malag ŋupare woŋ dop ŋumado wa.’ ”

²⁰ “Gug Anut ibol, ‘On ŋiŋeo! Gamu tidom dop on umat a. Ago dop enti onsa filia an inane wak i?’ ”

²¹ “Tamolpein ensauta a tan en lo inaned filian bageu san tubun mi dutumani wo dumat da, ago gug Anut malan lo man in filiad tia ya, kagin nek ago mi in lo ilasa wa.”

Ilom weiwei amoi

Mat 6:25-34

²² Agog Jesus megeloum irupidai, “Ak niŋen o anŋsam madok niŋen o ilom ta muruan na wa. Mel ani wan niŋen o, mel aluk san agod biouŋ tinim san an niŋedi wo ilom ta muruan na wa.

²³ Man dugo, anan an mel tusan dugo ŋutumi an mel tubun a. Taida mi, biouŋ tinim san an mel tusan dugo tinimi mok an mel tubun a.

²⁴ Anakanak niŋen kankan agane, in anan ta dupae na da, in anan disinip anan ab lo ta dutumani

* **12:17:** Badbad

na da, ak man Anut inaned anan ipidinai da. Ak dugo, Anut malan lo anakanak mel tusan dugo an mel tubun geig ak i?

²⁵ Agod enti ta an lulunam lo, ilo wei lo iganep inſan tan san madok san saen kitek an isupasi wak i?

²⁶ Ago yak ninen o mel nanun an agane san tia tap, ata wo melmel an aenta fidian ninedi wo ilom weiwei dak i?

²⁷ “Garan san kakak dugo won disa dak ilom isou a. Kakak an urat ta digane na dak, agod inaned bioun dam ta diwei na da. Ak man nai nurupaian da, gidad Solomon damag sinjaokan ak dupani bo man, inſan leil man kakak an san leil igo tia ya.

²⁸ Aria, Anut garan san kakak san leil iganep sinjaokan ago dilasa dop, gidad gamu kumaedi dumado gup gabulop yai lo diabiau o tap, o an tamol ilo rumok amam tusan a, ak dugo, an dam bioun tinim fo ta idiri na wak i?

²⁹ Amaiak ninen o ilom muruan pe ‘ata tani wak i?’ tia, ‘ata taluk ak i?’ ago ta abol na wa. Ilom weiwei amoi.

³⁰ Man dugo, tan en san tamolpein fidian mel an fidian abanan diabi dutor da. Agod ananem Tamami mel fidian a ninen o an katukami dan ilon fufei da.

³¹ Gug imug mi man, Anut san kagin panek an ananem madok lo malan te mok agane tap, melmel en fidian dam anane wa.”

*Anut san panu lo mel uyan ak ule san dal
Mat 6:19-21*

³² “O ηaisag sipsip malan wei tia yan, arer amoi. Ananem Tamam inanen ilo uyan lo inanen kagin panek ipanaη a.

³³ Ago yak niηen o ananem filiami an adad yaup, moni ananep, tamolpein a melmel ad tia yan abinawai. Dal an lo Anut urat naon inηiganen panu lo idirip, pempem yen a. Darir, gumagam tamol adi dida dusebari san tia ya.

³⁴ Aben dugon lo anηsam urat naon yen dan anηsam ilo girek fidian dam nek atna mi yen a.”

Kagin aganep amado

Mat 24:45-51; Mak 13:32-37

³⁵ “Malam kumaen amado wa. Tinim akubunep, lam asulanip ided dop, tawaη aganep amado wa.

³⁶ Urat pinein inaned tirnek tamol soubul lo yau ak imul o malan digane wa. Ago tap, inaned tirnek tamol imul ipalup, dalawan ititi dop ka dupasi kisaek oη a. Tamol nek ago alasap amado wa.

³⁷ Pinein malad kumaen dumado dan in o ru tia ya. Pinein an irupidaip, dumasi dop, inηen anan ipidinai a.

³⁸ Gidad, tidom lak boi, tia, salso idu wo sumeik dugo ipalu tap, pinein malad kumaen dumado dan uyad isusa wa.

³⁹ Gug an mel en niηen o ilo sou agane. Ab taman in saen dugon lo gumagam tamol tidom lo ab igilep ilon lo iladu wan ilon tap, in ta yen na wa. Tia, tawaη igane uyanan pe gumagam isadu san dal ifou wa.

⁴⁰ Ago yak niηen o an dam malam ipuk pe aban ale wa. Man dugo, saen an Tamol Nanun ipalu san

an ta akubiani na dop, saen nek en lo in imul ipalu wa.”

Urat tamol uyan ak, in saian ak da

⁴¹ Jesus ru ibol itout an Pita isumiani, “Tubun en. On ru en man mi rupaiama di? Tia, tamolpein fidian rupidai di?”

⁴² Ago tag Tubun en ru naon igo irupe, “Ab taman ta in san ura pinein a manau amad da, agod awan diri dupani dan, kob ipidinaig an lo in in anen ura pinein aenta itirnai a, agod ana diani san saen ante mi ana ipidinai da. Ak dugo, an lulanam lo, enti in ura pinein naok igo yak i?”

⁴³ Saen ab muroun ipalup ura pinein an in san ura igane uyanan dan ile tap, in lo uyan a.

⁴⁴ Nai rumok jurupaian da. Tamol tubun en in anen ura pinein emaiak kob ipanip, an lo in anen biou fidian kaginad igane wa.

⁴⁵ Ak man ura pinein an tamol saian tap, ilon lo igo ibol, ‘Naisag tamol tubun en ta ipalu kisaek on na da.’ An ninen o fun iganep ura pinein aenta, tamol in pein da, ifu isusap, lukluk tamol dida ana diani dop, you sakar ak duluk o kagin naok ago igane wa.

⁴⁶ Ura pinein an san gurman nal agod auwa dam ta ilon na dop ipalu wa. An lo dop tamol tubun en ipalu saltik on pe ura pinein an ibaltiti idu wa. Ago dop awa parsisalek tamol adi lulanad lo iganep dida dumado wa.”

⁴⁷ “Ura pinein in anen tubun ak ilon ilon gug ta iri ipani na tap, muruan tubun mi ile wa.

⁴⁸ Gug ta in anen tubun ak ilon ta ilon na dugo igane saian tap, tamol an bu kabelan mi in ane

wa. Enti a Anut manjau tubun mi ipani dan, Anut isumiani dak, inanen urat lo nujon tubun mi dam igane wa. Agod enti a Anut binawek nen tubun mi ipani dan, nujon dam nen tubun mi igane wo tinin igane pani da.”

*Jesus ninen o tamolpein tarpalek malan uraru
Mat 10:34-36*

⁴⁹ Agog Jesus ibol, “Njai tan na yai njigane wo njupalu ya. An ninen o njaisag ilog man yai an gubak mi ided la yak man uyanan a.

⁵⁰ Gug muruan tubun njisini wak naog na yen da. An ninen o njaisag ilo muruan an yen dop yaup, muruan an ifout a.

⁵¹ Ak dugo, naji maror tan en lo njigane ilasa san njupalu yak ago ilom isou dak i? Tia geig a, naji njurupaianj da, maror tia, tia, biatitek mi a.

⁵² Saen gamu en go yau dan, naji o ab aenta lo tarpalek yen a. Nujon kafenda tap, utol naji aneg dudu wa, ago dop uraru naji o ru sen dubol a.

⁵³ Nanuk tamadi dumasap, nanud lo siai digane wa. Nanuk dam tamadi lo siai digane wa. Tinadi dumasap, nanud pein lo siai digane wa. Nanud pein dam tinadi lo siai digane wa. Nanuk iwod dumasap, nanuk tinad dida siai digane wa. Ago dop nanuk tinad dam raod lo siai digane wa.”

*Jesus san ager adi abanj dugo dile dan duloj uyan
san ta idaisuda na ya*

Mat 16:2-3

⁵⁴ Agog Jesus tamolpein malan tubun an fon irupidai, “Saen ad idu yau dak ate timtaen bilkas ale dop abol da, ‘Ui idu wa.’ Ago dop ui idu da.

⁵⁵ Saen tim tubun mi ifure dop, anj alonj, ad idu wa. Agop ad idu da.

⁵⁶ Anj sewak tamol. Anj abanj lak na yak ale dop fun alonj da. Tan na dam abanj ale dop, fun alonj da. Ak man ata wo melmel gamu ilasa dan fun ta alon na dak i?”

Ririan ru akubune wa

Mat 5:25-26

⁵⁷ “Anj ata wo kagin itaot agane san dal ta akubiani fufei na di?

⁵⁸ Tamol ta inj onj injilio kot lo au dop dal na onj inj da ririan ru akubune wa. Kabelan injiliop, bitinaek tamol naon na alasap ai katuk banid lo iginiop dusubano banau.

⁵⁹ Njai njurupaio da. Dusubano dan lasa san tia geig. Mado nap onjane muruan naon an ninjen o, moni samukan fidian udad itout gup, lasa wa.”

13

Tamol ilon ta ibilisa na dan, inj idegyau a

¹ Saen an lo tamolpein dupalug Jesus durupe, “Juda tamolpein aenta Galili na dumado dan Jerusalem na tempel lo dupalug, Anut yai digane pani dugo gabman gurman, Pailat, tamolpein an ifu dumat dugo, insad dar tinid lo ilasa se yan mudan a yai digane dan da ikubuli a.”

² Ago tag Jesus isumianai, “Ak dugo, inj dal an lo dumat an ninjen o anj ilom lo abol, insad kagin saiak Galili tamolpein aenta sad kagin saiak irinjani ak ago abol di?

³ Tia geig. Gug njai njurupaianj da. Anjanem saian an fidian patum ta apani na wak an rumok tap, anj dam nek ago mi adeg au a.

⁴ Dugo, tamolpein 18 Siloam na ab lak na geig an yau idug ifu dumat an, ilom lo inşad kagin saiak an Jerusalem tamolpein aenta sad kagin saiak an irinani abol di?

⁵ Tia geig a. Gug űai űurupaian da. Ananem kagin saiak patum apani. Tia tap, an ago mi adeg au a.”

Gurab nunon tia yak san ru fanan

⁶ Agog Jesus ru fanan en irupidai, “Tamol ta inşan abi lo ai gurab ta ipae ya. Nal ta yaug, gurab patun aban ile tia tag,

⁷ inşan abi titianek tamol irupeı, ‘űai ananar utol gurab an patun ta űile man tia ya. Ak ninen o tare. Etna itur dop, tan bulbal inanep itout banau.’

⁸ Ak man abi titianek tamol irupeı, ‘Tubun en. Gidad, umoi dop, ananar kisaek taida itur dop tile gup. űai dabin tan űupanip afon tile wa.

⁹ Agop, ananar naod na yan nunon ifu uyan tap, itur a. Gug tia tap, titare wa.’ ”

Jesus peın ta Sabat nal lo iganeg uyan a

¹⁰ Sabat nal ta Jesus Juda ubou ab ta lo ru ipitenanai se ya.

¹¹ Saen an lo peın ta itaror on itor dak an dam imado ya. In gubak mi ur saian tinin lo iladug yen dugo subam an inaneg ananar 18 yau la ya. Saen fidian ifotsa san ta idaisuda na ya.

¹² Jesus peın an ile tag iwagig, ipalug irupeı, “Onane subam gamu űigane itout a.”

¹³ Ago dugo banin tinin fo iganeg, gamu nam ifotsag, Anut yan an yabisa ya.

¹⁴ Jesus Sabat nal lo peın an iganeg uyan ak ninen o, ubou ab an san titianek tamol tinan saian. Ago tag in tamolpein ipidaig ibol, “Nal 6 an

urat san. Ago yak niñen oñ enti saia tap nal 6 an ilon lo palup, ikubunio. Gug Sabat nal lo man tia ya.”

¹⁵ Ago tag Tubun en tamolpein fidian ubou ab an lo yan ru naon igo irupidaig ibol, “An balem uraru tinami a! An Sabat nal lo, ananem makau boi, tia, donki kam burod lo yan apasip, anjal pe da aup you ta apidinai da. An ta rumok na i?”

¹⁶ Nek ago mi, gamu pein en, Abraham malan kubulan, in anajar 18 Satan banin lo imado se ya. Dugo, nal gun en lo Satan banin lo tupasi tap, dugo ilom isou di? An saian ak i?”

¹⁷ Insan ru naon an iganeg, tamol a fidian sumi-anek dupani an miai ifu ya. Gug tamolpein aenta man Jesus kulob funfun igane na yan niñen o ilod tubun mi uyan se ya.

Ai patun kitiktikan san ru fanjan

Mat 13:31-32; Mak 4:30-32

¹⁸ Agog Jesus fon irupidai, “Anut san kagin panek man dugo woñ ak i? Nai ata mel lo tou ñigane wak i?”

¹⁹ In ibol ai patun kitiktikan yanjan masted dubol dak oñ a. An tamol ta inanep, inanen abi lo ipaep, ipuk pe, isap, ai tubun ak oñ ilasa wa. Ago dop anakanak raen fo wur dufuni wa.”

Yis san ru fanjan

Mat 13:33

²⁰ Agog Jesus afon isumianai, “En ata mel nai Anut san kagin panek da tou ñigane wak i?”

²¹ In ibol yis oñ. Pein ta yis inanep, plaua daeg tubun ak lo yan ida ikubulip, yen dop plaua ikafut yaup tubun a.”

Dalawan ipipiani an

Mat 7:13-14,21-23

²² Jesus Jerusalem na yau dugo, dal na panu tutubun ak, agod kitiktik ak dam lo, Anut san ru ipitejanai dugo yau se ya.

²³ Ago dugo tamol ta Jesus isumianig ibol, “Tubun en, dugo, Anut tamol wei an tia patud ipasi wak i?”

²⁴ Ago tag Jesus irupidaig ibol, “Dalawan man ipipiani an. An dalawan ipipiani an lo aladu wo maeg agane wa. Man ata wo? Nai nurupaian da, tamolpein wei mok Anut san kagin panek aben lo diladu wo ilod ibol da, ago bo man diladu san tia ya.

²⁵ Man dugo, ab taman dalawan ifutanip, an lo aenta asupakuk dop, patun fo atur a. Dalawan atitip, awagin a, ‘Tubun en, on dalawan pasi panama.’

“Gup in ru naon igo irupaian a, ‘An dugon te alasa yan nai ta nalon na ya.’

²⁶ “Ago dop arupeip abol a, ‘On man da sisem tani taluk na ya. Man sama panu lo dam pitejanama na ya.’

²⁷ “Ago gup irupaian, ‘Nai fon nurupaian da, an dugon te alasa yan nai ta nalon na ya. An aupasek tinami, sen alasa.’

²⁸ “Aben an ate an atata dop luomi agurmi wa, man dugo, Abraham, Aisak, Jekop, profet adi fidian dam Anut san kagin panek aben lo dumado dop eil a, ak man diabianan pe patun fo alasap amado wa.

²⁹ Tamolpein wei kasik ad isuda dak lo, ad idiau dak lo, not lo, saut lo dam an fidian dususap, Anut

san kagin panek aben lo diladup anan diani wo dumasip dumado wa.

³⁰ Aloŋ uyan, aenta gamu murna yan murnap dumug a, ago dop aenta gamu malan te yan murnap murna geig dumado wa.”

Jesus Jerusalem niŋen o itata ya

Mat 23:37-39

³¹ Saen an lo mi Farisi aenta dupalug, Jesus durupe, “Oŋ gidad, gamu aben en biseip sen lasa. Man dugo, Herod oŋ ifuno umat o ilon yen da.”

³² Ago tag Jesus ru naon irupidai, “Aup, goun kasik an arupe, ‘Ŋai saen gamu, gabulo an man ur saiak saiak ŋukudai diau dop, tamolpein subamad da yan ŋukubuniai a. Salsop ŋaisag urat wadan ŋufutani wa.

³³ Ago yak niŋen ŋai gamu, gabulo, salso man turen mi ŋabi wa. Man dugo, aben a ate profet ta dufuni imat an man Jerusalem mi a, an niŋen o panu sen ta lo dufuni imat banau.’ ”

³⁴ “O Jerusalem. Oŋ profet adi ufu dumat na ya. Anut tamol oŋsa na iŋiniai dupalu dan dam pat nam ufu da. Nal wei kasik ibol kurek ta nanun subarin paen na kagin ipidinai dak ago mi ŋai kagin ŋupanan o ŋigane gug an ŋai amoi a!

³⁵ Ago yak niŋen o Anut anŋsam tempel ibiseig kawan yen da. Agod ŋai ŋurupaian da, an ŋai fon ta aliag na dop yaup an saen igo abol, ‘Tamol e Anut yaŋan lo ipalu den Anut anen bar tinin lo yen da.’ ”

14

Jesus tamol ta tinin ikafut ak ikubune ya

¹ Sabat nal ta lo Jesus Farisi gurman ta san ab lo anañ yani wo yau a. Inj fidian Jesus kulob dugo igane dop dile wo malad ti ibol go leil dupanig lo ru dupani san ago digane se ya.

² Agog tamol ta njien banin ikafut ak Jesus sinjiren na ipalu ya.

³ Jesus tamol an ile tag kubiaen san girek manau, inj Farisi dida isumianai, “Idsad kubiaen dugo ibol ak i? Sabat nal lo subam adi ka tukubunia ai ak i? Tia yak i?”

⁴ Ak man inj fidian ru ta dubol man tia ya. Ago tag Jesus tamol an injaneg ikubuneg itout go idinig yau a.

⁵ Agog Jesus fon isumianai, “Anj luluñam lo tamol ta nanun boi, tia, inñsan makau boi, you san gib lo idu yau tap, mel en Sabat nal lo ilasa yan ninen o, ririan yaup irae isudap injane wak i?”

⁶ Ak man ta kisaek ru naon ipei man tia ya.

⁷ Jesus Farisi an san ab lo imado dugo, tamolpein dupalug kapal malan te yak atem dumasi wo digane dugo yil. Ago tag ru fañan en ibol,

⁸ “Tamol ta nug njanek san soubul lo igiop wau tap, imug mi kapal malan te yak fo masi umoi. Kabelan tamol ta onj irinano yak dam iwagip ipalu banau.

⁹ Agop soubul taman an ipalup irupaio, ‘Onj gidad masa dop, inj aben en lo imasi wa.’ Agop onj miai tubun mi ifuno dop, masap waup, kapal wadan na yan fo masi wa.

¹⁰ Tia. Saen tamol ta soubul lo igio tap, waup, imug mi gidad kapal wadan na yan fo masi wa. Ago dop soubul taman onñsa na ipalup, irupaio i go ibol, ‘Turag, onj masap palup aben uyan en lo masi

wa.' Ago tap oŋ tamolpein dumado dan malad lo oŋ yaŋa ama da wa.

¹¹ Man dugo, tamol ta inŋsen yabisa dan, Anut inŋ yabi idup tamol yaŋan tia yak imado wa. Agod ta inŋsen yabi idu dan Anut inŋ yabisap yaŋan anda imado wa.”

¹² Agog Jesus soubul taman irupei, “Saen soubul gane tap, oŋane tura, murou, ab susumeik, filiad anda yak mi giai umoi. Man dugo, inŋ murna dop soubul naon digane panop, an lo inŋaned gubun dupano wa.

¹³ Tia, saen oŋ ananŋ ta wabi wo tap, bigabeg adi, dutor san tia yan, a ŋiedi tubabunan, agod malad tia an dam, gidad soubul lo giaiŋ dupalu wa.

¹⁴ Ago tap oŋ bar uyan ama da wa. Man dugo, inŋ naon fon oŋ dupano san tia ya. Gug mitep saen tamol itaot adi kumaen dumasa dop, Anut kulob a gane yan naon ipano wa.”

Soubul tubun ak san ru faŋan

Mat 22:1-10

¹⁵ Agog tamol ta inŋ dam ante ananŋ diani ak ru an ilonŋ tag Jesus irupeig ibol, “Talpein inŋ mitep Anut san kagin panek aben lo soubul tubun an lo dumado yan bar inŋaned imado da.”

¹⁶ Ago tag Jesus tamol an irupeig ibol, “Tamol ta inŋ soubul tubun ak iganeg, tamolpein wei mok dupalu wo igiai a.

¹⁷ Murnag biabi fidian itout dugo inŋanen urat pinein idinig yaug, tamolpein igiai an irupidai, ‘Apalu, biabi fidian itout la ya.’

¹⁸ Agog anen anen fun diganeg soubul lo ta diau na wan niŋen o urat pinein an durupei a. Tamol

malan malan an ibol, 'Ñai tan kilaken ta ñadad ak ñaup ñile wa. An niñen o gidad, ñai ilo isou umoi.'

¹⁹ Tinin te yan ibol, 'Ñai urat san makau 10 ñadad a. An lo ñaup ñibitini ai o da. Uloñ de? Gidad, ñai ilo isou umoi.'

²⁰ Ago dugo neinta dam ibol, 'Ñai nor na geig pein ñijane ya. Ago yan lo ñai gamu ñau san tia ya.' "

²¹ "Ago tag urat pinein an fon imul yaug ru fidian ñanen tubun an naon na ibol. Inñsan tubun en ru an ilon go tiñaen saian tag, urat tamol an fon idini dugo igo irupeig ibol, 'Ririan waup, panu ilon lo saiak saiak adi, bigabeg adi, ñied banid imat, malad tia yak, an uñal pe dadi apalu.' "

²² "Ago tag urat pinein an imul ipalug ibol, 'Onjane ru ubol an ago mi ñigane ya. Tamol ñañal ak gug aben aenta wei mi kawan dien da.' "

²³ "Ago tag tamol tubun an urat pinein afon idini dugo irupeig ibol, 'Waup, dal garan lo, abi dal lo tamolpein man sodudunaip uñal pe dida apalu wa. Agop ñaisag ab awan isa wa.'

²⁴ Ñai ñurupaio da, tamol a malmalan ñigiai ak gug in dumoi an, ñaisag anañ en awad kitek isue ile san tia ya."

Jesus ganuri san muruan

Mat 10:37-38

²⁵ Tamolpein wei kasik Jesus ñien fo diau dugo idañsag irupidai,

²⁶ "Talpein ta ñai iganurag o da, ak gug in tinan, taman, iwon nanun, tein muroun, lun muroun fidian ta patun ipidinai na dop, inñsen o kankan igane tap, talpein naok an ñaisag megeloum ilasa san tia ya.

²⁷ Ta inşinanen aigim isinip, ñieg aban ta iri na tap, in ñaisag megeloum oñ ilasa san ta idaisuda na ya.

²⁸ “Tamol ta in ab lak na nuñon yabi wo imat tap, in imasip, ilon igire wa. Bor sapita isue wak, agod moni sapita ibiseip ab an yabi itout an ilon isou uyan gup, ab an yabi wa.

²⁹ Gug ago ta igane na tap, ab tubun an fun mi igane gup ta yabi itout na wa. Ago dop aenta ab an dile dop, kukok an diganep

³⁰ dubol a, ‘Tamol en urat fun igane gug igane itout san ta idaisuda na ya.’

³¹ “Nek ago mi kiñ ta yaup, tan sen ak ta san kiñ da nug dufuni wo tap, in imasap ilon igire uyanan a, man dugo, inşan yu tamol 10 tausen mi, gug neinta san man 20 tausen. Ak dugo, inşan 10 tausen neinta san 20 tausen dirinşanai san idaisuda yak i? Ilon ago igire wa.

³² Aria, in ta idaisuda na tap, tamol idinaip diaup, kiñ neinta an dal na mi ida ru dukubunep, ilod kisaek, agop nug ta dufuni na wa.

³³ Nek ago mi, talpein ta in ñai iganurag o imat tap, tan en san filian fidian patun ipani gup, in ñai iganurag a. Tia tap, ñaisag megeloum ilasa san tia ya.

Beig san ru fañan

Mat 5:13; Mak 9:50

³⁴ “Beig man mel uyan a. Gug saen inşan bulbal an itout dan dal ta lo fon tiganep, bulbal san tia ya. Inşan urat dam fidian itout a.

³⁵ Ago dop tibiau da. Tamol oñ kududo ama da tap, ru an ulon uyanan a.”

15

Sipsip ideg yau ak san ru fañan

Mat 18:12-14

¹ Nal ta takis ñilañal adi in aupasek tamol adi dida Jesus san ru duloñ o dususa ya.

² Agog Farisi adi, in kubiaen san girek mañau dida Jesus patun fo disidag dubol, “Tamol an aupasek adi dida nug turan diganeg dida anañ kisaek mi diani da.”

³ Ago tag Jesus ru fañan en ibol irupidai,

⁴ “Tamol ta inñan sipsip 100 gug luluñad lo kisaek ideg yau tap, an niñen o dugo igane wak i? In sipsip 99 an itumanaip dumado dop yaup, kisaek an abañan yabip itor nap ile mok a.

⁵ Saen sipsip an ile dan ilon uyanan pe, inañep paon fo ibili isudap, isinip, panu na yau a.

⁶ Agop inanen turan muroun, ab susumeik an igiaip dupalup, agop irupidai, ‘Ñai ilog tubun mi uyan da. Man dugo, ñaisag sipsip kisaek ideg yau gug fon ñile ya. Ak niñen o apalup yousai tigane.’

⁷ Nek ago mi lak na Anut san eñel adi dam tamol ta Anut san kagin imoi ak fon ibileksa dop, in o ilod tubun mi uyan da. Ak man 99 a itaot la yak dubol go dumado dan in o eñel adi uyasusai ta digane na da.

Moni patun ideg yau ak san ru fañan

⁸ “Nek ago mi pein ta in moni patun 10 gug kisaek ideg yau dop niñen o dugo igane wak i? In lam ibanip, ab ilon irianip, abañ yabip yau na gup ile wa.

⁹ Saen ile dan turan muroun, agod ab susumeik an igiaip, dutumanip, irupidai, ‘Moni patun a ideg

yau an fon n̄ile ak n̄inen o ilog tubun mi uyanan a. Ago yak n̄inen an̄ n̄ai da sisem ilod uyanan a.’

¹⁰ N̄ai an̄ n̄urupaian̄ da, nek ago mi Bai Anut san en̄el adi aupasek tamol ta kisaek ilon ibilisa tap, an n̄inen o ago mi uyad tubun mi isusa wa.”

Taman ta nanun ideg yau ak san ru fan̄an

¹¹ Jesus ru awan ibateg ibol, “Tamol ta nanun uraru a.

¹² Nanun bakan an taman irupeig ibol, ‘Bai, on̄ane filia n̄ai teig da wabitip n̄aineg n̄utug gamu en panag.’ Ago tag taman in̄anen filian an yabitig nanun uraru mi anen anen ipidinai a.

¹³ “Murnag nanuk bakan ak in̄anen filian an idad yaug, san moni an isinig panu ta asau ak lo yau. Atna uyasusai kagin lo moni isini an isuwari yau.

¹⁴ In̄ melmel fidian isini an igane itout a, ago gug kadag tubun ak tan an lo idu ya. Ak man tinin lo melmel an fidian itout go muruan tubun mi isini se ya.

¹⁵ Ago tag yaug, panu an san tamol ta san na urat igane wo isumiani. Tamol an yabig idinig yaug bor sad ar lo in̄anen bor kaginad igane dugo imado se ya.

¹⁶ Ago dop bor sad anan̄ samsamun ta yani wo yaes isofutani gug talpein ta mel yani san ta ipani man tia ya.

¹⁷ “Saen tinin imadan man, ilon ipastig ilon lo igo ibol, ‘N̄ai tamag san urat pinein bo in̄ anan̄ idaisuda mi diani dugo dumado da. Ak man n̄ai ente kadag ibiag dugo mater̄ n̄ile wo sumeik da!

¹⁸ N̄ai n̄umasap bai san na n̄aup n̄abol a: O bai, n̄ai on̄ Anut da naom na n̄igane saian a.

¹⁹ Ago yan lo ŋai oŋ nanu ubol san niŋen o ŋai ta idaisuda na ya. An niŋen o ŋai oŋsa urat pinein lulunad lo oŋsa urat pinein kisaek ago giniag pe ŋilasa wa.'

²⁰ Agog imasag, imul go taman san na yau a.

“Asau mi ipalu dugo taman malan yang ile ya. Agog iŋanen nanun ilon imuŋani saian geig tag, imaspalug yang, nanun yabig musuk ipanig ida ditata se ya.

²¹ Agog nanun irupeig ibol, ‘O bai, ŋai oŋ Anut da naom na ŋigane saian a. Ago yan lo ŋai oŋ nanu ubol san niŋen o ta idaisuda na ya.’

²² “Gug iŋanen taman urat pinein idinaig ibol, ‘Ririan aup, kulos milaen siŋaokan an aŋanep asini apalup, agane pani. Ariy dam tuon lo agane. Sendal dam adiri pani.

²³ Agod aup, makau nanun tinin italbusi uyan an afuni. Agop id anaŋ tabip tani dop, ilod uyan dop muguruŋ tigane wa.

²⁴ Man dugo, ŋai nanug en imat ŋabol ak gug gamu afon kumaen imado da. Gubak mi ideg yau ŋabol ak gug gamu afon ŋileg ŋiŋane ya.’ Agog muguruŋ tubun ak fun digane ya.

²⁵ “Agog nanuk matu an abi lo itor nag imul ipalug, ab sumeik ipani dugo iŋ sad uyasusai an liliŋan ilon a.

²⁶ Ago tag urat pinein ta iwagig isumiani, ‘An ata digane dak i?’

²⁷ Agog urat pinein an ru naon irupe, ‘Oŋ tei itor ak gamu ipalu ya. Muruan ta ile man tia yak niŋen o aŋ tamam makau nanun tinin italbusi uyan an ifuni a.’

²⁸ “Nanuk matu an ago ilon go tinjaen saian tag ab ilon lo iladu san imoi a. Ago tag taman ilasag injanen nanun matu ak ab lo iladu wo ilon inane wo igane se ya.

²⁹ Ak man nanun an taman irupeï, ‘Anañar wei kasik n̄ai on̄sa urat pinein igo won̄ urat n̄igane na ya. Agod n̄ai on̄ awa kitek n̄iparsisali man tia ya. Ak gug on̄ sipsip nanun ta, n̄aineg turag muroug dida uyama isusa wo panag man tia ya.

³⁰ Gug on̄ nanu an on̄sa filia pani an jeit pein adi tinid lo ibidani dugo itor nag, gamu imul an, on̄ makau nanun tinin italbusig uyan an in̄ nin̄en o funi a.’

³¹ “Ago tag taman ibol, ‘Nanug, on̄ n̄ai da nal pempem tumado da. Agod n̄aisag mel fidian man on̄sa.

³² Ak man gidad gamu ilod uyan dop mugurun̄ tigane wa. Man dugo, on̄ tei en imat n̄abol gug, gamu fon imado da. In̄ ideg yau gug fon imul ipalu ya.’ ”

16

Titianek tamol kankan anda yak san ru fañan

¹ Jesus injanen megeloum irupidai, “Filian tamol ta in̄ urat titianek tamol aman da ya. Agog tamol aenta dupalug, filian tamol an durupeï, ‘On̄sa titianek tamol an on̄ane filia ibidani da.’

² Ago tag iwagig isumiani, ‘N̄ai on̄ nin̄e wo ru tim n̄alon̄ a. On̄ dugo gane dak i? On̄ masip, urat gane yan girep panag dop urat bisei. On̄ afon urat titianek tamol mado san tia ya.’

³ “Agog titianek tamol ilon igireg ibol, ‘N̄aisag tubun en gamu n̄aisag urat lo ikudag o da. Dugo

ņigane wak i? Ņai tan űitare san dabai amag tia. Agod űai űagod o dam miai ifunag da.

⁴ Ak man dugo űigane wan gamu űalouņ a. Ago tap mitep urat lo ikudag dop, turag muroug wei mi duyunānag dop iņsad ab lo digiag pe űau a.'

⁵ "Ago tag iņ tamolpein fidian a iņsan gurman san na gubun digane yan kisaek kisaek mi igiai a. Tamol malmalan an isumiani, 'Ouņ űaisag gurman an tinin lo gubun sapita gane yak i?'

⁶ "Agog ru naon irupei, 'Wan handet dram oliv gurenj.'

"Ago tag titianek tamol an ibol, 'Ririan masip, wan handet suas pe fifti mi gire.'

⁷ "Agog neinta isumiani, 'Ouņ gubun sapita gane yak i?'

"Agog ibol, 'Wan tausen bek wit.'

"Ago ibol tag irupei, 'Masip, girek an suas pe 8 handet gire.'

⁸ "Aria, iņsan gurman kulob a igane yan san ru ilouņ go ipitiani a, man dugo, urat titianek tamol an kankan anda ya. Tan en san tamolpein siganed madok an kagin dupani uyanan san niņen o kankan ad da ya, agod iņsad kankan an, tamolpein a ilalaņ san an sad kankan iriņani da.

⁹ Ņai űurupaiaņ da. Aņsam moni nam tamolpein abinawai. Agop an lo iņ aņ turam dilasa wa. An lo dop saen aņsam moni biabi aman tia man, kumaen panu lo aladup ante tamolpein an duyunānaņ pe malam dupare wa.

¹⁰ "Talpein enti mel nanun ak lo kagin uyan an mi igane dan, mel tubun ak lo dam ago mi igane wa. Nek ago mi, talpein enti mel kititik lo iraeķ tap, mel tutubun ak lo dam ago mi igane wa.

11 Ago yak niñen o, oñ tan en san filian o raek kagin gane yak ago tap, saen kumaen panu san filian mok a diwae dan, oñ niñe wo ilod isou wak i? Tia geig, oñ bani kawan mado wa.

12 Agod tan en lo oñ tamol sen ak san filian kagin pani wo bani lo digane yak gug, oñ kaginan ta gane uyan na yak ago tap, oñane filia kumaen panu lo yan bani lo diganep kagin pani wak i? Tia geig a.

13 “Tamol ta inñ gurman uraru an mi nal kisaek lo mi awad yabi san tia ya. Inñ ago igane wo igane tap, inñ kisaek o lian niñen o imat dop, turan ile saian a. Tia dop, kisaek o lian ilon ipani dop, turan patun ipani wa. Nek ago mi oñ Anut moni da sisem uri san tia ya.”

14 Farisi adi ru an fidian dulon go Jesus kukok an digane dugo nao futek ru tinin lo digane se ya. Man dugo, moni niñen o tubun mi dumat a.

15 Agog Jesus irupidaig ibol, “Anñ tamolpein malad lo sem itulan da, ak gug Anut ananem ilom ilon uyanan da. Mel a tamol malad lo naon lak na geig ak anda yan, nek mel an Anut malan lo iganan geig ak ibol da.”

Piteñanek subunñan taida

Mat 11:12-13; Mat 5:31-32; Mak 10:11-12

16 “Moses san kubiaen inñ profet adi sad ru da yen go ipalug Jon san lo ya. Saen an log ipalug gamu saen en lo man, Anut san kagin panek aben san ru dufulale da. Ago dugo tamolpein wei kasik Anut san kagin panek aben ilon lo diladu wo wagai digane da.

17 Keit tan da ditout diau san man pasauman geig a, ak gug girek kitekan san boi ta Moses san kubiaen lo yan ideg yau san ta pasauman na ya. Rumok, ideg yau san tia geig a.

18 “Tamol ta in iwon ikudip pein foun ak inane tap, jeit igane da. Ago dop tamol sen ta pein a iwon ikudi an inane tap, in dam jeit igane da.

Filian tamol in Lasarus da

19 “Tamol ta in filian anda yak pempem bioun sisiñaok ak mi idirip imado se ya. Anan dam uyan uyan ak mi yani se ya In mel ta lo katukan man tia ya.

20 Ago dugo bigabeg tamol ta yanjan Lasarus dam imado. In tinin baob yafutani a.

21 Pempem disini diaug, filian tamol an san ab naon na dibilisig, imado dugo anan samsamuk filian tamol san badim fo yan idu dan yani wo ilon tubun mi ibol se ya. Ago dugo goun dupalug, in san baob an dipile se ya.

22 “Tamol uraru an ago digane yau nag, bigabeg tamol an imat go, Anut san enel dijaneg diaug, Abraham giranjen na digane ya. Agog filian tamol an dam imat go disare ya.

23 In Ades lo imado dugo, madai tubun mok ifuni se ya. Agog malan isudag, asau mi Lasarus Abraham giranjen na imado dugo ile ya.

24 Ago tag filian tamol Abraham iwagig go ibol, ‘Bai Abraham, ilo imunjanag. Lasarus dinip, banin kikoun you lo isaminip, isini ipalup baleg fo iganep ibubarum. Man dugo, nai yai en lo madai tubun mi nisini dugo nisagai da.’

²⁵ “Ago tag Abraham ru naon irupeï, ‘Nanug, ilo isou. Saen oñ tan na kumae mado dugo, oñ oñsa mel uyan uyan ak ñane na ya, ago dugo Lasarus mel saian saian ak mi inane na ya. Gug gamu in ilon pasa ibol dugo oñ madai tubun geig ak sini da.

²⁶ An mi tia, Anut oñ ñai da titiñæm dog kuror ak iganeg yen da. An lo tamolpein etna dumado dan dog an dupilalip oñsa na diau san tia ya, nek ago mi tamolpein a oñ dida amado dan dog an dupilalip ñaisag na dupalu san dam tia ya.’

²⁷ “Ago tag filian tamol an ru naon irupeig ibol, ‘Mago tap, Lasarus dinip, ñai tamag san ab lo yaup,

²⁸ teig 5 ante dumado dan ru kagin irupidai a. Kabelan in dam aben ente tamolpein madai tubun geig dile wan ate dupalu banau.’

²⁹ “Ak man Abraham ru naon irupeig igo ibol, ‘Tia. Oñ tei murou man in Moses san kubiaen, agod profet adi sad ru ka dusuti wa, an in o idaisuda ya. Ru an ka duloñ dop kagin digane wa.’

³⁰ “Agog filian tamol an ibol, ‘Tia. Bai Abraham, an man ta idaisuda na ya. Uloñ, tamol ta imat ak fon kumaen imasap yaup, ñai teig muroug an irupidai tap, an lo ilod ibilisa wa.’

³¹ “Ak man Abraham irupeig ibol, ‘In Moses profet dida sad awad ta diabi na yak tap, gidad tamol ta materñ lo yak fon imasa dap, ilod inaneñ ilod ibilisa wo ru kagin irupidai bo man, in awan ta diabi na wa.’ ”

17

Aupasek kagin, ilo rumok kagin, agod awabek kagin

Mat 18:6-7,21-22; Mak 9:42

¹ Agog Jesus inanen megeloum irupidaig ibol, “Kubianek funfun ilasa wa, dilasa san dal tufutani san tia ya. Gug tamol enti in̄ turan ta naon irap, kagin saian lo idu tap, in̄ muruan tubun mi ile wa.

² Gidad, in̄ pat tinan ta buron lo disisi idup, beig lo dibili idup isarir o man uyanan mok a. An tia tap, muruan nen tubun geig ak ile wa.

³ Ago yak nin̄en o kagin agane, sem tinim atirni uyanan a!

“On̄ tei ta on̄ lo aupasek igane tap, kududon wabi. Agop ibileksa tap, in̄anen aupasek an pare idu pani.

⁴ Gidad, ad kisaek ilon lo saen 7 on̄ lo igane saian gug saen anen anen lo mi imul go, nao na ilon ibileksa yak ibol da, an ago tap, saen nek an lo mi in̄anen muruan an pare idu wa.”

⁵ Agog aposel adi Tubun en durupe, “Maṅsama ilo rumok an ganep dabai.”

⁶ Ago tag ru naon irupidaig ibol, “Masted patun man kitiktik an gug isap ai tubun ak ilasa da. Ago yak nin̄en o aṅsam ilo rumok masted patun igo won̄ tap, gidad ai e leil apani den tubun a, ago bo man ka arupe, ‘On̄ se ibilanop, waup, beig lo udup utur,’ ago dop awam yabi wa.

⁷ “An̄ luluṅam lo tamol ta kisaek san urat pinein abi lo itor boi, tia, sipsip ititianai boi, ab lo imul ipalu dop, in̄ imug o mi anan̄ yani wo ta irupe na wa.

⁸ Tia, in̄anen tubun ak san anan̄ imug ikubunep ipanip, yani gup, murna dop in̄sinanen anan̄ yani wa.

⁹ Urat pinein ago igane dop, in̄san tubun an ilo uyan ru ta irupe na wa. Tia. Man dugo, urat

pinein an inʒanen tubun ak idini ak fom igane da.

¹⁰ Anʒ dam nek ago mi a. Saen anʒ urat fidian nʒai anʒ nʒupananʒ an aganep itout dop abol, ‘Manʒ urat pinein kawan a. Manʒanema tamol tubun ak mi awan mabi da, mel ta per panek miʒane san ta migane na da.’ ”

Jesus lepra tamol 10 ikubuniaia a

¹¹ Jesus Jerusalem na yau dugo dal a iri dan Sameria inʒ Galili da dien dugo titiʒaem yau a.

¹² Panu ta ate iladu dugo, tamol 10 lepra amad da yak dal na dile ya. Inʒ kitek asau mi dutur dugo,

¹³ duwagin, “Jesus, Tubun ak, ilo imuʒanama.”

¹⁴ Jesus yil tag irupidai, “Aup, tinim Juda sad pris adi akubiaip dile.” Agog dal na diau dugo tinidi afon ilasa uyanan da ya.

¹⁵ Inʒ luluʒad lo tamol ta kisaek inʒ tinin ago ile tag, idaʒsag imul Jesus san na yau dugo, awan tubun mi Anut yanʒan yabisa se ya.

¹⁶ Agog yang Jesus naon na turun isaluwig, ilo uyan ipani a. Tamol an Sameria tamol.

¹⁷ Jesus ago ile tag ibol, “Tamol 10 nʒukubuniaig uyadi an, kisaek imul a, ago dugo, 9 an dugon te diau ak i?”

¹⁸ Ata wo tamol nʒukubuniaig uyad isusa yan, Anut per dupani wo ta dumul dupalu na dugo, nek tamol gol en mi imul ak i?”

¹⁹ Agog Jesus tamol an irupei, “Masap wau. Oʒane ilo rumok ikubunio ya.”

Dal dugon lo Anut san kagin panek ipalu wa

Mat 24:23-28,37-41; Mak 13:14-23

²⁰ Farisi aenta Jesus dusumiani, “Sanʒeptap Anut san kagin panek ipalu wak i?” Ago tag Jesus ru

naon irupidai, “Anut san kagin panek ipalu dan, an talpein ta ile ilon na wa, man dugo, kob ta inſan kagin panek sumeik ipalu dan san an imug ta ilasap ale na wa.

²¹ Talpein ta imasap igo ta ibol na wa, ‘Anut san kagin panek ente ya.’ Tia, ‘Anut san kagin panek onte ya.’ Man dugo, Anut san kagin panek an lulunam lo yen da.”

²² Agog Jesus megeloum irupidai, “Murnap an Tamol Nanun kitek ale wo ilom ibol ak gup ale san tia wa.

²³ Aenta durupaian, ‘Tamol Nanun obo ya.’ Tia, ‘In ebe ya.’ Gug inſad ru an ilom lo rumok pe abanjan abi amoi.

²⁴ Saen Tamol Nanun imul dan, inſan leil man nek ibol weil irakulawi dan, san lilaman aben o ad ilasa dak atep, aben o ad idiau dak ate yau dak igo won a.

²⁵ Gug malmalan muruan wei mi isinip saen e lo tumado den san tamolpein patud dupani gup.

²⁶ “Kagin a Noa san saen lo tamolpein digane se yan, kagin nek amaiak mi Tamol Nanun imul san saen lo dam digane yau a.

²⁷ Saen lom tubun ak ta ilasa na dugo, in anan diani dugo, you dam duluk dugo, nug dinane dugo, pein niedi dupidinai dugo, yang saen Noa wog tubun ak lo iladu ya. Agog lom tubun ak ilasag tamolpein an fidian daon ipidinai a.

²⁸ “Lot san saen lo dam ago mi digane se ya. Tamolpein diani duluk on dugo, didad dinane on, ab diabi on, anan dupae on dugo dumado se ya.

²⁹ Ak gug nal nek a lo Lot Sodom ibisei an, keit lo yak yai pat salfa ided dak da idug Sodom adi fidian

ifu dumat a.

³⁰ “Tamol Nanun kuai isi wo dop nek ago mi digane wa.

³¹ Saen an lo dop tamol ta ab patun fo itor ak imul ab ilon lo iladup, inanen biouŋ isini wo ta igane na wa. Nek ago mi, tamol ta abi lo yak fon imul pe, ab lo yaup mel ta inane wo ta igane na wa.

³² Lot iwon igane yak ilom isou.

³³ Talpein ta inŋen tinin o mi ilon isou tap, ideg yau a. Gug talpein ta siganen madok tan en lo ibisei dan, ta ideg yau na wa, tia, kumaen imado wa.

³⁴ Nai ŋurupaian da. Nal an lo, tidom pe talpein uraru galuŋ kisaek lo dien a, gug kisaek Tubun en inane dop, kisaek yen a.

³⁵ Nek ago mi pein uraru sisem urat digane wa. Gamu nam kisaek inane dop, kisaek imado wa.

³⁶ Nek ago mi tamol uraru abi lo dutor a. Kisaek inane dop, kisaek imado wa.”

³⁷ Ru an duloŋ go Jesus san megeloum dusumi-ani, “Tubun en. Kulob en dugot na ilasa wak i?”

Agog Jesus ru naon irupidai, “Aben ate tubabun yen dan, antem bog dutumani wa.”

18

Gudanek san ru faŋan

¹ Jesus megeloum dugudani oŋ dop dumado wa, ago dop ilod ta isali na wo ru faŋan ta irupidai a.

² In ibol, “Panu ta lo tulek tamol ta imado dugo Anut niŋen o ta irer na da. Tamol dam niŋedi wo ta irut na da.

³ Aria, pein suos ak ta panu an lo imado ya. In pempem tulek tamol an san na yaup, in ibinawip,

inanen ager kot lo digane wo iduduwig, ibol: ‘Tamol ta n̄ai iginiag saian. Agog kot lo n̄igane wo dak ninen o on̄ n̄ai binawag.’

⁴ “Gug tulek tamol an saen kitek milaen mi pein suos an awan yabi an imoi. Agog yau na gug ilon lo ibol, ‘Rumok, n̄ai Anut, in̄ tamolpein dam nin̄edi wo ta n̄arut na da.

⁵ Gug suos en n̄ai aeg itog on̄ dak ninen o gidad inanen kot lo n̄ubinawi wa. Tia tap, igo igane on̄ dop, n̄ai tuog imad a.’ ”

⁶ Agog Jesus ru awan ibateg ibol, “Ru a tulek tamol saian ak ibol an alon̄ pe apupi ale wa.

⁷ An̄ ilom dugo isou dak i? Ak dugo, Anut san pilianek tamolpein a tidom ad duwagin̄ dugo ibinawai o dusumiani dan, ibinawai o saen milaen imoi ak i?”

⁸ N̄ai n̄urupaian̄ da. In̄ ririan ibinawaip in̄aned muruan ikubune wa. An lo in̄ talpein a muruan an ipidinai an naon ipani wa. Ak man dugo, saen Tamol Nanun imul dop, tan en lo ilo rumok adi wei mi yil ak i?”

Farisi in̄ takis n̄ilanj̄al tamol da sad ru fan̄an

⁹ Jesus afon ru fan̄an ta, tamolpein ensauta a in̄sed mi itaot dubol, sed yan̄ad diabisa dugo tamolpein aenta metmet warou dubol dan igo ibol go irupidai,

¹⁰ “Tamol uraru dugudani wo Juda sad ubou ab tubun ak lo diau a. Kisaek man Farisi. Neinta man takis n̄ilanj̄al tamol.

¹¹ Farisi an imasag in̄sen ninen o mi ilon lo igo igudani se ya, ‘O Anut, ilog uyan da. Man dugo, n̄ai tamol aenta digane saian dan ago tia ya. N̄ai takis n̄ilanj̄al tamol igo tia ya. N̄ai ilosek ag tia. N̄ai ta

ņiraek na da. Ņai jeit ta Ņabi na da. Ņai tamol nuņog mi a.

¹² Ubou kisaek ilon lo nal uraru anañ geg Ņiganep Ņugudani da. Filiag an fidian Ņutumanip, malan 10 gup, malan kisaek Ņupano da.’ ”

¹³ “Gug takis Ņilaņal tamol man, sen iparyanig, itakok go naon yabisag lak na abañ ile man irer. Iņanen aupasek niņen o ilon muruan go sen titiren ifunig ibol, ‘O Anut, Ņai aupasek tamol. Ak niņen o ilo imuņanag.’ ”

¹⁴ “Ņai Ņurupaiaņ da. Anut malan lo man takis Ņilaņal tamol en mi tamol itaot an. Ak gug Farisi man Anut malan lo ta itaot na ya. Man dugo, tamol ta iņsen yaņan yabisa tap, Anut iņ yabi idu wa. Gug talpein a iņsen yabi idu dan, Anut iņ yabisa wa.”

*Jesus nanuk kitiktik igiaig iņsan na dupalu ya
Mat 19:13-15; Mak 10:13-16*

¹⁵ Tamolpein aenta nanuk kitiktik diņal go Jesus banin lo didirai o dupalu se ya. Agog megeloum adi dil tag ru dabai nam dupudai a.

¹⁶ Ak man Jesus nanuk kitiktik igiaig, iņsan na dupalug ibol, “Nanuk kitiktik akudai amoi. Abi-sawaip, Ņaisag na dupalu. Man dugo, Anut san kagin panek man tamolpein ilod nanuk igo yak sadi a.

¹⁷ Ņai rumok Ņurupaiaņ da. Talpein gidad Anut san kagin panek nanuk nanun igo woņ iņane wa. Tia dop, iņsan kagin panek lo iladu san tia geig a.”

*Filian tamol ta
Mat 19:16-30; Mak 10:17-31*

¹⁸ Juda tamol gurman ta Jesus isumiani, “Girek manjau uyanan en. Njai dugo njanep kumaen pem-pem san njanep wak i?”

¹⁹ Ago tag Jesus ru naon irupeig igo isumiani, “Ata wo najai uyag ubol dak i? Talpein ta uyan man tia ya, nek Anut mi in-sen kisaek uyan a.

²⁰ Onj kubiaen fidian ulonj: tamol sen ak iwon ugam pe ida jeit ta agane na wak, tamol ta funi imat na wak, gumagam ta gane na wak, kot lo supalek ru ta ubol na wak, tina tama awad paen na mado wa.”

²¹ Agog tamol an ibol, “Njai nanuk log ipalug gamu en, kubiaen an fidian njuri njupani na ya.”

²² Jesus ru an ilonj tag irupei, “Onj mel kisaek lo mi katuk ama ya. Onsa filia fidian udad yau dop, moni an njanep, bigabeg adi pidinai a. Ago tap on Anut san kumaen panu lo filia ama da wa. Ago gane gup, najai njieg abag uri wa.”

²³ Tamol ru an ilonj man ilon tubun mi muruan. Man dugo, in filian tamol tubun geig a.

²⁴ Jesus tamol an leil ipani dugo ibol, “Tamol filian anda man Anut san kagin panek lo iladu san man muruan geig a.

²⁵ Alonj ak, tamol filian anda yak Anut san kagin panek aben lo ka iladu wan, rumok tap, aria, kamel dam si gubaran lo yau san man pasauman geig a.”

²⁶ Tamolpein a Jesus ru ibol dugo dulonj dan dusumiani, “Mago tap, ensauta mok mi Anut patud ipasip, kumaen pempem yen dan dijanep wak i?”

²⁷ Ago tag Jesus ibol, “Mel a tamol digane san tia yan, Anut igane san ilonj a.”

28 Agog Pita ibol, “Mañ onj ñje aban muri wo mañanema ab, panu agod mel fidian mubusei a.”

29 Ago tag Jesus igo ibol go irupidai, “Ñai rumok ñurupaianj da. Talpein ta Anut san kagin panek niñen o iñanen ab, iwon nanun, tein taon, agod tinan taman ibisawai tap,

30 saen e gamu yen dan lo Anut naon uyan a ipani wan tubun kasik a. Agod saen foun ak a murnap ilasa wan lo kumaen pempem yen dan iñane wa.”

Jesus iñanen mateñ niñen o ibol utol a

Mat 20:17-19; Mak 10:32-34

31 Jesus megeloum 12 an iñal go gigin na diaug, ago ibol irupidai, “Jerusalem na tau da. Ru fidian a profet adi gubak mi Tamol Nanun niñen o digire yan nuñon ilasa wa.

32 Iñ gob adi banid lo digane wa. Agop kukok an diganep, naon dufute dupei dop, tinin fo dulusu isudap, rasau nam dufuni nap, aigim fo dubalip imat a.

33 Ago digane wak man, nal utol itout gup, Anut ifufunip afon kumaen imasa da wa.”

34 Gug iñanen megeloum ru a ibol an fun ta dulon na ya. Ru an fun mok mianuk lo yen. Ago dugo Jesus ata niñen o ibol an fun mok diñaonj a.

Jesus tamol malan itau ak ikubune ya

Mat 20:29-34; Mak 10:46-52

35 Jesus Jeriko sumeik ipani dugo, tamol ta malan itau ak dal gigin te igod dugo imado.

36 Saen tamolpein diriñani dugo sad liliñan ilonj man, isumianai, “An ata mel ilasa dak i?”

³⁷ Ago dugo durupei, “Jesus, Nasaret tamol, amaiak yau da.”

³⁸ Ago tag tamol an iwagin, “O Jesus, Dawid Nanun, ilo imuṅanag!”

³⁹ Agog tamolpein a Jesus naon na imug diau dan dububuṅanig durupei, “Awa itaup tokubol pe mado!” Ago tag tamol an nen maeg nam iwagin dugo isasai, “O Dawid Nanun, ilo imuṅanag!”

⁴⁰ Ago tag Jesus ipartuanig mala itau an diṅane dupalu wo irupidai. Saen tamol an siṅiren na ipalu man, Jesus isumiani,

⁴¹ “Dugo ṅiginio wo ilo ibol di?”

“O Tubun en, ṅai aban ṅile wo ilog ibol da.”

⁴² Ago tag Jesus ibol, “Aban ule. Oṅane ilo rumok ikubunio ya.”

⁴³ Ago ibol dugo tamol an aban ile kisaek oṅ a. Agog Jesus ṅien aban iri dugo Anut yaṅan yabisag yau a. Saen tamolpein an fidian ago dile man, in dam Anut yaṅan diabisa ya.

19

Jesus in Sakias da

¹ Jesus Jeriko taun ilon lo iladug yau dugo,

² takis ṅilaṅal tamol gurman ta filian anda yak ante imado. In yaṅan Sakias.

³ Tamol an Jesus naon tinin ile wo yaes tubun mi ifuni. In tamol katukan, agod tamolpein wei kasik an lo in Jesus ile san tia ya.

⁴ Ago tag imaspalug, inug yaug ai gurab ta yaṅan sikamor dubol dan isag, Jesus ile wo malan idu dugo imado, man dugo, Jesus dal an irig ipalu se ya.

⁵ Saen Jesus ai an fun na ilasa man, malan isudag Sakias ile tag irupei, “Sakias, ririan udu. Nai gamu onj da onsa ab lo tumado wa.”

⁶ Ago tag Sakias ririan idug ilon uyan isag Jesus malan ipareg, injaneg inſan ab lo diau.

⁷ Tamolpein ago dile yan fidian ilod saian go fun diganeg duŋurŋur go dubol, “Inj aupasek tamol san ab lo ida diau a.”

⁸ Ak man ab log Sakias imasag Tubun en irupei, “Tubun en, ulonj. Naisag filiang njarpalep, wadan tamolpein mel ad tia yak njudinai a. Taida mi, tamol njarawai dugo sad na ngam na yan, injaned melmel ngam na yan naon ago mi njutumanip, malan iwoiwo njudinai a.”

⁹ Ago tag Jesus ibol, “Gamu ab en san muroun Anut san patu pasek inane ya. Man dugo, tamol en dam Abraham malan kubulan ta.

¹⁰ Tamol Nanun tamolpein dideg diau la yan abanad ilep patud ipasip injal o ipalu ya.”

Moni san ru faŋan

Mat 25:14-30

¹¹ Jesus Jerusalem sumeik ipani dugo, tamolpein ilod lo Anut san kagin panek kuai isi wo sumeik ago dubol. Jesus inſad kinj ilasa wo dak ilod isou se ya, ak man inj kinj ilasa wak san saen gamugo an ninen o ru faŋan en ibol irupidai,

¹² “Tamol ta yanjan anda yak kinj ilasa wo panu asau ak lo yau. Onte inj kinj digane gup fon imul pe sen naon na ipalu wa.

¹³ Yau o dugo inanen urat pinein 10 igiaig dupalug, 20 kina anen anen ipidinai dugo irupidai, ‘Moni en anjanep urat apani yau dop naji namul a.’

14 “Gug tamolpein a murnap inſan kagin panek paen na dumado wan, inſ dile saian go dumado ya. Ago yak ninen o tamol an yau dugo patun fo ru digane yaug dubol, ‘Manſ tamol en maſsama kiſ ilasa wo man mamoi a.’

15 “Ago bo man tamol an kiſ ilasa ya, agog fon imul inſinanen na yau. Gamu nam urat pinein a moni ipidinai an igiaig naon na dupalu ya. Moni subuſan taidam sapita diſane yan ilonſ o isumi-anai.

16 “Urat pinein a malmalan ipalu yan ibol, ‘Tubun en, onſ ſai 20 kina panag an lo didaenſ urat ſiganeg, onſane 200 kina subuſan taidam ſiſane ya.’

17 “Kiſ an irupeig ibol, ‘Onſ urat tamol uyanan mok a, onſane urat kagin pani uyanan a. Onſ biabi kitik e bani lo ſigane emaiak kagin pani uyanan a, amaiak ninen o taun 10 bani lo ſidiri da, gamu inſad tirnek tamol lasa wa.’

18 “Agog urat pinein neinta ipalug ibol, ‘Tubun en, onſ ſai 20 kina panag an lo didaenſ urat ſiganeg, onſane 100 kina subuſan taidam ſiſane ya.’

19 “Agog inſanen tamol tubun en pinein an irupeig ibol, ‘Onſ taun 5 bani lo ſidiri da, gamu inſad tirnek tamol lasa wa.’

20 “Agog pinein tinin te ipalug ibol, ‘Tubun en, onſane 20 kina ebo ya. ſai yamel kilaken lo ſuminamig yen a.’

21 ſai onſ o ſarar. Man dugo, onſ tamol silei a. Onſ abi san urat tamol sad silali naon ſane da.’

22 “Ago tag ru naon irupeig ibol, ‘Onſ urat pinein saia geig a. ſai onſigane ru ubol an nam ſukubianop ſile wa. Onſ ulonſ ak, ſai abi san urat tamol sad silali naon ſiſane da.’

²³ Fun an niŋen o ŋaineg moni an moni ab san urat tamol pani ak man, inŋ ka urat ipani wa, an lo saen ŋai ŋamul dop moni an san tim an da ŋiŋane wa. Ata wo oŋ ago ta gane na yak i?’

²⁴ “Agog kiŋ an idaŋsag tamol a siŋiren na dutur dan irupidai, ‘Tamol en san na 20 kina aŋanep urat pinein a 200 kina aman da yan apani.’

²⁵ “Agog tamol a ru an duloŋ an durupe, ‘Tubun en, tamol an moni idaisuda mi yabi da, 200 kina aman da la ya!’

²⁶ “Ak gug kiŋ an ru naon igo ibol go irupidai, ‘Talpein enti inŋ da yan, ŋai suguan taidam ŋupanip an lo inŋ idaisuda wa. Ak man, enti inŋ tinin lo tia agod, gidad inŋ kitek da bo man, inŋsan melmel an banin lo dupasi itout a.

²⁷ Aria, ŋaisag ager adi ensauta a ŋai inŋsad kiŋ ŋilasa san o dumoi an, aŋal dida apalup, ŋai naog na afup dumat a.’ ”

*Jesus kiŋ igo woŋ Jerusalem na iladu ya
Mat 21:1-11; Mak 11:1-11; Jon 12:12-19*

²⁸ Jesus ru an ibol itout go imug Jerusalem na yau.

²⁹ Did Oliv fo itor go panu uraru yaŋadi Betfage inŋ Betani da sumeik dugo, inŋanen megeloum nuŋod urarum idinaig naon na dumug diau a. Ago dugo ru kagin igo irupidai,

³⁰ “Aŋ nuŋom urarum panu o tile dan ante au a. Aup doŋki nanun ta dususeg itur dak ante ale wa, talpein ta gubak mi fufo imasi man tia ya. Doŋki nanun an kam apasip aŋanep ŋaisag na apalu.

³¹ Tamol ta ru aman da dop, aŋ igo arupe, ‘Tubun ak urat ipani wo da.’ ”

³² Agog diaug melmel fidian Jesus ibol ago mi dile ya.

³³ Saen donki nanun an san kam dusupasi dugo, muroun ipalug isumianai, “Ata wo donki nanun en apasi dak i?”

³⁴ Ago dugo ru naon durupei, “Tubun ak urat ipani wo da.”

³⁵ Agog donki nanun an dijaneg, Jesus san na dupalu ya. Agog donki nanun an patun fufo kulos duruwarig, Jesus dubunawig fo isudag imasig diau a.

³⁶ Jesus dal na yau dugo tamolpein malan tubun geig an injsiganed kulos milae milae ak dupasi dugo dal te duruwari se ya.

³⁷ Saen Jesus Jerusalem sumeik ipani dugo Did Oliv fo dal nok idu an lo injanen megeloum malan tubun, fun diganeg yousai lo Anut yanjan diabisa dugo mugurun dupani se ya. Man dugo, in kulob girager wei kasik a Jesus gubak mi igane se yan dile ya.

³⁸ In igo dubol,
“Kin e Anut yanjan lo ipalu den bar injane ya!
Kumaen panu na maror yen. O Anut per lak na geig ak per mupano da!”

³⁹ Agog tamolpein an lulunad lo Farisi aenta dutor dan ru an dulon dugo dumasa saian go Jesus dupei, “Girek manau, onsa megeloum pidaip awad itau!”

⁴⁰ Gug Jesus ru naon igo irupidai, “Nai njurupaian da. In dutokubol san tia ya. In awad itau tap, pat e dien dan naod dijanep per dupanag a!”

Jesus Jerusalem ninjen o itata ya

⁴¹ Saen Jesus Jerusalem sumeik ipanig ile man, ilon tubun mi muruan go malan turon idug,

⁴² igo ibol, “On saen en lo mi maror san dal ulon ak man, muruan a onsa na ipalu dan ta ilasa na wa. Ak man gamu dal an imianuk go on ule san tia ya.

⁴³ Onsa saen ipalu wa. Ager adi dubuluwop on girane ananae mi lo dupalup, tan dufutip onsa sep giranen na dutumanip lo diladu san dal digane wa. Gigin fidian lo dupalup dubuluwop dupino wa.

⁴⁴ In dufunop daon dupano wa, agod tamolpein a onsa sep ilon lo dumado dan dufu yaup fidian dumat a. Onsa pat ta kisaek o lian pat sen ak tinin fufo na ta yen na wa, tia, onsa pat fidian dugufututep diabibol tan na dudu wa. Fun dugo, on saen a ate Anut njai tinig lo onsa na ipalu yan ta ule ulon na ya.”

Jesus tempel lo dadeñ tamol irubai a

Mat 21:12-17; Mak 11:15-19; Jon 2:13-22

⁴⁵ Jesus tempel san ar ilon lo iladug, aben ante didaen tamol fidian ikudaig patun fo dilasa ya.

⁴⁶ In igo ipidai, “Anut san buk lo ru en digire ya, ‘Naineg ab man gudanek san ago dubol a,’ ak man an agane ilasag ‘gumagam adi sad mianuk ab’ igo agane da.”

⁴⁷ Nal fidian Jesus tempel san ar lo iladug tamolpein manau ipitenanai se ya. Ago dugo pris gurman adi, kubiaen san girek manau, agod tamolpein sad gurman dufuni imat o dal aban diabi wo digane se ya.

⁴⁸ Ak man in dufuni imat san dal ta dile man tia ya. Man dugo, tamolpein fidian in san ru dulon o

tubun mi dumat. Inŝan ru samukan ta irinŝanai san man dumoi.

20

Jesus san urat niŝen o dusumiani a

Mat 21:23-27; Mak 11:27-33

¹ Nal ta Jesus tempel lo tamolpein naod na Anut san ru ifulale dugo maŝau ipiteŝanai se ya. Agog pris gurman adi, kubiaeŝ san girek maŝau, agod matu gurman aenta dida dupalug Jesus dusumi-anig dubol,

² “Oŝ rupaiaama. Oŝ enti san dabai lo melmel en gane dak i? Enti mok dabai en ipanog ate urat en gane dak i?”

³ In ru naon igo irupidai, “Ťai dam mel ta niŝen o űsumianaŝ o da. Arupaiaag,

⁴ Jon san suguek man, dugon te kagin an iŝane yak i? An kumaen panu san mel, tia, tamol sad mi ak i?”

⁵ Agog inŝed nug lo igo diŝiŝeŝ se ya. “En kumaen panu san mel, ago tabol tap, in igo ibol isumianad a, ‘En ata wo aŝ in niŝen o ilom ta rumok na yak i?’

⁶ Ak gug ‘En man tamol sad mel mi a,’ ago tabol tap, tamolpein malan tubun en pat nam dufunad a. Man dugo, inŝad ilo sou lo man Jon mi in profet, ago dubol da.”

⁷ Ago yak niŝen o Jesus ru naon durupeig dubol, “Enti mok dabai an ipani an maŝ ta malon na ya.”

⁸ Ago tag Jesus ibol, “Ago yak niŝen o űai dam enti mok dabai en ipanag go ate melmel e űigane den, ta űurupaiaŝ na wa.”

Abi san kagin panek adi sad ru fañan

Mat 21:33-46; Mak 12:1-12

⁹ Agog Jesus awan ibateg tamolpein ru fañan en irupidai, “Tamol ta abi yabig lo ai wain patun ipae. Agog tamol an inñsan fun panu ibiseig asau mi yau o tag, abi an tamol sen ak ta banid lo kagin dupani wo igane ya. Agog panu ibiseig yaug saen milaen mok itor na ya.

¹⁰ Agog saen wain nuñon disini wo dugo, abi taman inñsan urat pinein ta inñsinanen panu fun lo idinig yaug, inñanen n̄tun dupanip isini ipalu wo ibol. Ak man abi titianek adi inñsan urat pinein dufunig banin kawan didinig imul yau.

¹¹ Ago tag urat pinein sen ta idinig yau. Agog urat pinein an dam dufunig isudag miai dupani nag banin kawan didinig imul yau.

¹² Ago tag afon urat pinein ta idinig yau, gug urat pinein an dam madaí dupanig dubal abi patun fo ilasa ya.

¹³ “Ago tag abi taman igo ibol, ‘Dugo n̄igane wak i? Gidad n̄aisiganeg nanug mok niñen o tubun mi n̄amat dan n̄idinip yau a. Nap in̄ awan diabi ak boi.’

¹⁴ “Ak man saen abi titianek adi inñanen nanun dile tag dubol, ‘An abi taman amaiak nanun ak niñen tufuni imat dop, inñsan furan id tiñane wa!’

¹⁵ Ago tag diabig, ar patun fo dubal ilasag, dufunig imat a.

“Ago yan lo abi taman an, titianek tamol adi an dugo mok iginiai ak i?

¹⁶ Abi taman sen yaup tamol an ifu dumat dop, abi an tamol sen ak banid lo iganep kagin dupani wa.”

Tamolpein a ru an duloñ an dubol, “Ago tia!”

17 Agog Jesus malan ti ibol go tamolpein an leil ipidinai dugo isumianai, “Ru e Anut san buk lo digire en fun dugo wonj ak i?”

‘Pat nek a ab bek tamol adi dumoi dan,
nek amaiak ab tinin fidian yabi sakar da.’

18 Talpein ta inj pat en fo na yau idu dop man, sen ifuni ititale wa. Ak gug talpein ta pat en kabunjan fufo idu tap, ifufari idu wa.”

19 Saen pris tutubu agod Farisi adi, Jesus ru fañan a ibol se yan dulonj man, Jesus ririan diabi wo maeg diganeg dal abanj dile se ya. Man dugo, inj dulonj uyanan ak Jesus injanen ru lo inj isiai se ya. Ak man tamolpein malan tubun ak ninjedi wo direr a, an lo ta diabi na ya.

Kaisa san takis njlanjal

Mat 22:15-22; Mak 12:13-17

20 Ago tag inj nal fidian Jesus leil dupani uyanan se ya. Inj leil tamol ta didinaig Jesus san na dupalu. Inj tamol nunon manonj, ak gug Jesus san ru lo diabi wo malad digane se ya. Inj nudun dusuep sumianek dupanip, ru ta ibol saian dop gabman banin lo digane wo dal an digane.

21 Agog leil tamol an Jesus dusumiani, “Girek manjau, manj malonj, onja ru ubol dugo piteñanama dan fidian rumok a. Onj tamol yanjad anda yak ninjedi wo ta urut na da. Tia, onj Anut san dal mi tamolpein fidian manjau piteñanai da. Gidad yanjad da yak, agod yanjad tia yak dam mi a.

22 Ak dugo, Kaisa takis moni tupani wan uyan ak i? Tia, saian ak i? Onj dugo ilo isou dak i?”

23 Gug Jesus inj dirawi wo digane dan ilonj tag irupidai,

24 “Moni patun ta akubiaip ñile gup. Mitilaen agod yanjak e fufo digire yan enti san ak i?”

25 Agog in dubol, “Kaisa san.”

An ninen o irupidai, “Mago tap, mel a Kaisa san an Kaisa apani. Agod mel a Anut san an Anut apani.”

26 In malak malak mel ta lo dirawi dop diabi san tia ya. Insan ru naon ago dulon go durut saian tag awad itau.

*Sadyusi Jesus diabi wo bitinaek lo digane ya
Mat 22:23-33; Mak 12:18-27*

27 Sadyusi aenta Jesus san na dupalu. (Insad ilo rumok lo ago dubol da: Tamolpein dumat dop, fon ñtud kumaen dumasa san tia ya.)

28 In Jesus ago dusumiani, “Girek manau, Moses wagam mi kubiaen igo igire panad a, “Tamol ta in iwon da gug nanuk ad tia dumado yau nap, tamol ak imat. Ago tap tamol an tein bakan ak fon pein an inane, tein matu an insan nanuk idirsi wa.’

29 Aria, id lulunad lo tamol ta in nanun 7. Matu ak pein inane gug nanuk ad tia dumado dugo tamol an imat.

30 Ago tag tein bakan an fon tein san pein an inane gug tamol an dam imat.

31 Tein a tinin te yan dam nek ago mi a. Agog tamol 7 an tet mi nanuk tiag, dumat pasik.

32 Murnag pein an dam imat. Tamol 7 an ago mi tet mi pein kisaek an mi diñane ya.

33 Ak ninen o, dugo, mitep saen tamolpein fidian dumat an kumaed dumasa dop, pein an tamol dugon mi ida dumado wak i?”

³⁴ Ago tag Jesus ru naon irupidai, “Pein tamol saen en san nug diñane da, agod tamol adi ñiedi dupidinai da.

³⁵ Ak gug tamolpein ensauta a Anut malan lo saen murna san ak lo diladu san, agod matej lo fon kumaen dumasa san, in idaisuda yan, aben ante nug ta diñane na wa, ago dop tamol adi pein ñiedi ta dupidinai na wa.

³⁶ Inj ibol enel adi on, an lo fon dumat san tia ya. Inj Anut nanun muroun. Man dugo, inj matej log fon kumaen dumasag dumado da.

³⁷ Moses dam kuai tem ikubiai panañ, tamolpein a dumat an fon kumaen dumasa da wa. Man ata wo? Ai nanunan yai inani an san sai lo, Moses Anut niñen o igo ibol, ‘Abraham, Aisak, Jakob sad Anut.’

³⁸ Anut man inj tamol a matej lo dumado dan sad Anut tia ya. Tia, inj man tamol kumaed dumado dak sadi a. Man ata wo? Inj malan lo tamolpein fidian kumaed dumado da.”

³⁹ Ago dugo kubiaen san girek mañau aenta Jesus ibol ago dulon go durupeig dubol, “Ru naon uyanan mok, girek mañau!”

⁴⁰ An lo gug Jesus sumiaen subunjan taidam dusumiani wan niñen o direr se ya.

Kristus inj enti nanun ak i?

Mat 22:41-46; Mak 12:35-37

⁴¹ Agog Jesus isumianai, “En dugo won go tamolpein Kristus inj Dawid nanun dubol dak i?”

⁴² Dawid inñen Isrel bar san buk lo igo ibol,
‘Tubun en ñaisag Tubun ak igo irupeï,
“Onj ñai tuog won ak ate masip yaup,

- 43 murna gup ηai oηsa ager adi ηidiraip,
 oη ηie pae na dumado dop ηie nam partuanai
 a.”
- 44 Dawid iηsen mi iη Tubun ak ago ibol tap, en dugo
 woη pe iη Dawid nanun ak i?”

Kubiaeη san girek maηau sad aupasek

Mat 23:1-36; Mak 12:38-40; Luk 11:37-54

45 Tamolpein fidian duloη dugo, Jesus iηsan
 megeloum ru kagin igo irupidaig ibol,

46 “Kubiaeη san girek maηau niηedi wo kagin
 agane. Iη kulos milmilae ak didiri duman, tamol
 dil o digane da. Didaeη aben lo tamolpein ‘adian’
 dupidinai ak niηen o tubun mi dumat da. Iη ubou
 ab lo kalik malan te yak niηen o dumat da, agod
 soubul lo dam nek ago mi a.

47 Iη pein suos sad ab digam da, agod gudanek
 milaeη kasik, tamolpein diliai o digane da. Ama-
 iak niηen o tamol naok ago yan naon a diηane wan
 nen tubun mi ilasa wa.”

21

Pein suos san lou panek tusan

Mak 12:41-44

1 Jesus tempel lo imado dugo malan yaug, tamol
 filiad anda yak tempel ilon lo kolekta san kunup
 lo moni digane dugo yil a.

2 Agog pein suos biouη tia yak iη dam ipalug pat
 bras uraru mi kunup lo ibal a. Moni an naon man
 tusan mok.

3 Ago tag Jesus ibol, “ηai rumok ηurupaiaη da.
 Pein suos an moni kolekta igane yan kolekta a
 tamol filiad anda yak digane yan fidian iriηanai a.

4 Man dugo, fidian in̄ filiad anda yak gug kabelan mi kolekta digane dugo in̄aned fidian mi yen da. Gug pein suos an sen aben ipitig fidian kolekta lo igane ya.”

Saen e lo tumado den itout san kob

Mat 24:1-14; Mak 13:1-13

5 In̄anen megeloum aenta tempel san pat uyan uyan ak, agod melmel Anut lou dupani na yan nam damag dupani an nin̄en o din̄in̄en̄ tag Jesus ibol,

6 “Mel fidian ale dan man, saen ipalu dop, lo pat ta pat sen ta tinin fufo ta yen na wa. Tempel san pat fidian dugufututep diabibol tan na dudu wa.”

7 Ago tag dusumiani, “Girek mañau, saen dugon lo dop mel an ilasa wak i? Mitep ata kob mile dop ate malon̄ ak saen an ipalu wo sumeik di?”

8 In̄ ru naon irupidaig ibol, “An̄ kagin agane. In̄ an̄ dirawan̄ banau. Man dugo, mitep tamol wei mok ñai yan̄ag lo dupalup dubol, ‘Nai tamol nek ama ya,’ ago dop dam dubol, ‘Saen a ate ipalu wan sumeik ipanad da.’ Ago dop in̄sad sewak an ta ari na wa.

9 An̄ yu ager alon̄ ak, agod ru tim yu ager sensen yau on̄ an dam alon̄ a. An̄ arer amoi. Man dugo, mel naok an imug ilasa wa, ak gug nal wadan san saen man gamugo da.”

10 Go in̄ afon ru ibateg ibol, “Tamol malan ta yu diabisa dop, tamol malan ta yu naon in̄sad na digane imul a. Ago dop kin̄ ta in̄san tamolpein dida yu diabisap, kin̄ sen ak ta in̄anen tamolpein dida nug dufuni wa.

11 Aben sensen lo man, kanaurig tutubu yak wei mi ilasa dop, kadag tubun mi idu wa. Subam

tubun mi aben sensen lo ilasa wa. Ago dop kulob arer san wei mi dilasap, keit lo kob tutubu yak dilasa dop diganep arer a.

¹² “Ak man memel an fidian gamugo ilasa dop, ηai ninjeg o aη dibian pe, madai in muruan da dupanan a. ηai yanag o Juda sad ubou ab lo Juda gurman adi naod na diηiliaη aup, kot dupanan dop subanek ab lo diginiaη a. Kin in gabman gurman aenta naod na dam kot lo atur a.

¹³ Saen an lo dop inaned naod na ananem ilo rumok ηai lo abol ilasa wa.

¹⁴ Saen gamugo naod na alasa dop, ata ru arup-idaip an lo sem ipiranan san ninjen o ilom ta wei-wei na wa.

¹⁵ Man dugo, ηai aη ru abol san kankan milaen ak ηupanan a. An lo dop an sam ager adi in ru abol an in naon dubol san tia wa, ago dop in dam an awam lo dupirgini san tia wa.

¹⁶ Tinam tamam, teim taom, ananem dar, agod turam muroum dam ager adi banid lo diginiaη pe, aη aenta dufunan amat a.

¹⁷ Tamolpein fidian ηai yanag o aη dilian saian dop aη lo siai digane wa.

¹⁸ Ak gug gurmam roun ta kisaek ideg yau san tia ya.

¹⁹ Tia, aη atur dabai dop muruan fidian asini dan lo mi, kumaen pempem yen yau san anane wa.”

Mitep Jerusalem daon dupani wa

Mat 24:15-21; Mak 13:14-19

²⁰ “Mitep yu tamol adi dutumanip Jerusalem ditiliani dop eil a. Ago ale dop alon ak, Jerusalem daon dupani san saen sumeik da.

²¹ Saen an lo dop, tamolpein Judea na dumado dan disol pe, diaup, did luluᵇad lo sed imianai a. Ago dop, tamolpein a Jerusalem ilon lo dumado dan ririan patun fo dilasap dusol diau a, agod a Jerusalem patun fo dumado dan inᵇ afon ilon lo ta mok diladu na wa.

²² Man dugo, nal nek an lo, Anut Jerusalem tamolpein sad aupasek naon ipidinai a. An lo dop ai wadan a Anut san buk lo digire yan fidian nuᵇon ilasa wa.

²³ O kabel, nal en san pein luam anda yak, agod anᵇ pein ananem nanuk su apidinai dan dam, ᵇai ilog tubun mi imuᵇanaᵇ da! Muruan tubun geig tan en lo ilasa dop, tamolpein ente dumado den Anut san tinᵇae mumarek dile wa.

²⁴ Aenta ager adi sabiri nam dufu dumat a. Aenta inᵇsad ager adi diᵇal pe, subanek tamol dilasap tan asau mi sensen lo diaup ante dumado wa. Agop gob adi Jerusalem diᵇanep dipartitale dop yaup nal a lo gob adi sad saen itout san nal an idaisuda wa.

Jesus imul san nal

Mat 24:29-31; Mak 13:24-27

²⁵ “Saen wadan sumeik dop, ad, kalam, patui lo kob funfun ilasa wa. Tan na tamolpein fidian tubun kasik direr dop ilod weiwei a. Man dugo, beig ibalsini dop tamun dam san liliᵇan tubun kasik a.

²⁶ Tamolpein fidian ata mel mok tan en lo ilasa wo sumeik dan niᵇen o yaes tubun mi ifu dop, tinid irer dop, rirek lo malad itilianip dudu wa. Man dugo, Anut mel fidian keit lo yak imiriranai a.

²⁷ Saen an lo dop, in fidian Tamol Nanun keit lo timtaen titinjaem kuai te ilasa dop, dabai agod girager tubun geig ak da ipalu dan, dile wa.

²⁸ Saen memel an ago fun diganep dilasa dop, amasap mala nouk lo malam lak na isuda wa. Man dugo, Anut injilian san saen sumeik mok ipalu da.”

Gurab san ru fajan

Mat 24:32-35; Mak 13:28-31

²⁹ Agog Jesus ru fajan en irupidai,

³⁰ “Ai gurab in ai aenta dam ilom isou. Saen ai roud wagam ak idu dop, foun ak ifurnani dan ale dop, alon ak, ui san saen sumeik a.

³¹ Nek ago mi memel an dilasap eil dop alon ak, Anut san kagin panek ipalu o da.

³² “Nai rumok jurupaian da, warou gamu en san tamolpein gamugo itout yau dop memel en fidian dilasa wa.

³³ Rumok geig, keit in tan da murnap itout a, ak gug niasag ru man ta itout na wa.

³⁴ “Ago yak ninen o kagin agane! Tamol Nanun ipalu wak san nal ta alon na ya. Ak ninen o subul san kankan tubun mi agane amoi. You sakar ak tubun mi aluk amoi. Agod tan en san mala bulbal lo mi amado amoi. Kabelan anaon dop nal an idu kisaek on banau.

³⁵ Nal an tamolpein a fidian tan tilianek aten fo dumado dan lo ilasa wa, in dinaon dop nal an idu wa, ago dop nal an san muruan ninen o disol diau san tia ya.

³⁶ Ago yak ninen o an pempem nal an atitiani dop aban ale wo uyanan a. Ago dop an pempem

Anut agudani dop lo, muruan a fidian dilasa wan niñen o ka asol aup, Tamol Nanun naon na atur a.”

³⁷ Nal anen anen atem Jesus tempel san ar ilon lo tamolpein mañau ipiteñanai se ya, agog gurai idug bubun a Did Oliv dubol dan fo yaug ante ñion yabi se ya.

³⁸ Tamolpein fidian tidom lom mok inñsan ru duloñ o tempel lo diau na ya.

22

Judas Jesus ager banid lo igane ya

Mat 26:1-5,14-16; Mak 14:1-2,10-11; Jon 11:45-

53

¹ Bret yis an tia yak san soubul, yañan Pasova, san saen sumeik.

² Saen an lo pris gurman adi inñ kubiaen san girek mañau dida tamolpein niñedi wo direr ak niñen o pasak nam Jesus dufunip imat o palañ an dumari a.

³ Agog Judas yañan neinta Iskeriot dubol dan, Satan ilon lo idu ya. Inñ dam Jesus san megeloum 12 amaiak sad kisaek ta.

⁴ Agog Judas yaug, pris gurman adi inñ tempel san titianek tamol sad gurman adi dida diñiñen go dal dugon lo Jesus banid lo igane wan ibol duloñ.

⁵ Agog pris gurman adi ilod tubun mi uyan go Judas moni dupani wak dubol.

⁶ Judas awad yabi tag tamolpein malad patun fo Jesus ager banid lo igane san dal abañ yabi se ya.

Jesus inñanen megeloum dida Pasova san anañ diani a

Mat 26:17-25; Mak 14:12-21; Jon 13:21-30

⁷ Bret yis an tia yak diani san saen idu dugo, sipsip nanun Pasova san saen lo diani san dufu idu.

⁸ Agog Jesus Pita in Jon da idinaig, ru kagin en irupidai, “Aup, idsad Pasova san anan akubune.”

⁹ Ago tag dusumiani, “Dugot na mok anan mukubune wo ubol di?”

¹⁰ Agog in irupidai, “Saen an Jerusalem ilon lo aladu dop, tamol ta you isiri ak isini yau dan ale wa. Njen aban arip, ab dugon lo isuda tap,

¹¹ ab an taman asumianip arupe: ‘Girek manau igo ibol, galun dugon lo naineg megeloum dida mansama Pasova anan an mani wak i?’

¹² Ago dop galun tubun ak ta lak na yak ikubiai panan a. An atna melmel fidian akubune.”

¹³ Tamol uraru an diaug, mel fidian Jesus ibol ago mi dile ya. Ago tag galun ante Pasova san anan dukubune se ya.

*Jesus in bret wain da inaneg megeloum ipidinai a
Mat 26:26-30; Mak 14:22-26; 1Kor 11:23-25*

¹⁴ Anan diani san saen idu dugo Jesus tebol sinjiren na inanen megeloum dida dumasi.

¹⁵ Agog irupidai, “Nai gamugo muruan nisini dop an da Pasova san anan en tani wo ilog tubun mi yen da.

¹⁶ Man dugo, nai nurupaian da, nai fon an da Pasova ta tani na dop yaup, Anut san kagin panek aben lo, mel a Pasova naon inane wan san nunon ilasa wa.”

¹⁷ Agog Jesus gab wain anda yan inaneg, Anut ilo uyan ipanig ibol, “En ananep ansem nug lo awae.

18 Man dugo ηai ηrupaianη da, ηai fon ai wain nuηon san you man ta ηaluk na dop yaup, Anut san kagin panek ipalu gup, fon ηaluk da wa.”

19 Ago ibol itout go bret inaneg, Anut ilo uyan ipanig yafuteg, ipidinai dugo ibol, “Bret en ηaineg tinig, ηai anη niηemi wo ηiganeg idu ya. Anη ago agane dop ηai ilom isou.”

20 Nek ago mi ananη diani itout go, gab inane yabig igo ibol, “Gab en man kontrak foun ηaisag dar lo ya. Dar en anη niηemi wo ηaineg tinig lo yak ilasa wa.

21 Gug alonη. Anη luluηam lo tamol ta ηai ager banid lo iginiag an banin, ηai banig da tebol en fo dien da.

22 Tamol Nanun imat a, nek ibol Anut mi inη niηen o ibol ak ago mi inη lo ilasa wa. Ak gug tamol enti a Tamol Nanun iganep inanen ager adi sad tuod lo ilasa wan, rumok inη muruan tubun kasik ak ile wa!”

23 Agog inηsed nug dusumiani, “Enti mok ago Jesus lo igane wak i?”

Enti inη malan te ya

Mat 20:25-27; Mak 10:42-44

24 Agog megeloum inηsed inηsed mi enti mitep inη yanηan malan te yen ak niηen o nug diabi didiri se ya.

25 Jesus ago ilonη tag irupidai, “Gob adi luluηad lo inaned kiη adi sed idiraip lak na mok disuda dop tamolpein ditirnai o digane wa. Agod tamolpein sad tamol tutubu yan, inηsed tamolpein sad binawek tamol ago dubol da.

26 Gug anη man dal ago tia ya. ηai ηrupaianη da, luluηam lo ta inη tubun imado wak tap, sen irae

imul pe murna imado wa. Ago dugo ta in gurman imado tap, in ibol urat pinein on ilasa wa.

²⁷ Ago yak ninen o enti in tubun ak i? Tamol a tebol sinjiren na imasig anan yani dan, agod biabi njalan tamol enti tamol an anan ipani dan, luluᅇad lo enti malan te imado di? An aloᅇ ak, tamol a tebol sinjiren na imasig anan yani dan malan te ya. Aria, ᅇai an luluᅇam lo ᅇupalug biabi njalan tamol igo won ᅇilasag ᅇumado da. ᅇai mi ananem tutuᅇanek tamol ᅇumado da.

²⁸ An ᅇai ta abisawag na ya, tia, muruan a fidian ᅇisini se yan lo an ᅇai da sisem tatur kisaek a.

²⁹ Ago tag nek ibol ᅇaineg Tamag inᅇsan tamolpein ᅇitirnai san dabai ipanag ak igo, ᅇai dam dabai ᅇupanan a, an lo dop ᅇaisag tamolpein atirnai a.

³⁰ Ago dop ᅇaineg kagin panek aben lo, an ᅇai da ᅇaineg badim fo tumasip tani taluk a. Ago dop an anen anen tulek tamol alasap, kin san kalik fo amasip, Isrel sad gugoi 12 an akubianaip eil a.”

Jesus Pita in ninen o itot ak o ibol a

Mat 26:31-35; Mak 14:27-31; Jon 13:36-38

³¹ Agog Jesus Pita irupei, “O Saimon, Satan an fidian ikibianan ile wo Anut isumiani la ya, agod Anut awok ipani a. Satan ilon man nek ibol wit dufufarig lo dukubiani uyanan dak igo an fidian naom ikubiani ile wo ibol.

³² Gug Saimon, ᅇaisag gadin lo onane ilo rumok ta idu geig na wak ago Bai ᅇusumiani a. Saen ᅇaisag na umul dop, onane tei inaned ilo rumok an dabai pani wa.”

³³ Agog Pita ibol, “Tubun en, ηai ta ηasuk ηamul na wa, tia, ηai on da sisem subanek ab lo taup, sisem tamat a.”

³⁴ Ago tag Jesus ru naon igo irupei, “O Pita, ηai rumok ηurupaio da, gamu tidom nek en lo kurek ta ibob na dop, saen utol on ηai ta ulon na yak ubol a.”

³⁵ Agog Jesus isumianai, “Saen ηai ηidinaη go, moni san badam, kitouk, sendal tia au dugo, mel ta lo katuk ami ak i?”

In ru naon durupei, “Man tia ya.”

³⁶ Agog Jesus irupidaig ibol, “Ak gug gamu man, an moni san badam am da tap, asini wa. Kitouk dam nek ago mi. Agod an sabiri am tia tap, ananem kulos didaen lo adirip moni ananep ate sabiri adad a.”

³⁷ Man dugo, ru e profet ta ηai niηeg o ago igire yen nuηon ilasa wa,

‘Tamolpein tamol an diηaneg tamol a digane saian dan lulunad lo digane ya. Nek ago mi tile ya.’
Rumok nuηon, ru a ηai niηeg o profet adi digire yan fidian gamu nuηon ilasa wo da.”

³⁸ Agog megeloum durupeig dubol, “Ule, Tubun en, sabiri uraru ebo ya.”

In ru naon irupidai, “An nek idaisuda mi a.”

Jesus Did Oliv fo igudani a

Mat 26:36-46; Mak 14:32-42

³⁹ Agog Jesus Jerusalem ibiseig, Did Oliv fo yau na yak ago mi fon yau dugo inanen megeloum nien fo diau a.

⁴⁰ Saen aben ante dilasa man, Jesus megeloum irupidai, “An Anut agudani dop, kubianek lo ta adu na wak o asumiani.”

41 Agog Jesus ibisawaig kitek asau mi yau gug turun isaluwig igudani,

42 “O naineg Bai, ilo ibol tap, gab en nai banig lo pasi wa. Ak gug on nai ilog ta uri na wa, tia, onsigane ilo mi uri wa.”

43 Agog enjel ta lak na idug Jesus dabai ipani.

44 Ilon muruan an lo tubun mok igudani dugo inŕsan silali an dar on naon tinin fo ilasag tan na idu se ya.

45 Igudanig itout man imasag, imul yaug inŕsan megeloum dien dugo yil. Megeloum an ilod tubun kasik muruan an lo tinid tuon tia ya.

46 Ago tag irupidaig isumianai, “An ata wo aen di? Amasap, agudani dop, kubianek lo ta adu na wak niŕen o Anut asumiani.”

Jesus diabi a

Mat 26:47-56; Mak 14:43-50; Jon 18:3-11

47 Jesus ago ibol se man, tamol malan tubun ak dupalug naon na dilasa. Megeloum 12 an luluŕad lo ta yaŕan Judas, in malan an imug go ipalu ya. In ilon yen dak Jesus musuk ipani wa. Ago tag yaug,

48 Jesus san na ilasa yak gug Jesus irupeŕi, “Judas, on musuk lo Tamol Nanun ager banid lo gane wo di?”

49 Agog megeloum a Jesus dida diau an, kaŕin dugo ilasa wo ago dile tag Jesus dusumiani, “Tubun en, ilo dugo ibol da, maŕsama sabiri nam mafu wak i?”

50 Agog luluŕad lo tamol kisaek sabiri ifug pris gurman san biabi niŕaŕal pinein kududon won ak isubari.

⁵¹ Ak man Jesus ibol, “Kagin an fon ta gane na wa.” Agog in tamol an kududon isupurig, kududon uyan isusa da ya.

⁵² Agog Jesus pris gurman adi, tempel san titianek tamol sad gurman, agod matu gurman aenta dida Jesus diabi wo dupalu yan isumianai, “Enta wo an sabiri in ai tok da asinig aliag pe abiag o apalu yak i? Ak dugo, nai wagai adi dida gabman mabi idu san gurman igo won an ago ilom isou di?”

⁵³ Nal fidian nai tempel aben lo numasi dugo tamolpein nipitenanai se ya, ak gug nai ta abiag na ya. Gug gamu en tidom tubun ak lo man ansam saen a, man dugo, tidom tubun san tuon man Satan.”

Pita Jesus ilon gug njen o itot a

Mat 26:57-58,69-75; Mak 14:53-54,66-72; Jon 18:12-18,25-27

⁵⁴ Agog Jesus diabig, pris malan te yak san ab lo dinane diau dugo Pita njied fo ipare murna dugo yau.

⁵⁵ Yai ab naon na dutunig, tamol tinid issue dugo Pita dam yang dida dumado se ya.

⁵⁶ Ago dugo urat pein ta ipalug, malan ti ibol go, Pita yai san lilaman lo imasig imado dan ile dugo ibol, “Tamol an dam Jesus da dutor na ya.”

⁵⁷ Agog Pita itot go ibol, “O pein, nai in ta nalon na ya.”

⁵⁸ Kitek taidag tamol ta Pita ile tag ibol, “On dam insad kisaek a.”

Gug Pita irupeig ibol, “O tamol, nai man tia mok a!”

⁵⁹ Murnag auwa kisaek igo dumado gug tamol taidam imasag ibol, “Rumok, tamol en in da dutor na ya. In dam Galili tamol a.”

⁶⁰ Ago dugo Pita ru naon irupei, “O tamol, nai on ata niñen o ubol dan ta ñalon na ya!” Ago ibol dugo awan fo kurek ibob.

⁶¹ Jesus idañsag, malan ti ibol go Pita ile. Agog Pita gamu nam Jesus san ru imug ibol an ilon isou, “Gamu kurek gamugo ibob dop, on saen utol nai niñeg o utot a.”

⁶² Agog Pita ilon itaug, kuai te ilasag tinan tubun mi igane se ya.

Jesus kukok an digane dugo dufuni a

Mat 26:67-68; Mak 14:65

⁶³ Tamol a Jesus diabi an kukok an digane dugo dufuni se ya.

⁶⁴ Malan yamel nam dufoug, dufuni dugo dusumiani, “On gamu profet ru ubol a, tamol e ifuno den enti ak i?”

⁶⁵ Ago dugo nao futek ru aenta wei mi nam dupei se ya.

Jesus diñaneg Juda kaunsil naod na kot dupani a

Mat 26:59-66; Mak 14:55-64; Jon 18:19-24

⁶⁶ Salso idug Juda sad gurman adi, kubiaen san girek mañau adi, agod pris gurman adi dida dutumanig Jesus dititianig dumado se ya. Agog Jesus diñaneg kaunsil an naod na dugunig itur a.

⁶⁷ Ago dugo durupeig dubol, “Ubol! On Kristus i? Rupaiamap malon a.”

Jesus ru naon irupidai, “Nai ñurupaian tap, an ilom lo ta rumok na wa.

⁶⁸ Agod sumianek n̄punan̄ tap, an̄ ru naon ta arupaiaḡ na wa.

⁶⁹ Gug saen gamu yau den, Tamol Nanun Anut a dabai fidian anda yan banin won ak lo imado wa.”

⁷⁰ Ago tag dusumiani, “Ak dugo, on̄ Anut nanun ak ubol di?”

In̄ ru naon irupidaig ibol, “Awo, nek an̄sem abol la ya.”

⁷¹ Agog dubol, “Gidad, tamol taidam, tamol en san kagin niñen o dubol ilasa san id ta tigiaḡ na wa. In̄sen awan lo in̄san muruan ibol go talon̄ la ya.”

23

Jesus Pailat naon na kot dupani a

Mat 27:1-2,11-14; Mak 15:1-5; Jon 18:28-38

¹ Agog kaunsil an fidian dumasag, Jesus diñaneg, gabman gurman Pailat dubol dan san na diau a.

² Pailat naon na dilasag kot diganeg, ru dusue ti ibol go dubol, “Mañ tamol en Isrel tamolpein ikubulai tag mabi a. Kaisa san takis ta didad na wak ibol. In̄ man Juda sad Kristus ibol, an niñen o in̄ mi kin̄ ibol da.”

³ Ago tag Pailat Jesus isumiani, “On̄ Juda sad kin̄ ak i?”

Agog Jesus ibol, “Awo, nek on̄se ubol la ya.”

⁴ Ago tag Pailat pris gurman adi, tamolpein malan tubun ak dida irupidai, “N̄ai tamol en san muruan ta lo naon n̄puni san n̄ile man tia ya.”

⁵ Ago bo man tamolpein ru dabai kasik dubol, “In̄ tamolpein ipiteñanai dugo bubed yabisap gabman da ager dumado wo igane da. Galili na fun iganeg, ipalug gamu etna ilasa ya.”

⁶ Pailat ru an ilon tag isumianai, “En in Galili tamoli?”

⁷ Jesus Galili tamol an ilon tag, idinai dugo dinaneg kin Herod san na diau. Man dugo, Herod in Galili kagin ipani da, an lo Jesus Herod paen na imado. Herod saen nek an lo Jerusalem na imado se ya.

⁸ Saen Herod Jesus ile man ilon tubun mi uyanan a. Man dugo, saen milaen in Jesus ile san ninen o ilon yen. In ilon man Jesus kulob girager ta igane dop ile wo ibol.

⁹ Aria, Herod sumianek funfun ipani se ya, ak gug Jesus ru naon irupe man tia ya.

¹⁰ Go pris gurman in kubiaen san girek manjau dida Herod naon na insad ru sewak an dusue ti ibol go Jesus maeg nam kot dupani se ya.

¹¹ Agog Herod agod insan yu tamol dida Jesus kukokan digane se ya. Kin dututanig yamel ta kin sadi on ak tinin fo diganeg Pailat san na fon dinane diau a.

¹² Imug Pailat in Herod da siai lo dumado na ya. Ak man nal nek an lo in nug turan dilasa ya.

Pailat Jesus aigim fo dubali wo ibol a

Mat 27:15-26; Mak 15:6-15; Jon 18:39-19:16

¹³ Pailat pris gurman, agod Juda tamolpein sad gurman adi dida igiaig dutumanig

¹⁴ Igo ibol irupidai, “An tamol en anane apalug abol, in tamolpein bubed yabisap gabman ida ager dumado wo igane da. An naom na tamol en nibitinaeg nile ak gug, muruan a ninen o abol dan fun ta nile man tia ya.

15 Herod dam nek ago mi ibitinae ile tag, fon iganeg idsad na ipalu ya. Tamol en mel ta igane saian pe lo maten̄ ile san tia ya.

16 Ago yak nin̄en o bu mi in̄ane gup n̄ibiseip yau a.”*

18 Agog in̄ fidian awad kisaek lo mi disasaig dubol, “Tamol an funi imat. Barabas pasi panamap man̄sama na imul!”

19 (Barabas man in̄ gabman san ager. In̄ Jerusalem ilon lo ager yabisag an lo tamol ta ifuni imat a. An nin̄en o diabig subanek ab lo diganeg imado.)

20 Pailat san ilon man, Jesus ibiseip yau o ibol da, ago tag tamolpein malan tubun an fon isumianai a.

21 Ak man in̄ fon duwagin̄ imul go dubol, “Aigim fo bali wa! Aigim fo bali wa!”

22 Ago tag Pailat afon ibol, “In̄ ata muruan ta igane yak nin̄en imat o abol di? N̄ai in̄san muruan ta n̄ile man tia ya. Ago yak nin̄en o n̄abol dop bu mi in̄anep n̄ibiseip yau a.”

23 Ago bo man in̄ tubun mi disasaig, Jesus aigim fo ibali wak dubol. Agog in̄sad sisein̄ an Pailat san ru yabi idu.

24 Ago tag Pailat in̄aned ru dubol an awad yabig awok ipidinai a.

25 In̄aned ilod ibol ago mi tamol in̄ gabman lo ager imadog tamol ta ifuni imat an subanek lo ipasi a. Agog ilod ibol dan ago mi digane wo Jesus banid lo igane ya.

* **23:16:** Boi 17 Grik lo tia ya.

Jesus aigim fo dubali a

Mat 27:32-44; Mak 15:21-32; Jon 19:17-27

²⁶ Agog Jesus diñane diau dugo dal na Sairini tamol ta yañan Saimon in Jerusalem na iladu wo dugo diabig Jesus san aigim an dupanig isinig njen fo yau.

²⁷ Tamolpein wei nuñon Jesus njen aban diri dugo, lulunad lo pein aenta Jesus njen o tubun mi ditata dugo tinañ aru digane se ya.

²⁸ Ago tag Jesus idañsag irupidai, “An Jerusalem pein, ñai niñeg o atata amoi. Tia, ansem niñemi wo mi tinañ aru agane wa, agod ananem nanuk niñedi wo dam mi a.

²⁹ Man dugo, mitep muruan tubun mok ipalu dop tamolpein dubol a, ‘Pein niganig, pein nanuk ad tia yan, agod pein a imug nanuk su ta dupidinai na yan dam gamu ilod uyanan a.’

³⁰ Saen an lo tamolpein dubol a, ‘Did adup, afunama mamat. Bubun adup, atuanama!’

³¹ Tamol gamu ai kumaen ak lo igo digane da. Ago tap, saen ai ikurnak geig ak lo, ata mel ilasa wak i?”

³²⁻³³ Tamol saiadi ak uraru dam Jesus ida diñal go diaug aben ta, yañan Kabuñ Tatu san aben dubol dak, ate dilasa ya. Aben ante Jesus tamol uraru an dida aigim fo dubalai a. Neinta tuon won ak lo dugo, neinta tuon ñas ak lo ya.

³⁴ Agog Jesus ibol, “Bai, inñsad aupasek en pare idu, man dugo, mel e digane den diñaon ak lo digane da.” Agog inñsan kulos duburoug, sed nug lo duwaeg lo satu dukok a.

³⁵ Tamolpein leil digane dugo dutur a, ago dugo Juda sad gurman adi Jesus kukokan digane dugo

dubol, “Inj aenta patud ipasi na ya. Ago yak ninen o, inj tamol a Anut ipiliani an, Anut san Kristus, an rumok tap, ka sen patun ipasi dop tile.”

³⁶ Yu tamol a dititiani dan sinjiren na dupalug kukokan digane se ya. Inj wain gigen geig ak wain uyan ak da dukubulig diabisag dubol, “Uluk.

³⁷ Onj rumok Juda sad kinj tap, se ibinawo!”

³⁸ Ru ta ai lapan fo digireg aigim kabuñan fufo na dubali a. Ru en san sutek lo man igo ya, “En Juda sad Kinj.”

³⁹ Agog tamol saiadi an kisaek imasag Jesus naon ifute ipeig ibol, “Onj Kristus. Ago tap, onse ibinawo dop, manj dam binawama!”

⁴⁰ Ak man turan imasag irupej, “Dugo, onj Anut ninen o ta urer na di? Id utol muruan naon kisaek mi tisini da.

⁴¹ Id man bo tisini wak fom tisini da. Man dugo, idsad kagin naok naok fom ai wadan en dupanad a. Gug tamol en man kulob ta igane saian man tia ya.”

⁴² Agog tamol an Jesus irupej, “Jesus, saen onj kinj lasa dop, naj ilo isou.”

⁴³ Jesus ru naon irupej, “Naj rumok nurupaio da, gamu en onj naj da Paradais lo sisem tumado wa.”

Jesus imat a

Mat 27:45-56; Mak 15:33-41; Jon 19:28-30

⁴⁴ Saen an ad isudag 12 klok igo wonj dugo, abanj tidom tubun go tan fidian yafutanig yen dugo yaug 3 klok gurai isi a.

⁴⁵ Man dugo, saen an lo ad ta ided na ya. Agog yamel tubun tempel lo iyuk yen an, imasireig uraru dilasa ya.†

⁴⁶ Agog Jesus awan tubun mi iwagin go ibol, “Bai, naineg n̄utug oñ bani lo n̄igane da.” Ago ibol go imat.

⁴⁷ Agog Rom yu tamol sad gurman in aban ago ileg, Anut yan an yabisag ibol, “Rumok geig. Tamol en man muruan ta tinin lo tia ya. In itaot a.”

⁴⁸ Saen tamolpein a gubak mi aban dile wo dutumani an Jesus imat dugo dile man, ilo muruan lo sed titired dufunig‡ aben an dibiseig diau a.

⁴⁹ Gug tamolpein fidian a Jesus dulon an, pein a Galili nag n̄ien fo dupalu yan dam, duparianig asau mi dutur a. Dugo dugo ilasa yan dile wo malad digane ya.

Jesus mutou lo digane ya

Mat 27:57-61; Mak 15:42-47; Jon 19:38-42

⁵⁰⁻⁵¹ Tamol ta yan an Josef, in Juda panu ta Arimatia dubol dan san tamol. In tamol uyan, agod itaot. In Anut san kagin panek ipalu wo malan igane se ya. In Juda sad kaunsil lo imado gug kaunsil dida Jesus san mater o ilod ta kisaek na ya, agod awok ta ipidinai na ya.

⁵² Tamol an Pailat san na yaug, Jesus san sisanun in anep mutou lo igane wo isumiani.

⁵³ Pailat awok ipani tag Jesus san tinin tubabun aigim fo yak ipasig, yamel milkouk ak nam ifoug,

† **23:45:** Kulob an fun man igo ya: Jesus san mater an log dalawan ipasig, gamu id fidian Anut san na tau san dal yen da. ‡ **23:48:** An man ilo muruan san kob

gib ta pat tubun ak ilon dupasi an lo igane ya. Gib an imug tamol ta ate disare man tia ya.

⁵⁴ Nal an Soubul Kubunek San dubol a. Sabat nal fun igane wo da. §

⁵⁵ Pein Galili nag Jesus njen fo dupalu yan Josef dida diaug, gib a lo Jesus san sisanun dugo dugo won iganeg yen an dam dile ya.

⁵⁶ Agog dumul, insiganed na diaug, gurenj mumalun uyan ak Jesus tinin diabi wo dukubune idu. Sabat nal ilasa tag kubiaenj ibol ak fom diganeg, yaes dubal.

24

Jesus fon kumaen imasa da ya

Mat 28:1-10; Mak 16:1-8; Jon 20:1-10

¹ Aria, ubou san nal Sabat dubol dan* itout go nal patun fo, ubou turan san nal malmalan,† tidom lom geig, pein gurenj mumalun uyan uyan ak fidian dukubune yan disinig, mutou fun na diau a.

² Mutou fun na dilasag, pat tubun a ate mutou awan dufutani an awan dubuli yau la yan dile ya.

³ Ago tag gib ilon lo diladu yak gug Jesus san sisanun ta dile na ya.

⁴ Agog kankan ifu dugo dutur ibol ak, tamol ta urarum, insad kulos weil irafule dan san lilaman igo won ak, giraned na dilasag dutur dugo dil a.

⁵ Pein an tubun kasik direr go naod itakok tan na idu ya. Agog tamol uraru an durupidai, “An ata

§ **23:54:** Juda sad ilo sou lo, gurai idug ad idiau itout man, an nal foun ak ilasa la yan san kob. * **24:1:** Sarere † **24:1:** Sande

wo tamol dumat ak lulunad lo tamol kumaen ak abanja abi dak i?"

⁶ Inj etna tia. Inj kumaen imasa ya. Ilo sou agane, gubak mi saen anj inj da Galili na amado yan igo irupaian go ibol,

⁷ "Tamol Nanun aupasek tamol banid lo diganep, aigim fo dubali wa. Agop nal utol yen gup, fon kumaen imasa da wa."

⁸ Ago dubol dugo pein an Jesus san ru ilod isou.

⁹ Ago tag mutou dibiseig dumul diaug, megeloum 11, agod tamolpein aenta dida dumado dan dam durupidai a.

¹⁰ Pein a diau an: panu Magdala san Maria, Joana, agod Jems tinan Maria. Inj pein aenta dam dida diau ak ru an aposel adi naod na dubol.

¹¹ Ak man aposel adi sad ilo sou lo man, ru a pein an durupidai an njeneo mi a, an njinen o ilod lo ta rumok na ya.

¹² Gug Pita imasag, imaspalug, mutou fun na yaug, iyep pat gubaran ilon lo yau ya. Ak man yamel a ate Jesus san sisanun dufou an mi yen dugo ile tag, kankan gidigheid injane dugo fon imul ab lo yau a.

Tamol uraru Jesus dala Emeas na yau dan te dile ya

Mak 16:12-13

¹³ Nal kisaek an lo mi lulunad lo tamol uraru inj panu ta Emeas dubol dak lo diau se ya. (Jerusalem biseip, 11 kilomita wau gup, Emeas na lasa wa.)

¹⁴ Dal na melmel a fidian ilasa na yan nug lo dukubiai dugo diau se ya.

¹⁵ Inj sed di njinen di diau dugo Jesus inj sen ilasag, luad isag, dida sisem diau a.

16 Tamol uraru an Jesus dile bo man, Anut malad yafutani an lo in tamol sen ak ta dubol a.

17 Agog Jesus isumianai, “An so ru ta abol dugo au di?”

Ru an dulon go dupartuanig ilo muruan ad da dutur a.

18 Tamol ta yan Kleopas imasag isumiani, “Nag onse kisaek Jerusalem na nor warim kulob ilasa na yan ta ulon na boi i?”

19 Ago dugo Jesus isumianai, “So mel ta?”

In ru naon durupe, “Muruan nek a Nasaret tamol yan Jesus dubol dan lo ilasa amaiak ninen o mabol da. Tamol an in profet. Insan ninen, urat dam dabai anda igane se ya. Anut, in tamolpein dida dupitiani na ya.

20 Man sama pris gurman adi agod idsad gurman fidian dida dubol dugo, Rom san gabman gurman banin lo digane ya. Agog tamol an kot ipanig aigim fo dubalig imat a.

21 Man iloma lo, Anut tamol an Isrel adi patud ipasi wo ipiliani a. Ago igane wo man tinim migane pani na ya, gug gamu tia ya. Taيدا mi, gamu muruan an ilasa gug nal utol yau la ya.

22 An mi tia, man sama pein lulunad lo aenta tidom lom mutou fun na diau a.

23 Mutou fun na dilasag tubabun gib lo ta dile na ya. Ago tag man sama na dumul go igo durupaiama, malad nutun dile dugo enel uraru dil go enel an durupidaig dubol, ‘Jesus kumaen imasa la ya.’

24 Ago tag man lulunam lo tamol aenta mutou fo diaug pein adi durupaiama yak ago mi dile ya. Ak man tubabun ta dile na ya.”

25 Agog Jesus irupidai, “An ilom tia. Ata wo profet adi ru dubol na yan ilom lo ta rumok na yak i?”

26 Profet adi kuai tem dubol, Kristus mitep muruan isini gup, inanen girager agod yan an tubun ak inane wa.”

27 Agog in sen ninen o girek lo Moses in profet adi dida ninen o dubol na yan fun ifulale ya.

28 Agog dupalug, Emeas sumeik dugo, Jesus itaot yau wo igane tag

29 diabituanig durupe, “Ad idu la yak ninen o umoip, taen.” Ago tag dida ab lo disida ya.

30 Anan diani wo dumasi dugo Jesus bret inaneg, Anut ilo uyan ipanig, yafuteg, ipidinai dugo malad ipuk go

31 in dulon man, tamol en nek Jesus sen a. Agog Jesus gamu nam malad lo tia yau.

32 Agog tamol uraru an nug ru durupeig dubol, “On ilo isou, gubak mi saen Jesus id da dal na turen tabi dugo ru fidian girek lo yan fun ifulale panad se yan, in san ru bubed lo nek ibol yai inani dak igo won a.”

33 Agog dumasag fon Jerusalem na ririan dumul go diau. Jerusalem na megeloum 11 an in turad aenta dida dutumanig dumado dugo dil a.

34 Agog in tamol uraru an durupidai, “Rumok geig. Tubun en fon kumaen imasa ya! Saimon Pita sen malan lo mok ile ya.”

35 Ago tag tamol uraru an dam dal na aban dugo dile yan dubol, “Man dam dal na mile yak man in ta malon na ya. Gug saen bret yafuteg ipanama ante dugo in malon a.”

Jesus megeloum naod na ilasa ya

Mat 28:16-20; Mak 16:14-18; Jon 20:19-23; Apo 1:6-8

³⁶ Tamol uraru an ago dinjinej dugo Jesus lunjad lo ilasag ibol, “Anj maror amado.”

³⁷ Agog durut go direr saian. Inj ilod lo tamol njutun ta naod na ilasa dubol a.

³⁸ Agog isumianai, “Anj ata wo arer daki? Anj ata ninjen o ilom weiwei di?”

³⁹ Malam ipalup, njeg banig ale. En man njaiseg. Abiag pe aliag! Tamol njutun man tinid tatu an tia ya. Gug njai man tinig tatu amag da ya.”

⁴⁰ Ago ibol go njien banin ikibiai dugo dile ya.

⁴¹ Inj ilod uyan ak man ilod lo kitek ta rumok na ya. Man dugo, durut saian dugo inj ilod weiwei, an lo ilod lo rumok san ta pasauman na ya. Ago tag isumianai, “Anj etna mel nuaen san ta yen di?”

⁴² Agog iy gisek ak dupanig,

⁴³ naod nam injaneg yani dugo dile ya.

⁴⁴ Agog irupidai, “Imug njurupaianj ak ilom isou. Wagam Moses san kubiaen lo, profet adi sad girek lo, agod Isrel sad kanam buk lo dam, melmel fidian njai o digire na yan nujon ilasa wa.”

⁴⁵ Agog injsad kankan isofulaleg, an lo Anut san ru girek lo yen dan fun mok dulong fufei a.

⁴⁶ Agog irupidai, “Ru a buk lo digire yan igo ibol: Kristus mitep muruan isinip, imat pe, nal utol gib lo yen gup, fon kumaen imasa da wa.

⁴⁷ Inj yanan lo Anut tamolpein ilod ibilisa dop, injaned muruan ipasi pidinai an san ru, Jerusalem na fun igane gup, panu panu lo yau a.

⁴⁸ Anj melmel ilasa dugo ale na yan abol dop, dulong a.

⁴⁹ Bai mel ipanan o ibol an n̄au gup, n̄idinip ipalu wa. Ago yak niñen o Jerusalem na malam aganep amado dop yaup, dabai a lak na yak ipalu wan idup an̄ tinim in̄anefute wa.”

Jesus lak na isuda yau a

Mak 16:19-20; Apo 1:9-11

⁵⁰ Agog Jesus in̄al go diaug, Betani na dilasa ya. Atnag banin yabisag, bar ipidinai a.

⁵¹ Agog ibisawaig, Taman in̄aneg sin̄iren na yau a.

⁵² Tamol a leil digane dan Jesus ubou an dile gug yousai tubun geig ak lo mi dumul go Jerusalem na diau a.

⁵³ Ante saen wei mi tempel lo Anut per dupani dugo dumado na ya.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Apr 2025 from source files dated 31 Aug 2023

757b3e4e-2023-5b45-893a-ee9294ddeb9d